

S P E A K E R : Lalpa ngilneihna erawh chu amah tih-tute chungah chuan chatuan ata chatuan thlengin a awm ang a. A felna pawh an tu chuan thlengin a awm ang.

Sam 103 : 17

Tunah Business kan tan ang a, zawhna Starred Question No. 16-na Pu B.Lalthlengliana zawhna a ni a, tunah zawt turin ilo sawm ang.

PU B. LALTHLENGLIANA : Pu Speaker, Health & Family Welfare Minister zahawm tak chhan atan ka zawhna Starred Question No. 1- na : Kawrtethawveng PHC atan Ministry hian Driver lak a nei em? tunge a hming ? tih ka zawt e.

S P E A K E R : A chhang turin Pu Lalrinliana Sailo, Minister for Health & Family Welfare ilo ko ang.

PU LALRINLIANA SAILO MINISTER : Pu Speaker, Starred Question No.16-na member zahawm tak Pu B.Lalthlengliana zawhna chhanna chu Kawrtethawveng PHC atan tun Ministry hian Driver regular lak a neilo tih a ni e.

PU B. LALTHLENGLIANA : Pu Speaker, zawhbelhna - Report dawn anih danin Kawrtethawveng PHC Driver atan hian Lalnipuii d/o Zalianthanga, a hming Lalnipuia ti a laka IV-Grade a rawih a ni a, Motor khalh tura lak a ni a, a khalh thiam loh avangin Doctor-in a ma hlawh atangin Rodintluanga s/o Ramdinthara(L) Kawrtethawveng fapa a la tih report dawn a ni a. Hei hi kan Minister zahawm takin a chhanna-ah lak a awmlo tih chhanna a ni a, report a awm ve bawk si avangin hei hi kan Minister zahawm tak hian thil dik anih leh nih loh min enfiah sak thei ang em ? tih ka'n zawt e.

PU LALRINLIANA SAILO MINISTER : Pu Speaker, zawhbelhna chhanna chu - Kawrtethawveng PHC ah hian in nikum November ni 26 khan tuna Member zahawm takin a rawn sawi hi lak a ni a, inthlan hma Khan Rodinpuia tih hi Rodinpuii tih a ni a. Hmeichhia anih avangin motor khalh chi pawh a ni lova, a tirah chuan IV-Grade in an chhawr a. Tin, Pu Speaker, hetihlai hian appointment an pek lai hian motor pawh a awmlo reng reng a, motor hi kumin January 9, 2009 khan pek chauh a ni a. Hei hi a zawttute sorkar laia thil tih a ni e.

PU B. LALTHLENGLIANA : Pu Speaker, a zawttute sorkar laia tih nimahsela he sorkar hian thil dik taka kalpui in tum thu vote chhiar tlai atanga vawiin thlengin kan ngaithla a, a dik lova Driver atana lak a ni a, model code of conduct in a phuar tawh hnu a lak a ni a, a diklo anih chuan chu chu a siamthat hna kha kan Minister hian a thawk thei lawm ni ? Ministry hmasa lak a ni e, tih sawi mai lo khan.

PU LALRINLIANA SAILO MINISTER : Pu Speaker, a lawmawm khawp mai. Kan hotupa hian in, “a hma mite thil tih atha anih chuan kan chhunzawm zel ang” a ti a, “a tha lo chu kan siamthangam tur a ni”, a ti a. Hei hi sorkar pawhin a ngaihtuahna a hmang tawh a, tichuan M.R. in a hma-a Lalnipuia ti-a a chhuah kha Rs. 143 per day-a chhawr a ni a, amaherawhchu kha kha anih tak loh avangin tunah hian RKS (Ravi Kalyan Samitri) hei hi NRHM hnuai a Village Level Society ang a ni a, chu chuan a remchan dan angin Rs.1500 hlawhin a hlawh hniam zawkin tunah hian ruahmanna a awm leh mek a ni.

S P E A K E R : Tunah Starred Question No.17-na zawt turin Pu C.Ramhluna ilo sawm ang.

PU C. RAMHLUNA : Pu Speaker, Political & Cabinet Department Minister zahawm tak chhan atan Starred Question No. 17 - (a) Parliamentary Secretaries te hi eng dan mumal tak emaw tlawhchhana appointment hi pek an ni em ? (b) Eng ang thuneihna nge pek an nih ? (c) An mahni enkawlnan hian sorkarin thla khatah sum engzatnge a sen theuh ? (d) Kan State pachhe tak dinhmun thlir hian Parliamentary Secretaries te awmtir reng hi kan tlin in kan hria em ? tih ka zawt e.

S P E A K E R : Chhang turin Pu Lal Thanhawla, Hon'ble Chief Minister for Political & Cabinet Department ilo sawm ang.

**PU LAL THANHAWLA
CHIEF MINISTER** : Pu Speaker, zawhna Starred Question No. 17-na (a) chhanna chu - Ni e, tih a ni a. (b) chhanna chu - Minister tanpui theihna thupek anni a. Tin, an thawhdun dan chu Minister nen an inkara an tih ang ang ani ang. (c) chhanna chu - An hlawh lak dan tur siamfel mek a ni a, an tana sum sen zat hi hriat theih ala ni lova. (d) chhanna chu - Hria e, tih a ni.

PU C. RAMHLUNA : Pu Speaker, zawhbelhna - Rules of Procedure & Conduct of Business in Mizoram Legislative Assembly defini-tion (n) ah khan, Minister means a member of the Council of Minister, a Minister of State, a Deputy Minister or a Parliamentary Secretary tih khan dah a ni a. Mahsela, Notification Dt. 29.12-a chhuah ah hian - 'In the order of precedence, the Parliament, Secretaries shall be ranked alongwith the Deputy Speaker and Minister of State tiin dah a ni bawk si a. Hemi kan rules en hian Parliamentary Secretaries te hi Dy. Minister nena intlukupui ni awmin a lang thei a 'or' anih kher avang hian. Helai presedence ah hian List of State Rank a dah a ni bawk si lai tak hi hriatthiam harsa tak niin ka hria a, hei hi kan rule a hi amend anih si loh lai hian Parliamentary Secretary te hi kan dah sang ta deuh em ni tih kha ka han zawt duh a.

Tin, kan hriat danin a dan mumal tak hi la siam loh ni a hriatna kan nei a, tunah hian a bill hi putluh mek a ni ta a, a bill la pass anih hma si khan eng dan nge kan hman tak ? tih lai tak a kha kan zawtbelh e.

PU LAL THANHAWLA CHIEF MINISTER : Pu Speaker, Deputy Minister kan la neih rih loh avangin Parliamentary Secretary te rank kan status relevant hi chu sorkarin determine turin prerogative a nei a, anni kher lo pawh chutianga tih chu a ni. Tin, Parliamentary Secretary hi Central Sorkarah pawh an nei tawh thin a, tin, India ramah pawh State 20(sawmhnih) laiin an nei tawh thin a. Vawiinah pawh state engemaw zatin an la nei a ni. Chuvangin, an scale leh personal entitlement-te pawh Govt. of India in Notification chiangkung tak a siam a, chumi zulzui chuan vawiinah hian an status te, an personal staff entitlement te leh hetiang chi hi kan siam sak a ni. Amaherawhchu, chuti chungin keimahni ngeiin keimahni duhdan leh keimahni kalphung rema Dan te neih ve tha a kan hriat avangin niminah khan a bill kan introduce a ni.

PU LALDUHAWMA : Pu Speaker, Rural Development Department changtu Minister zahawm tak zawhna
- IAY hi chhunzawm zel a ni dawn em ? tun financial year chung hian beneficiary engzatnge awm theitih leh beneficiaries te thlan chungchangah hian bialtu MLA ten tlemazawng tal ngaih pawimawh zualte thun ve theih dan te a awm em ? tih ka zawt e.

S P E A K E R : A chhang turin Pu R. Lalzirliana, Minister for Rural Development Department ilo ko ang.

PU R.L LALZIRLIANA MINISTER : Pu Speaker, Aizawl West-I bialtu zahawm tak Pu Lalduhawma zawhna chhanna chu - IAY hi Centrally Sponsored Scheme a ni a, chhunzawm zel leh chhunzawm zel loh hi chu Central Sorkar thu thu a ni. Tin, 2008-2009 ah hian IAY hnuaiah beneficiaries 3729 awm thei tura beisei a ni a. Tin, (b)-na chhanna chu - IAY hnuaia beneficiary thlan chungchangah hian Central Sorkar-in guideline fel tak a nei a, chu a guideline-ah chuan a rawn tih thar a ni a. Kum 5 atan permanent vide list an rawn siam a, chutianga ang chuan 2007 khan thlan a lo ni tawh a. A serial indawt lo chuan thlan theih pawh a ni lova, tunah hian duhzawng emaw, ngaih pawimawh zawng kha MLA ten emaw, midang pawh khan a thun theih loh a ni. Kha kha ka chhanna a ni.

PU LALDUHAWMA : Pu Speaker, zawhbelhna - Kum 5 chhung atana IAY beneficiaries tur lo thlan lawk ringawt mai hi Central-in rawn ti mahsela kan ram condition nen hian a inmil lo em em mai a. Mi tam zawk hi kumtin loneia eizawng an ni a, buh kham an thar kum chuan mi awmthei an ni mai a, an thar loh kum chuan BPL anni leh mai a. Khatiang anga danglam danglam kha kan economy anih avangin tuna kan Minister zahawm tak te nen pawh hian tunhma khan hei hi chu a diklo a ni kan ti tlang thin a, meeting-ah te pawh Central-ina kan ram condition hrechiang lutuk lova min rawn tih tir, kum 5 lo awm tur atan a dawngtu an lo thlan lawk ringawt a hi sorkar thar hian kalpui loh hi kei chu tha ka ti a, kan tihdan pangngaia a tlachawpa thlan theih dan hi nawr dante pawh awm sela, chumiah chuan kawng hi a awm lawm ni ? Tin, engemaw ti taka han tihdan mai te pawh anmahni rawn em em lo pawhin phuahchawp deuh te pawhin a kal ve theih lawm ni tih kha kan zawt e.

Tin, a dawtlehah chuan a selection ah hian guideline chu a awm tehmeuh mai. Amaherawhchu, practical-a kan hmuh chu a guideline hi kan zawm ngailo a ni, a tam zawk hian. V/C te, NGO te kalkhawmin an thlang ang tih anih lain ruling party ringawtina BDO-a thehluh hi a tam em em a, V/C te ringawtin an thehluh kha a tam em em a, khang kha tha lo kan tih tlan thin kha a ni a. Chungah chuan kum 5 bial pakhat kan enkawl tawh hnuah pawh tam tak mirethei insak scheme a awm tawh hnuah pawh kohhran leh YMA-in hnatlanga an sak sak ngaite hi a la awm a ni. Chuti anih chuan a Selection Board khan a deserving person-a te hi an select lem lo tih hi a chiang lutuk a, chutah chuan MLA-te chuan kan bialchhunga mamawh ngawih ngawih chu kan lo hre deuh nge nge a ni. Khatah khan a Dan zu tih danglam pui pui chu keinin theilo mahila engemaw understanding deuh, Minister te nena inhriatthiamna hian khami BDC meeting-a kan thehluh khawmna thinah khan ngaih pawimawh zawng 'kan MLA-te hi lo ngai pawimawh ve deuh teh u a' han tih, phuahchawp deuh hlek engemaw te kha conversion hi a inpek theih loh maw ? Awmze nei deuh hlek a mamawh zualpui kum tam tak an lo thlan duh loh a te kha kan zu thurchhuah theih nan a ni ka tih ber ni.

S P E A K E R : Niminah pawh khanin Pu Speaker bialah pawh hian YMA-in mi pakhat In an sak sak a, vawiinah hian an zo thei ang emaw. Chhang turin Minister i ko ang

**PU R. LALZIRLIANA
MINISTER** : Pu Speaker, Aizawl West-I bialtu
Pu Duh-a hi kan hnen lama thu awm
tak niin ka hria a, thiltha a duhna hi
kan inang a ni. Kan sawi thin reng a, hemi
permanent wage list tih hi meihawl zuar te pawh JCB te, Truck te kar lova nei thei mai
hnam kan ni a. Chuvangin, contract emaw, engemaw thil han tihfuh deuh chuan BPL a
awmte pawh kha an chung a han awm daih thei an nih avangin Central Sorkarin a
permanent wage list a siam hi kum nga atan a ni lehngal a, 2007 khan thlan a ni a,
khang lai khan i veilamah hian kan thu a, an thlan dan kha diklo kan ti a. Chuvangin, hei
hi ennawn tha kan lo ti tawh a, ennawn turin kan lo ti a, chutah pawh chuan ruling party
chauh-ina an thelthuh thin a kha dik kan ti lova. Tichuan, member atan VCP an tel ve
ang a, party tin atangin recognized party atangin member pakhat theuh an ni bawk ang
a. Tichuan, NGO, YMA leh MUP leh MHIP atangin an aiawh pakhat theuh an ni ang
a, BDO in a ho ang a. Tichuan, a tul leh a mamawh tak tak a te chu an rawn thlang
chhuak ang a, Central Sorkarin 2003 atan Sorkar hmasa khanin an lo thlan tawh ni
mahselangin, a awm ten kan hriatchian zawk avangin heng hi a tul zawk a ni kan ti
ang tiin hei hi tih that kan lo tum mek a ni. Chu chu kan chhanna a ni e.

S P E A K E R : Tunah Starred Question No.19-na
zawt turin Dr R.Lalthangliana ilo ko
ang.

DR R.LALTHANGLIANA : Pu Speaker, ka zawhna Starred Ques-
tion No.19-na LAD Minister chhan
atan - Ministry hmasa in 2008-2009
chhunga Housing Loan Additional tura a thlan
fel vek tawhte kha cancel sak an ni em ? tih kha ka zawt e.

S P E A K E R : A chhang turin Pu P.C.Lalthanliana,
Minister for Local Administration
Department ilo sawm ang.

**PU P.C. LALTHANLIANA
MINISTER** : Pu Speaker, Lunglei West bialtu zahawm
tak zawhna chhanna chu - 'Ni e' tih
a ni e.

S P E A K E R : A lawmawm e. Tikhan kan kalchak thei deuh dawn a. Niminah khan chhan hman loh kha kan ngah a, a hma-ah hunte kan hman avangin. Tunah Starred Question No. 20-na zawt turin Pu C.Ramhluna ilo ko ang.

PU C. RAMHLUNA : Pu Speaker, ka Starred Question No.20 na Power & Electricity chhan atan (a) Kolodyne Phase-II Hydro Electric Project Mizoram sorkar leh National Thermal Corporation ten December, 28 a MoU an sign tak ang hian thawh tan a ni tawh em ? (b) He Tuikhuah tur in a chim chhiat tur ram neitute hi engzatnge ni a, engtia zau nge a chim chhiat ang ? Chumi atan chuan compensation pek tumna a awm em ? (c) He Tuikhuah tur hi zawh hun tur bituk a awm em ? a awm chuan eng hun ah nge zawh theih hun tur ? khuah zawh anih hun chuan tu ta tur nge ? Mizoram, abik takin LADC-in eng nge hlawkna a tel ve ang tih ka zawt e.

S P E A K E R : Zawhna chhang turin Pu Lal Thanhawla, Hon'ble Chief Minister for Power & Electricity Department ilo sawm ang.

PU LAL THANHAWLA CHIEF MINISTER : Pu Speaker, kan member zahawm tak Pu C.Ramhluna zawhna chhanna chu - (a) Aw ni e, MoU a awm chuan thlaruk chhungin pre-construction activities hna tan tur tih a ni. Tunah hian MTPC management cell chuan tun chawpchilh a mihring tha man-power mamawh zat chhawrna tur a sanction tawh a, posting hi tunah tih mek a ni. Tin, site-office te, transit camp te tunah hian buatsaih turin hmalak mek a ni bawk.

Tin, (b)-na chhanna chu - A ram tih-chhiat tur leh mihring sawnchhuah ngai tur hi survey neih a ni ang a, compensation hi a dawng tur dik tak hnenah pek a ni ang a, a dik lo te hnenah pek a ni lovang.

Tin, (c)-na chhanna chu - Ruahman ang chuan kum 6 chhunga zo tur a tih a ni. Tin, NTPC Project anih ang in NTPC te ta tur a ni. Project zawh anih hunah chuan power generate zawng zawng atangin 12% free power chu Mizoramin a nei ang a, state share tur central-in a duan bakah 15% chu Mizoramin a lei duh chuan central electricity regulatory commission rate fixed angin company in a supply bawk ang. Power generate zawng zawng 1% hi Project Area Development atan chhun a ni ang a, hei hi Project Affected Area LADC leh MADC ten an chhawr tangkai thei tura beisei a ni.

PU C. RAMHLUNA : Pu Speaker, chhanna kan hria a, a lawmawm hle in ka hria a. Sawlaih thermal megawatt power generate thei tur project siam ani tur hi a lawm-awm takzetin ka hria a. Kan Sorkar chak takina hma a lak dan pawh a lawmawm in ka hria a, lawmthu ka'n sawi a.

Chutih rualin Pu Speaker, hemi MoU han en hian 'the state govt.' tih zel hi a ni a, sawlai saw District Council Area anih avangin enkawlina mumal deuhhlekk a neih a ni ve a, churang chuan a ram pek chungchang thua te leh hemi a power cell chungchang thua te hian District Council hi engemawti tak a special treatment pek theih a ni ve em ? entirnan - 12 power 13% te, 15% te an neih tur atang hian MADC leh LADC atan hian chutiang zat chu ni ve sela ti deuhhlekk a tun atanga ziah chhuah theih te hi ani ve em tih te hi ka zawt duh a.

Tin, land transfer chungchangah hian 'the state govt.' hian tih zel kha a ni ta a, mahse sawlai saw disbursed area anih tak avang khan District Council hi hetah hian rawn an ni ve em ? Ram in pek chungchang thua hian a chhan chu compensatory area ah te pawh a la awm dawn ta a, khami te pawh kha anmahni ram vek atanga pek tur anih si chuan District Council hovin tun atanga an hriat loh chuan harsatna a awm ve thei tho niin ka hria a. Churang chuan khatiing ang kha helai MoU sign anih lai khan District Council hotute ve ve hi rawn anni ve reng em, an mawhphurhna leh an chan turte hi tih kha kan zawtbelh e.

S P E A K E R : Chhang turin Minister ilo sawm ang.

PU LAL THANHAWLA CHIEF MINISTER : Pu Speaker, nakinah a lo hmin hunah chuan Mizoram pumpui ta tur a ni a, 12% free power kan neih tur hi. Tin, hei bak hi neih tur a awm bawk a, LADC te, MADC te Mizoram chhung a mi an ni a, kan share a inang vek turah kan ngai a. Tin, a mamawh zia ang zelin power-te kan neih hunah phei chuan inphuhruk tlang tur kan ni. Tin, Pu Speaker, power project hi survey investigation CWC kan tih tir atang khan helai District Council te nena inberem tawh te kan nih avangin tuna tharthawh tul tihna kan hre hranpa lem lova. Tin, tuna a process ah pawh hian an telve chho zel a, an welcome a ni tih kan hriat avanga hetiang kaltung hi kan ni e.

S P E A K E R : Tunah Starred Question No. 21-na zawt turin Pu K.Lalrinthanga ilo sawm ang.

- PU K. LALRINTHANGA** : Pu Speaker, ka lawm e. Starred Question No. 21-na - Bilkhawthlir to Saiphai kawng enkawl hi tu hna tur nge ? tih ka zawt e.
- S P E A K E R** : Pu Lal Thanhawla a zawt ngawt mai a, a enkawltu pawh kha a sawi lemlo nge ? tu hna tur nge tih em ni ? Engpawhnise, Chief Minister chu engkim a ni a, han chhang sela, ilo ngaithla ang u.
- PU LAL THANHAWLA
CHIEF MINISTER** : Pu Speaker, he kawng Bilkhawthlir - Saiphai kawng hi tu hna tur nge ? tih a ni a. He kawng hi E.E., PWD Kolasib Division-in a enkawl mek a ni.
- S P E A K E R** : Chief Minister chuan a chhang thei mai a lawm tu hna tur nge tih pawh kha a changtu leh a enkawltu pawh a chhang thei mai alawm. Zawhbelh duh kan awm em ?
- PU K. LALRINTHANGA** : Pu Speaker, he kawng hi Department lam official atanga ka hriat dan in kum 2008-2009 chhung hian TANTIA construction enkawl turin dah a ni a. Nimahsela a enkawl nan sum pakhatmah, hun kal tawhah khan dah a ni leh si lova, PWD chuan an hna chu TANTIA hnena an pek tawh avangin an enkawl ta si lova TANTIA in sum awm loh avangin an enkawl bawh si lova helaiah hian mipui tan harsatna nasa tak a thlang a, hei hi engtingge a kal chhonzawm zel dawn ? tih ka han zawhbelh e.
- PU LAL THANHAWLA
CHIEF MINISTER** : Pu Speaker, member zahawm tak sawi kha a dik a, Tuirial Hydrel Project hi Kan major project hmasa ber a ni a.

Pu Speaker, NDA Sorkar khan fund min pe thei lova, sorkar hrang hrang kan dap a, a tawpah chuan overseas economic development fund Japan in min pe ta a ni. An Engineer te an rawn tir a, Tuivai te kan entir nghal a, an phur hle a, a tha an ti a. Chuvang chuan, Tuirial hi kan huntawp dawn lamah khan a lung kan phum a, NEEPCO in ngawrh takin an bei chhova, an phur hle a, chutianga tih chu a ni.

Tin, Tuirial Hydrel Project Lungphum ka phum ni hian overseas hotute khan “ka pu, nakum tun ang hunah hian 210 mega watt Tuivai Hydrel Project pawh hi a lung i phum leh thei ang” min ti a ni. Chu erawhchu lipuia thlak ang vang vang a ni ta rih a, tunah hian kan thar thawh mek a, thawh chhonzawm lehna bul tan tur a hmalak tan mek a ni a. Sorkar hmasaah khan MoU signed pui an lo nei tawh a Tuivai ah hian. Mahselangin, an hming pawh hriat ngai loh anni a, nimina Lord Krishna an sawi ang deuh kha a ni a, chuvang chuan kan paih leh ta rih a, midang tha zawk kan la zawng mek a, central sorkar-te nen tang hovin a thawhna tur grant ang te ngaihtuah a, beih chhonzawm dan kan ngaihtuah a ni.

Tin, Tuirial Hydrel Project hi Pu Speaker, kum 3(thum) vel lai NEEPCO in an thawh tawh hnu khan kan hotute Pu C.L. Ruala te, Pu Thangliana te ho nen kan zuk tlawh a, tumah mi pangngai tlawh an lo la awm ngai lova, an lo phur hle a, an problem te min lo hrilh a, chutah chuan kawng hi a tel a ni. Kawng hi anmahnin an enkawl a, a chhe khawp mai a, keini pawh khan kan motor nei ang ang kha kan keng ve a, “thian huatzawng takte motor ken nan a tha mang e aw” kan ti a ni. Kawng chhiatzia chu chutianga khawp chu a ni a. Chuvangin, ngaihthah a ni tih a hriat a ni. Tichuan, tuna kan ngaihthlak ang khan 2008-2009 ah khan Tantia Construction Company te hi sorkar hmasaah khan pek a ni. Mahse, pawisa pakhatmah dah anih loh avang khan an thawk thei lova, pawisa awmlo chuan. Chuvangin, tunah hian Tuirial Hydrel Project hi tharchhuah tura hma kan lak leh avangin leh central sorkar pawhin a principle chuan min phalsak tawh a, chuvangin khulai kawng khu ngaihsak viau loh theih a ni tawh lo a ni. Chuvangin, sorkar tharin a siamtha ang.

S P E A K E R : Starred Question No. 22-na zawt turin
Pu K. Liantlinga ilo ko ang.

PU K. LIANTLINGA : Pu Speaker, ka lawm e. Starred Question No. 22-na Hon’ble PHE Minister chhan atan - (a) Aizawl Greater Water

Supply Scheme Phase-II hi Original Estimate engzatnge ? (b) Aizawl Greater Water Supply Scheme Phase-II original contract proportion hi vawi engzatnge revised anih tawh ? (c) AGWSS Phase-II Department thawh hi revised a ni em ? nise vawi engzatnge ? a amount nen. (d) AGWSS Phase-II atang hian nitin tui litre engzatnge pump chhuah anih ? (e) AGWSS Phase-I ah hian nitin tui engzatnge pump chhuah anih tih ka zawt e.

S P E A K E R : Chhang turin Pu S.Hiato, PHE Minister i sawm ang.

PU S. HIATO MINISTER : Pu Speaker, Pu Liantlinga Member zahawm tak zawhna chhana chu hei hi a ni e. (a) Phase-II a original estimate hi 71.80 crores a ni. (b) Vawikhat. (c) Vawikhat revised a ni a, Rs. 39.73 crores atangin Rs.50.186 crores ah revised a ni. (d) 30,00,000 lakhs litres. (e) 77,00,000 lakhs litres pump chhuah a ni.

S P E A K E R : A dik maw kha kha ? A litre zawngin an rawn dah a, lakh litre in an rawn ti a, a lakh litre ah khan a tam viau a nia.

S. HIATO : Pu Speaker, a lakh a kha a ni lova, a litre zawng anih avangin a litre khan ka lo chhang a ni.

S P E A K E R : Tin, a zawttu khan Aizawl Greater Water Supply hlinin a zawt in ka hria a, a chhangtu rawn chhanna kha Greater Aizawl a ni a, Aizawl Greater nge dik a, Greater Aizawl tih pawh kha Pu Minister han sawi lehngal teh.

PU S. HIATO MINISTER : Pu Speaker, ka lawm e. Ka lo chhang hmanhmawh deuh a niang e. Greater Aizawl Water Supply Scheme tih a ni a, Phase-I leh Phase-II a awm a, Phase-II kha ka chhang hmasa a, Phase-I kha a hnuhnung zawk a pump chhuah kha a ni e.

K. LIANTLINGA : Pu Speaker, ka lawm e. Tuna chhanna kha lawmawm ka ti a, khati zat an revised tawh a, sum pawh khati zat kha hman a ni tawh a. Amaherawhchu, tunlai kan Mizoram leh Aizawl dinhmun thlir hian tui hi a harsa em em mai a, tlaivarin tuikang nghakte an awm a. Tin, public point tihthat turte pawh, public point ah pawh pek hleihtheih a ni lo a, tianga harsatna a awmlai hian darkar engzatnge nikhatah an pump a, hetizat pump chhuak si engvanga harsa nge kan nih tih hi ka zawhbelhna a ni e.

PU S. HIATO MINISTER : Pu Speaker, Aizawl Greater Water Supply Phase-II hi thawnthu sei tak sawi tur a awm a, kan Chief Minister zahawm takina Manishanker a hawntir ni khan hemi scheme hi ‘special forcep a ka chehchhuah’ a ni a ti a, a special forcep anih lai hi a buaina lai tak a ni, chu chu kan harsatna a ni a, original estimate hi avaiin 71.80 a ni a, chutah chuan contractor-ina a chhanna a tender hi 32.07 a ni. Department leh Contractor in an tih tur hi 39.73 a ni. Hei hi pawm dan a ni a. Mahse, 99 ah khan an han chhuah tak tak chuan crores 99 in tender a ni ta a. Chu chu central ah pawisa zu dilin phalna awm si lovin a bak zawng kha chu state sorkar tum tur angin a lokal ta a ni. An han thawk tak tak ta a, chumi atan chuan Planning Commission-a min phalzat ang khan thil kal thei ta lovin DoNER kutah a lut leh ta a, DoNER kha chu an lo strick deuh nge, an thawh danah rinhlelhna an nei kan hre lova.

Chutichuan Pu Speaker, anmahni officer te an rawn tir ta a, vawihnih vawithum lai a hmunah hian inspection te an rawn nei ta a, chutah chuan kan sanction amount ang khan min pawmpui ta lova, thuthar an nei ta a, an neih ah chuan 24 hrs. a pump chhuah tur a ni a, chutah chuan kan pawisa an pawm vek tak loh avangin khawl tam tak kha telh lo mai rawh u min tih sak ta a. Khatia khawl pawimawh tak tak telh loh leh standby pawh awm lova min han tih takah khan a tira estimate kan siam kha siam danglam leh a ngai ta a, kan han siam danglam leh na a, tah chuan kan pawisa hmuh duh ang hi min rawn pe thei ta lova, chu chuan tunah hian min ti sukuk nasa ta a, tui hi kan duh angin kan pump thei ta lova.

Tin, a khawl pahnih Phase-II a mi hi tunah hian a khawl pakhat diesel engine a chhia a, Pune-ah kan zu thawn a, a rawn thleng chho a, mahse a part dang kha a tha leh lova, vawiinah hian thlawhna te a that chuan khami part kha lo thleng chho turah kan beisei a. Khami kan hman theih chuan tunai hi chuan hnianghnar kan in beisei a ni.

Tin, tunah a khawl 52 Diesel Engine RO Water Pump Phase Station No. 1 te, 713 KW Diesel Engine for Water Pump Phase Station No. 2 te, 1700 KW Diesel Engine for Water Pump Station te, 180 KW Diesel Engine for Durtlang Booster Pumping Station te, 37 KW Diesel Engine for Sihphir Booster Pumping Station te, Sub-Station Durtlang leh Sihphir a kan tih mek te, Serlui te hi min cut sak ta vek mai a ni. Hei hi min cut sak tak avangin tunah khan a kal thei ta lova, tunah hian kan beichho mek a. Tun tumah khan kan Chief Minister zahawm tak nen Delhi ah kan zu kal a, Minister kan dawr a, engpawhnise technical ah hian a dik loh pawhin tun tumah hi chuan political a delivered kan ngai a ni. A technical chuan kan ti theilo pawh a niang, ka tum tawh si a, zawh kan duh si a, mahse thlakhat leh a chanve lek a awm tak avang khan rawn pe mahila kan hman dawn lova, kan beisei dan chuan sorkar leh pawh kan beisei a, tahchuan tha tharin in rawn bei dawn a nia min ti a. beiseina sang tak nen kan nghak mek a.

Tunah hian a zawhna tura kan mamawh zawng zawng hi crore 171.54 a ni. Chutah chuan Central atanga sum kan hmuh tawh chu 64.12 crore chauh a ni a, state hian 43.42 crore hi kan tum tur a ni a, a total hi 107.54 crore tur a ni. Tahchuan kan mamawh belh hi 64 crore a la ni ta cheuva min pek tawh zawng zawngah pawh khan. Tahchuan 5 crore hi chu kan nei sa angin kan ngai a, chuvangin kan mamawh belh hi 59.00 crore hi kan neih theih chuan zawh theih a ni ang a, chu chu central a dil tur a ni.

Tin, tuna nitina kan pump hi zawhbelhna-ah khan a khawl te a lo hlui tawh avangin a pump tlem ta em a, chu chuan harsatna min siam a, a khawl kha anih ang tura a pump chhuah theih tawh loh avangin 1986 vela pump tawh Phase-I te kha a ni a, Phase-II lah chu tunah hian 24 hrs. pump tumin theihtawpin hma kan la a, kan Secretary tharte nen, Contractor te nen a hmunah tlawhin vawihnih vawithum lai kan kal tawh a, chutah chuan cable-a zawm theih mai tur kan nei a, cable kan zawm chuan 24 hrs. hi pump theih mai kan in beisei a. Chumi hna ti tur chuan Contractor pawh kan vau tawh a, anni pawhin rem min tihpui a, kan dam chuan reilote-ah hei hi kan tih theih chuan tun aia tha zawk hi chu kan hmuh ngei kan ring a. Chuvangin, khawl pakhat chauhin a pump a, keini a thawktu tan pheih chuan dik chiahin khawl pakhat kha a chhia ang a, Aizawl khaw pumpui hi kan chawl rup ang tih kan hlauh avangin a rukin kan tawngtai kan tawngtai a ni tih hi min hriatpui ka duh a ni.

Chutiang khawp chu kan dinhmun anih avangin tui harsatna kan neih hi kan hria a, mahse kan theihtawk kan chhuah lain kan theihnain a la tlin rih lo a ni tih min hriatpui turin ka duh a ni.

** Speech not corrected*

S P E A K E R : Zawhbelhna Pu Lalduhawma a phar tlat mai, i ko ang.

PU LALDUHAWMA : Pu Speaker, hemi chungchangah hian hun hmasa ah pawh Zero Hour-ah hun ka hmang tawh a, Phase-II a tih tur Phase-I a han tih te, Phase-II a tih leh te, 24 ml 4 tur 12 ml 4 a lo chhuak leh ta tihte leh khang zawng zawng kha kan sawi thin a, thuhluiah ngai ila.

Tuna kan buaina ber ni a ka hriat chu January thla khan negotiation a awm a, department ah leh contractor-ah hian agreement thar siam turin, tichuan chu proposal chu a work Advisory Board hnenah an theh lut a, January thlaah khan work Advisory Board chuan a lo approved ta a, 50% standby nei turin an ti a ni. Chu chu April thlaah khan kan Chief Minister hlui khan a approved tawh baw k a. Tichuan, a contractor hian 100% standby a insist baw k si a. Ka zawh duh a chu he problem hi kan chinfel loh chuan tuna a chhanna zawng zawng kha a dal vek a ni. A point pawimawh ber chu sorkar thar hian 50% standby kha in pawm ta nge 100% zaw k kha ? Sorkar hi a chiang em ? Khawiah nge a dinna tunah tak hian tih hi ka zawt duh a ni. Chumi chu a fel loh chuan engmah a ni dawn lova, 100% standby anih chuan kan tlin chuan a tha em em a. Amaherawhchu, insak belh te a ngai dawn tihna alo ni a, 50% chuan tuna existing ah pawh a in accommodate thei tihna niawm tak a ni a. Chuta kan sorkar thar stand hi a felloh chuan Aizawl khawpui hian kan tuar dawn a, khalai kha fel takin min rawn chhang thei em tih ka zawt duh a.

Tin, a dawt lehah chuan khawl hlui kan hmang a tih kha tuna Phase-II anih hnuah hian khawl thar te kha lei a ni a, 24 hrs. pump thei reengin pipe te pawh lei vek a ni a, a harsa tawhlo tih a ni si a, Phase-I khawl chauh kha emni la hman Phase-II khawl thar te kha hmang lovin Phase-I chauh kha a lawm an la hman tih kha khawlai ti ti ah te pawh ala awm a, chu chu enge a awmzia tih ka zawt duh baw k a.

Tin, a khawl lam a that pawin diesel kan neilo tih avanga pump loh hi kan zawh hian a awmfo mai a, he diesel problem hi kan neih tawh lohna turin engemaw thulh-ah pawh a ba thlau te pawha hman dan hi kan sorkarin a ngaihtuah thei em ?

Tin, a tawp berah chuan Phase-II keini West-I a hmalak tumna te kan hmu a lawmawm kan ti a, chutah chuan Phunchawng khu min telhlo tlat mai a, a bul lawk Rangvamual te a tel si a, pipe a kal thlak tawh rau rau chuan Phunchawng khu a thlengthla ve tur a ni a, chuti lo chu an vui hle dawn a, kan minister zahawm tak hian Phase-II hi Phunchawng-a min pawhthlak sak turin min han tihsak thei em tih ka han zawt baw k a ni.

* *Speech not corrected*

PU S. HIATO MINISTER : Pu Speaker, ka sawi ang khan standby tel lovin sanction kha a rawn kal ta a, standby awm loh chuan a risky em em mai a, tah chuan Work Advisory Committee kan Chief Secretary hovin an thukhawm a, tun 2008 ah khan tah chuan 118 crores kha recommend min siamsak a, chu chu 50% standby awm turin an ti a ni. Chu pawh chu tunah central in min la pawmpui lova, contractor erawh chuan 100% stand by turin alo in ruahman a, agreement ah ziahfel awmlo khan, chu chu tunah hian kan liabilities ah hian min charge-a, keini lah chuan 50% stand by tur pawh khan sanction kan hmuh loh chuan 100% kha chu tihngaihna a awm rih lo a ni. Chu chu kan in dawr mek lai ani tih ka sawi duh a.

Tin, Pu Duhawma bial khu kan ngaihtuah viau a, khawi khawilai emaw chu pipe pawh kan siam tawh a, trial running pawh kan bei a, mahse khawi emawlaia leak te a awm avangin operate theih ani lova. Lo siamtha tehreng pawh ni ila tun dinhmunah hi chuan a luangthla tur a kha kan nei lo a ni.

Tin, Tuikhuahtlang atanga kal Chanmari a kalthla tur pipe lian phum tur a ni a, chu pawh chu kan la phum thei rih lova. Chuvang chuan, tui harsatna kha kan hriatthiam pui em em a, nimina zawhna pawh kha, chu chu kan chhanna atang khan a chiangin ka ring.

PU LALDUHAWMA : Pu Speaker, a dangte kha chu pipe Sakawrtuichhun thlengin a awm tawh a, Rangvamual kha dahbelh tur a pawm a ni tawh a, a bul lawk a mi Phunchawng tel lo kha min han thuntel sak thei em ? tih kha min chhang nghal sela.

PU S. HIATO MINISTER : Pu Speaker, Phunchawng chauh ni lovin tunah Sihphir, Durtlang te leh hmun hran hran pek tur kan ngah lutuk a, mahse kha scheme kha a zawh loh avangin pek theih a ni lova. Hemi Phase-II 24 hrs. hi kan pump chhuah theih chuan khang zawng zawng kha cover turin kan beisei a ni. Chumi atan chun hma kan la a, tah chuan Phunchawng pawh a tel ang a, chu aia hnianghnar zawk pawh a hmuh kan in beisei a ni.

S P E A K E R : Duhtawk ilangin, tuar kan chhel tlan angai ringawt mai anih chu. Starred Question No. 23-na zawt turin Pu Nirupam Chakma ilo sawm ang.

PU NIRUPAM CHAKMA : Pu Speaker, ka lawm e. Starred Question No. 23-na will the Hon'ble Minister for Health & Family Welfare Department be pleased to state - (a) What is the present status for 10 bedded Primary/Subsidiary Health Centre at Borapansuri under Lawngtlai District ? (b) Whether there is any proposal for opening Primary/Subsidiary Health Centre within Chawngte area Sub-Division during 2009-2010 financial year ?

PU LALRINLIANA SAILO MINISTER : Pu Speaker, Pu Nirupam Chakma zawhna chhanna chu - (a) Borapansuri PHC 10 bedded hi building a awm loh avangin anih tur angin a la function thei rih lo. (b) A zawhna kha a chianglo deuh bawk nen tumna a awm lo tih a ni a.

Han sawibelh duh ka nei a. Borapan-suri a PHC building hi a awmlo tih thawm nikum lam khan kan hria a, Kau-Tlabung Hydel Project kan kal dawnin nikum March 3, khan hemi hmun hi ka va tlawh nghe nghe a, a building hi a awm loh thu kan hriat avangin. A lo awmlo ngei a, mahse tunah hian sorkarin hemi hmunah hian PHC hi ruahmanna a siam leh a, mahse tunah hian kan han kalpui danah PPP an tih Public Private Partnership ang hian Civil Hospital, Lunglei Serkawn nen sawn a kal theih lawm ni tiin ruahmanna kan nei mek a.

Tin, a pahnihna-ah chuan Lawngpui-gard a PHC kha sanction kan hmu tawh a, pawisa kan hmuh hunah kha kha chu ruahmanna kan lo nei lehngal ang e.

Dr R. LALTHANGLIANA : Pu Speaker, zawhbelhna awmlo ringawt kha ka ui deuh a. Pahnikhat lek - X-Ray awm lo saw a buaithlak khawp mai a, ka sawi thin a, ala tlang hlei thei lova. Hei hi engtikahnge min pek theih dawn ? Malaria tamna a ni bawk a, thiltih a harsa khawp mai.

Lunglei Civil Hospital hi building leh thildangah chuan a tha viau a, amaherawhchu a thawktu lam Doctor an indaih lo hle mai a, chumi specialist bik tiin ka sawi lo ang a, hemi thla hnih khat emaw lek sorkar thar a kalchho mek a, helaiah hian tlema a rual tlang deuh hleka Lunglei Civil Hospitalah sawn Doctor kan mamawh zualpui deuh tal hi tun dinhmun aia awmze nei deuh hleka min pek hi kan duh hle a, chung chu ngaihtuahna in nei tawh em tih kha kan Minister ka zawt duh a ni.

S P E A K E R : In chhang thei em ? Chawngte atangin an rawn suan hnai sawt viau a nia, Aizawl Civil Hospital kan kai tep a nia.

PU LALRINLIANA SAILO MINISTER : Pu Speaker, zawhbelhna. Member zahawm tak Pu Thangte-a zawhna kha Buarpui-ah hianin X-Ray khawl hi a awm lo tih kan hria a. Amaherawh-chu hmundangah hian X-Ray khawl awm si, a operator, a enkawltu awm lohna te a awm a, tiang kha a ni neih nuaih mai a. tin, kan demna ni lovin thiante kih hnawk seng chu hahthlak tawh a ni, tha a lo duh khawp mai. Tiang chuanin hei hi National Rural Health Mission-in a tum a ni a, tunah hian thingtlang lam hawiin Central-in ngaihtuahna a nei thin reng a, hemi Buarpui chauh lo pawh hmundang dangah a khawl awm si, enkawltu awm lote khang hrang hrangte nen khan kan lo en ang e.

Tin, a pahnihna - Lunglei Civil Hospitalah khan tuna kan Parliamentary Secretary zahawm tak te, Lunglei bialtute pawh hian an vei a, tiang chuan hma kan lo la tawh a, kan member zahawm tak khanin a hrelo nge, tun hnaiyah hian Lunglei Civil Hospital-ah Doctor 3 dahbelh tawh a ni a. Tun dinhmunah chuan Aizawl-ah pawh indaihlohna a na a, Serchhip khian hmundang dangte nen, Lunglei-ah kha chuanin duhthusamin dahlo mahila, a tih hram hram theih a ni tih kha ngaihdan ka nei a ni.

S P E A K E R : Tunah Starred Question No.24-na Pu R.Lalrinawma ilo sawm ang.

PU R. LALRINAWMA : Pu Speaker, ka zawhna Starred Question No. 24-na School Education Minister zahawm tak chhan atan -
(a) SSA hnuaiah Football Club din a ni em ?
(b) Din anih chuan engtika din nge ? (c) Hemi atana pawisa sen tawh year-wise-in engzatnge ? (d) Football Club din hi SSA Guideline-ah a awm em ? tih ka zawt e.

PU LALSAWTA MINISTER : Pu Speaker, member zahawm tak Pu R. Lalrinawma zawhna chhanna -
(a) SSA hnuaiah Football Club din a ni em ? tih chhanna chu - Ni e, tih a ni a. (b) Din anih chuan engtika din nge tih hi - Kum 2007 June 1, a din a ni. (c) He Football Club atana pawisa sen hi a kum ang zawngin engzat zel nge sen anih a ti

a. Nikum khan 2008-2009 khan Rs. 3,84,000/- sen a ni a, nikum hmasa 2007-2008 khan 2.5 lakh sen a ni. (d) Football Club hi SSA Guideline ah a awm em ? tih chhanna chu - SSA Guideline-ah hian zirna lama traditional approached kan tih Text-Book, Class Room piah lampang mihring zirlai te tana tha tur tam tak ngaihtuah tel anih avangin innovative education ang zawnga ngaihtuahin hetiang hianin Football Club hi din in naupang te tan infiamna lampang hi kan lo ti thin a ni. Chu chu ka chhanna a ni e.

S P E A K E R : Zawhbelhna a awm loh chuan Starred Question No. 25-na Dr R.Lalthangliana zawt turin ilo sawm ang.

Dr R. LALTHANGLIANA : Pu Speaker, ka Starred Question No.25-na Thenzawl to Bungmun via – Buarpui Thenhlum kawng siamthatna tur a External Funding ruahmanna kal mek kha engnge tunah a dinhmun ? tih PWD changtu Minister chhan atan ka zawt e.

**PU LAL THANHAWLA
CHIEF MINISTER** : Pu Speaker, member zahawm tak Dr R. Lalthangliana zawhna Starred Question No. 25-na chhanna chu hetiang hi a ni - External Funding ruahmanna kawng siamthatna turah Thenzawl to Bungmun via Buarpui/Thenhlum hi a telve lova, External Funding Project hming hi ‘North East State Road Investment Programme’ tih a ni a, NESRIP kan relief fund tur a ni. He project hi Ministry of DoNER leh Ministry of Finance, Govt. of India in a buaipui mek a, he project hian Serchhip, Thenzawl, Buarpui 55km tan buatsaih a ni. Final Detail Project Report peihfel tawh a ni.

Dr R.LALTHANGLIANA : Pu Speaker, zawhbelhna - Asian Development Bank atanga kan beiseina thui tak, ka hriatsual loh chuan nikum lampang pawh khanin kumin thal chhung hian kan tan thei mai awm mange aw, ti khan min chhang kha a ni a, a department lampang khan. Hei hi tuna kan Chief Minister zahawm takin a chhannaah khan Project kan la buaipui chauh anih chuanin a chhanna kha a fello deuh awm mange aw, ka ti deuh a, heti ngawt tur chu a ni dawn em maw nile. Tin, financial year tharah pheih chuanin ngei ngei a tan thei tur ang khan in beiseina min pe in ka hria a. Chuvangin, uluk deuh hlekin min ensak leh sela ka duh khawp mai.

Helai kawng hi enkawl loh a ni rei tawh a, a pawimawh si a. Chuvangin, khawthlang lampangah chuan kan kawng pawimawh ber a ni tih kha min han hriatsak sela. Asian Development Bank lamah kha chuanin clearance thui tak a awm tawhin ka hria a, kha kha min assurance theih chuan a lawmawm khawp ang. Chak deuhhleik a hma min lak sak a tulin ka ring a. Tin, kan hmalak tawh sa, thui tak awm a kha tun dinhmun kha chiang lehzuala in hriattir theih chu nise a lawmawm khawp ang.

S P E A K E R : Tun kha han chhang leh selangin, kan zawhna leh chhanna hun kan titawp dawn nia.

**PU LAL THANHAWLA
CHIEF MINISTER** : Pu Speaker, tuna ka sawi ang kha a ni a. He kawng siamthatna tura ruahmanna kal mek hi ADB Loans, Ministry of DoNER leh Ministry of Finance – Economic Affairs te kaltlanga hman tur a ni a. Tuna a la thawh tan theihlona chhan hi DoNER Ministry leh ADB inkar alo fel loh vang a ni a. A fel hunah chuan tuna Road Project awm ang hian hna tan theih tur niawm tak a ni.

S P E A K E R : A tluangtlam tha a, thil tha tumna lama zawh mualpho tumna lam emaw, tutute emaw pir mualpho tumna lam ni lovin ka hria a, ram hmasawanna lam a thahnemngaihna avanga zawhna lut vek niin ka hria a, a lawmawm khawp mai. Tunah chuanin kan tih tur dangah kan lo kai ang a, hei Laying of Papers a ni a, Minister zahawm tak Pu J.H.Rothuama'n 'The Mizoram Land Survey and Settlement (Operation) Rules, 2009' chu House dawhkanah rawn lay sela.

**PU J.H. ROTHUAMA
MINISTER** : Mr Speaker, with a permission Sir, I beg to lay on the table of the House a copy of 'The Mizoram Land Survey and Settlement (Operation) Rules, 2009' Thank You.

S P E A K E R : A copy kha han sem rawh ule. Minister-in a rawn lay Dan-bu kha. Tunah chuanin an sem zo tawhin a lang a, Business dangah kan kal ang a, kan Assembly ah hianin Financial Committee pawimawh tak tak pathum kan nei a, Public Accounts Committee, Estimate Committee leh Committee on Public Undertakings te an ni a. Chu chu keini House a kan thlan ngei tur chi a kha a ni a, Speaker-ina a bak Committee-te hi chu han duan mai a ni a. Hemi erawh hi chu a thlan a thlan ngei ngai chi a ni a, chuvangin Parliamentary Affairs Minister zahawm tak Pu Lalsawta 'Motion for Election to Financial Committee' move turin ilo sawm ang.

PU LALSAWTA MINISTER : Mr Speaker, Sir, I beg to move for the motion to elect the Financial Committee of this House move turin ka rawn dil a, 'that the members of this House do proceed to elect in the manner required by sub-rule 1 of rule 202 read with rule 250, 252 and 254 of the Rules of Procedure and Conduct of Business in Mizoram Legislative Assembly to serve as members of the Public Accounts Committee, Estimate Committee and Committee on Public Undertakings, Mizoram Legislative Assembly for a period of 30 months' Mr Speaker Sir.

S P E A K E R : Awle, Parliamentary Affairs changtu Minister in a rawn move ta a. Hetiangah hian tihdan phung deuh hi kan nei a, Assembly lam democracy ah hi chuan tihdan phung neih tradition leh procedure hi a awm a, Public Accounts Committee te, Estimate Committee te, Committee on Public Undertakings te hi thlan thar leh a ngai a, House thar kan neih angin. Tin, kan danah khanin Committee pakhatat member 7 aia tam lo thla 3 chhung atana thlan a ni a. Inthlan tih lemah kan House ah hian kan inthlang ngai lova, dan bawhchhe chuang lovin rawtna kha heta tangin Speaker Chair atangin kan siam duh a (Pu Speaker, thla 3 atan i tih kha i tawngsual palh a ni) thla 30 atan, kum 2 ½ tih ang anih chu, ka lo tisual ani maw ? ka tawngsual pawh ka lo hre mang lova, ka lokal hmiah hmiah mai a, min ngaidam ula.

Dan bawhchhe chuang lovin rawtna Chair atangin ka rawn siam duh a, Financial Committee-ah hian member anih kawp theih lova. Tin, Minister a tel theih loh bawk a, member tur zat pawh hi duh ang tak chuan kan diklo deuh a ni, 7 aia tam lo tih chu a ni a mahselangin Hnahthial bial kan la inthlang leh dawn a, kan daihlo deuh a. Chutiang anih si-ah chuan a tlem lam kha chu engmah bituk kha a awm loh avang khan a tlem lam deuh kan nih pawhin a pawh chuang lova. Committee pawimawh a ni a, nei lova awm rengna chi kha a ni lo hrim hrim a. Chuvang chuan, hetiang hianin Chair lam atangin ruahmanna kan han siam duh a, option 2 kan han ti a, member ten ngun takin min lo ngaihthlak sak ulangin.

Option 1-ah chuanin PAC ah hian member 7 awm sela, Congress-4, MNF-2, UDA-1. Tin, Estimate Committee-ah hian Congress-3, MNF-1, UDA-2 an vaiin 6. Tin, COPU atang hian Congress-4, MNF-1, UDA-1 an vaiin 6 a ni ta a. Chu chu option 1-na a ni.

Option 2-na kha kan chhiar leh ang a, in theihnghilh leh mai chu ka hlau ang reng si a. PAC-AH Congress-3, MNF-2, UDA-2 a vaiin 7, Estimate-ah Congress-4, MNF-1, UDA-1 avaiin 6. COPU ah hian Congress-4, MNF-1, UDA-1 avaiin 5 anni a. Tahkhan option 1-na nge ni option 2-na nge ni member ten in duh ? Hei PAC ah hianin a Congress bik a kha kan chhiar ang a Party wise ve thungin - Congress kha 4, 3, 4 in option pakhatna a kal a, option 2-na - 3,4,4, in a kal a. MNF kha option 1-naah 2,1,1, in a kal a, option 2-naah pawh 2,1,1, in a kal a. UDA hi option 1-naah 1,2,1 in a kal a, option 2-naah 2,1,1, in a kal thung a ni. Chuan MNF chu a pangngai a, Congress leh UDA kha chu tlemin a inher a ni. Kha kha a ni a, a eng zawk nge tha kan tih le ? Option 1 leh 2 ah khan. Tin, a thu hrim hrimah kan inthlang ngei ang ti deuh tlat te kan awm em ?

PU LAL THANHAWLA : Pu Speaker, tuna i rawtna kha a tha
CHIEF MINISTER hlawm a. Mahse, i sawi ang khan a
ziak kha kan hmaah a awm ve si
lova, i chhiar zawhah kha chuan kan
theihnghilh chu a ni deuh mai a. Mahse, a tha viau a, inthlan hi kan ti ngai lova Pu
Speaker, tunhma atangin, ti hian kan in siamrem mai thin a, kan Group Leader theuhte
nen i Pisa-ah a sawifel theih mai lawm ni le, House chhung ai hian le.

PU LALDUHAWMA : Pu Speaker, 202 ah hian ‘member of
a Committee shall be appointed or
elected’ tih a ni a, ‘or’ tih anih
avangin thlan ngei ngei tur tih tawng-kam i
hman a kha ani chuang chiahlo awm mang e, ka ti a. Chuvang chuan, appointed kha a
theih a, helai House-a tihai hi chuan Group Leader-te nen Speaker hian min rawnkhawm
a, thingpui tui takte min khilai in, kan sawifel mai thin a. Tichuan kan tih ang ang kha
helaiah hian an rawn puang a, hming nen lam khan, an lo pawm mai thin a ni a.
Chutiang chuan kan House Leader rawt ang khan kan lo ti fo tawh a, i Chamber ah
kan sawifel theih mai kha chu ka beisei zawk a.

S P E A K E R : Anih leh chutiang chuan kal ang aw, tun sitting banah emaw ti mai ila, vawiin chu kan sitting reilo turah ngai ila. Speaker Chamber ah emaw khanin kan Secretary te nen Party tin aiawh te kha lo kalkhawm in nomination hi tifel nghal ta mai ila a tha ang e.

Tunah chuan kan tih tur dangah kan kal leh ang a, Legislative Business kan nei a, nimirah khan kan nei dawn lo emaw kan ti a, mahse tlai deuh hlek tawhah khan kan nei hlah mai a. Vawiin hi kan off deuh dawn emaw kan tih kha a lo rem leh ta lo hlah mai a. Tichuan, Minister zahawm tak Pu J.H.Rothuama'n 'The Mizoram District Transfer of Land (Amendment) Bill, 2009' introduce han dil sela.

PU J.H. ROTHUAMA MINISTER : Mr Speaker, with your permission Sir, I beg leave of the House to introduce 'The Mizoram District Transfer of Land (Amendment) Bill, 2009' also to introduce the Bill.

S P E A K E R : Kan remti em ? Bill introduce a rawn dil a, kan remti maw ? Han introduce sela.

PU J.H. ROTHUAMA MINISTER : Mr Speaker Sir, I beg leave of the House introduce 'The Mizoram Public Demand Recovery (Amendment) Bill, 2009' also to introduce the Bill.

S P E A K E R : Tunah Bill a rawn introduce ta a, a copy han sem sela hun remchang dangah he Bill hi House in kan la ngaihtuah dawn a ni. Han sem rawh ule. Public Demand zawk kha em ni i introduce kha, chuti chu introduce kha i rawn dil a, kan phal che a, i rawn introduce ang a, tah chuan sem kha kan phal leh ang a, introduce kha i rawn dil ang a, titha leh mai rawh.

PU J. H. ROTHUAMA MINISTER : Pu Speaker, Bill - "The Mizo District Transfer of Land (Amendment) Bill, 2009 hi introduce ka dil e.

- S P E A K E R** : Tunah House-in kan phalsak tawh a, tahkhan introduce tawh rawh le.
- PU J.H. ROTHUAMA** : Pu Speaker, introduce ka rawn dil e.
- S P E A K E R** : Bill kha han sem rawh ule. Tikhan in sem zo tawh em ? pakhat zawk kan la nei a nia. In sem leh tawh maw ? Mahse, Dan angin introduce a dil a angai. Pu J.H.Rothuama, Minister zahawm takin “The Mizoram Public Demand Recovery (Amendment) Bill, 2009” hi House-ah introduce han dil sela.
- PU J.H. ROTHUAMA MINISTER** : Pu Speaker, “The Mizoram Public Demand Recovery (Amendment) Bill, 2009” hi House-ah introduce ka rawn dil e.
- S P E A K E R** : Kan phalsak em ? rawn introduce sela, Tin, a copy kha han sem ula.
- PU J.H. ROTHUAMA MINISTER** : Pu Speaker, ka rawn introduce e.
- S P E A K E R** : Khai le, a copy kha han sem rawh ule.
- PU LAL THANHAWLA CHIEF MINISTER** : Pu Speaker, kan upa-te hi nizanah khan inkhawm lovin an leng emaw nile tih mai tur a ni a. Hei, an zam a tha hle mai a, a lawmawm ang reng viau mai.

S P E A K E R

: Awle, vawiin a kan business duanlawk ho chu kan lo zo ta a, naktuk ni 30 Friday dar 10:30 A.M ah kan thukhawm leh dawn nia.

Sitting is adjourned at 11 : 45 A.M

LIST OF BUSINESS
FOR FOURTH SITTING ON FRIDAY, THE 20TH MARCH, 2009
(Time 10 : 30 A.M. to 1:00 P.M. and 2 : 00 P.M. to 4 : 00 P.M.)

QUESTIONS

1. **QUESTIONS** entered in separate list to be asked and oral answers given.

PRIVATE MEMBERS' BUSINESS

2 * Resolutions

SPEAKER : 'I awmdan tur chu LALPA chungah nghat la, Amah chu ring la, Aman a ti vek ang.

Sam 37:5

Hei waviinniah Business pawimawh tak mai kan Member-te khanin Resolution-in rawn pulut a, chu chu kan ngaihtuahpui ber tur anih dawn lain hei zawhna leh chhanna first hour-ah kan han la leh ang a, thiam tak khan in han zawt leh anga, a chhangtu khan thiam tak bawk khan han chhang leh selangin, hlimawm deuhin hun in hmang leh teh ang.

Starred Question No. 31-na kan la tan leh ang a, Pu K.Liantlinga'n han zawt sela, chhang turin Rural Development Minister zahawm tak Pu R.Lalzirliana lo in peih sela, Pu K.Liantlinga ilo sawm ang.

PU K.LIANTLINGA : Pu Speaker ka lawm e.
Hon'ble Minister Rural Development Department zawh-na Starred Question No. 31,

ka zawhna chu (a) Central Sorkar hian NLUP atan cheng vaibelchhe za min rawn pe em ? (b) Pe nise sanctioning letter min pe thei em ? (c) NLUP Rs. 1,00,000/- hi chhungtin hnenah pawisafaia pek tum a ni em Pe dawn tase, engtikah nge ni ang ? tih ka zawt e.

SPEAKER : Pu R. Lalzirliana, Minister Rural Development Department ilo sawm ang.

PU R. LALZIRLIANA : Pu Speaker, Member zahawm tak **MINISTER** Aizawl South-I bialtu Pu K.Liantlinga zawhna (a)-na chhanna chu Central Sorkarah NLUP atan cheng vaibelchhe za sawm hnih

kan dil a, kum 2009-2010 Annual Plan atan min pe turin Planning Commission-in min pawm sak. (b)-na MP inthlan puan anih zui tak avangin Annual Plan 2009-2010 hi la final loh a ni a. Sanctioning letter hi in pek theih a la ni ni rih lo. (c) –na NLUP hnuaiiah chhungtin tan hnathawh tur scheme siamsak a ni ang a scheme-in a ken ang zela pawisa hi pek chhuah tur a ni. Engtikah nge pek a nih ang tih kha chu kum 2009-2010 Annual Plan Budget hman theih hunah pek a ni ang.

PU K.LIANTLINGA : Pu Speaker, ka lawm e. Ka zawhbelh duh chu NLUP hi tuna Ruling Party-te pawn an campaign hla a ni a. Cheng 2 pek a, cheng nuai khat dawn theih ti a campaign-in

tunah te pawh hian an hlawtling a, ti ngei turah pawh ngai ta ila. Amaherawhchu, khalaiah khan kan zawh duhnaah chuanin cheng vaibelchhe 120 earmarked a ni tih kha an sawi a. Tin, hetilaia Congress PR-ah pawh hianin cheng vaibelchhe 600 chuang a rawn hawn a ti a, Ministry hmasa ten an sawi ang khan chuan sawi ve thei kan ni a ti a. Hemi chungchangah hian kan House Leader zahawm tak pawhina sanctioning letter te a tul angin mahni bial chhungah leh Mizoram Sorkar hmalakna turte ruahmanna a siam ang chi zawng zawngte pawh kha member te kan pe ang tihte pawh khan, he House-ah a sawi tawh a. Chuvang chuanin tunah hian vaibelchhe 600 chuang an PR-ah pawh alan avang hian, heng ang chi leh tuna mi ang chi te pawh kha a sanction dan leh a hman dan ang zawng zawng kha langtlang Sorkar kan ti ta rau rau bawk a, kan Minister zahawm tak khan khang ang chi zawng zawng kha sanctioning letter min pe thei ang em ? tih kha ka'n zawh belh a ni e.

Dr. R.LALTHANGLIANA : Pu Speaker, Zawhbelhna. Kan Chief Minister-ina Deputy Chairman Planning Commission Pu Montek Singh Ahluwaha hnena lehkha a dilna a zuk siam hianin 'point for

consideration of Deputy Chairman, Planning Commission' tihah hianin, ka hriatthiam loh deuhhleik laia chu inthlannaah chak takin Pu Speaker, hei power-a han awm tih te, a introductory-ah a in ziak a, tahchuan, hetah a phek hnihnaah hianin NLUP chungchanga dilna zuk siamah hian 'The entire programme would involve an estimated tentative expenditure of Rs. 2500 crores over a period of five years', a ti ta a. 'Central may kindly a provide this a system to the new Government as a special package' a ti a. Tunah khan kan ngaithla a, under 20 crore kha nita ang sela, 2500 crore ngai tur

inthlan dawna commitment in tiam danah khan family-in han chhut khanin nuaikhat dawn lai niin a lang a, helaiah hian a in ziaik tho mai a. Chuti chu nise, kumin financial year tharah hian vaibelchhe za vel pawh chu lo pe teh reng pawh nita sela, kum 25 bawr velah a cover zo dawn tihna emaw a ni a.

Tin, tunhnai lawka Prime Minister-ina kan Chief Minister zahawm tak hnena lehkhah a rawn thawnah hian hemi a chhanna ang reng deuh hlek hawizawnga ziaik hi a awm a, chulaiah chuan sum harsatna hliir mai kan Prime Minister Pu Manmohan Singh-a hian a rawn ziaik a, khawvel pumpuiaah credit funds avanga sum a harsatzia te, India Economy pawh a khawih buai zia te chiang tak maiin a rawn ziaik a.

A Paragraph 3-naah hianin beiseina awm chhun deuh India ram huap anga kan neih chu rampum huapin vaibelchhe singhnih tih bawrvul a hi engemaw tia khatianga han hman theih tur ang chia a rawn tarlanah hian earmark-in a rawn ti vek mai lehngal a. Chulaiah chuanin entirnan, Additional Crore of 1900 crore PMGSY atan te leh Roads atan tin, a dang lehah chuan JNN atan hianin 4200 crore te a rawn ti a. National Rural Employment Quarantee Scheme atan 3500 crore te a rawn ti a, NRGS 3050 crore te a rawn ti a, IAYA atan 2300 crore te a rawn ti a. Tichuan a rawn sawilawk vek mai lehngal a, engtinngge ni hemi Normal Budget pangngai atang khanin engtinngge ni Normal Budget pangngai atang khanin he NLUP hi in kaltir ang tih hi ka zawt duh a ni. Pu Speaker, hei hi a pawimawh riauin ka hria. Mipui commitment kan nei tawh anih chuan chumi ang chuan kan ti turah ka ngai a. Engpawh nisela, tun ang khawvel economics tlahniam leh India ram pawh nasa taka a effect-naah hian a tak tak ram hian an kalpui thei ang em ? tih hi ka zawt duh a ni.

PU LALDUHAWMA : Pu Speaker, pahnih ka zawh belh duh a, pakhatnaah chuan, he NLUP atana senso tur hi kan Mizoram Budget ei hek lovin Prime Minister Special Package atanga pek tur a ni tih kha a ni a. A tam emaw a tlem emaw tuna kan dawn tur hian kan Budget a ei hek dawn em ? A hranpa liau liaua Prime Minister Package rawn kal chu a ni ta em ? tih ka'n zawt duh a.

Pahnihna, a sem dan turah khan sawidan a in ang lova tun thlengin nuaikhat (100000) tum khat ang sawi te a ni a. Kan MLA zahawm takte ngei pawhin cheng nuaikhatin vawikhatah kan sem ang tihte pawh an awm a, kha kha Rs. 100000/- chuan tum khatah sem a ni dawn nge instalment-in, instalment lo ni tase, 1st instalment-ah khan cheng engzatnge ni ang.

SPEAKER : Kan sawi duh zawk chu zawhna kha RD Minister-ah khan a rawn lut a, mahse, lehkha kan han dawn ve thinahte khanin NLUP-ah hian Board siam niin a Chairman-ah Chief Minister dah a ni a. Chutah Pu Selthuama Vice Chairman-a dah a ni a, tunhma NLUP-ah khan RD hnuai deuh a ni a. MNF-in MIP ah han tih khan Agriculture lam deuh kha a ni bawk si a, a rawn zawttuin a rawn zawhna Department lamah kan han pechhuak ta phawt a, chu chu RD Minister-in tunah pawh a chhan theih chin chin han chhang sela, chuta chhan fel belh ngaite awm anih takah chuan kan House Leader-n rawn ti leh mai selangin a tha awm e. Tunah RD Minister ilo ko ang.

PU R.LALZIRLIANA MINISTER : Pu Speaker, ka lawm e. Nia tuna kan Speaker, zahawm takin a sawi ang khan tih hmasak lamah khan R.D. lamah Commissionarate a tih a ni a. Tunah chuan Agriculture lam subject anih tawh avangin kan chhang tha thei vak lo mai thei a, Amaherawchu, he NLUP kan zawrhlay khan iti teh ang miretheite Zokhuua kut hnathawktute chawikan nan tak tak chuan kan ram leilung behchhan lo hi chuan hnathawh tur awm lovin kan hria a. Chuvangin kan ram leilung behchhana atangkai thei ang bera kan ram leilungte hi hman kan duh a, chuta tan chuan NLUP tha berin kan hria a. Khatihlaila a duhlo tute ringlo tute kha pek ve tur nge ni ang pek loh tihte pawh kha ngaihtuah nawn leh a ngai hialin ka hria a. Chiahpuam-te an tithawm nen, amaherawhchu, khatiang anga dangthler dawn khawp khawpa aute kha chilper uihawm mai mai khawpin vote-ah mipuiaha lo lang a, an duh a, hei hi tih puitlin tum a ni tih kha ka'n sawi duh a. Tin, hemi zawhna zawt tu Pu Liantlinga MLA zahawm takin a tih ang khan engkim langtlanga tih vek tur a ni, tih kha a'n chhanna ni selangin. Tichuan kan Budget hi 10% increase a kumin Annual Plan Budget hi ti turin Central lam atangin an rawn ti a, amaherawhchu kan Chief Minister zahawm tak hian 30% increase-in tih tur a ti a. Chutiang chuan tunah pawh hian kan hmuh dan tur ang engmah a la chiang lova, chu aia tam pawh chu kan hmu mai thei a, chuvangin helailah hian kan Normal Plan Budget atang pawhin ti ila kan ti thei ang tih hi kan rin dan a ni a. Tichuan Prime Minister package atangin tih a ni ang tihte campaign lain kan au hla a ni tih kha, nia, engkim hi Prime Minister pawisa vek a ni a. Khulam ta vek a ni a. Chuvang chuan Prime Minister package han tih bika kha kan inthlan lai chuan engkim kan sawi a, amaherawhchu, khami kan Prime Minister Package emaw kan Normal Plan Budget atangin a ni emaw kan tih theih hrim hrim chuan hei hi a tha tawkah ka ngai a. Chuvangin, kan kalpui zel dawn a ni. India Sorkar pawhin tha an ti a. Hei hi min kalpui an tum takzet a ni tih kha ka'n sawi duh a ni.

Tin, Rs.1 lakh kha vawi khatah sem a ni ang em ? tihte kha engpawh niselangin a scheme a zir a ni a. Tunah Industry ti turte chuan khawl Rs. 1 lakh man dawn a lo ngaih chuan vawi khatah pek loh theih a ni lo a, tin, ranvulhtu bawng lian vulhtute tan pawh khanin atul dan azir zela pawisa kha chu pek tur a ni ang, tih kha ka chhan theih dan a ni e.

SPEAKER : Nichina ka han sawi dan ang khan, khami MIP Board lam angah khanin siam kha ni tawhin ka hria a, khatah khan a Chairman kha Chief Minister a ni bawk si a.

(Dr. Lalthangliana : Pu Spekaer a ni kha chuan chhang sela, a thain ka hria.)

Rural Development Department in zawt a, mahse, tuna Sorkar thar hian NLUP kha RD Minister hriat chin kha a tawp chin a awm mai thei a ni. Chuvangin House leh Mizoram mipui hian thil kha a zau thei ang ber hriat kan duhna lai boruak atang zawk khan, he Chair-a ka thahnem ngaihna atang zawk khan a ni a. House Leader khanin highlight belh emaw, engemaw kha min bengvarna tur dang kha a neih ka rin zawk vang kha a ni a.

Dr. R.LALTHANGLIANA : A tha lutuk a, chu chu a ni a, ka sawi tum, kan RD Minister zahawm tak khanin nia, pek chu pek a ni ang. Amaherawhchu, ka question lai zawka chu vaibelchhe singhnih leh zanga, nuaih hlir nuaiyah sing hnih leh sangnga a ngaih laia hetiang anga kan han kal chho tura hi chu a hminga pekve mai mai, tih liam luam, mahse, election laia kan sawi ang kha chu thil a thleng dawn lo hrim hrim tih a chiang a. Chuvangin kan House Leader kha nia a dik a. NLUP a Board Chairman a ni bawk a. Min chhang se ka duh a ni. Kum 5 chhung implement tur ang khan. Chu chu ka zawhna a ni.

PU NIRUPAM CHAKMA : Pu Speaker, zawhbelhna. Hei kan Sorkar tan chauh ani a. Government has just began, it is only 3 months old, let the position should not be missapprended the intention of the Government. Kan inthlang ang a, India ramah pawh kan in thlang dawn a engmah tihfel theihloh in a awm ani. Plan te approve loh a ni a, kan Chief Minister leh Central hruaitute final tur a ni a, eng angin nge pawisa a lo kal dawn tih kan la hre lova, budget final loh a nih avangin. Hei ai a tam pawh a lokal mai thei. Chuvangin heta buaipui buaipui kha enge ni a awmzia ? NLUP chu kan pe dawn a lawm. Chief Minister zahawm takin zawhna chhanna ah khan, pek ngei tur a tiam thei em tih ka zawt ani.

S P E A K E R : Group Lead-in sawi tur a neih chuan sawi sela.

PU LAL THANHAWLA :
CHIEF MINISTER

Pu Speaker, keini chuan Central drip
hi a tam thei ang ber khai kan tum
ani. Central drip khailo chuan kan awm

theilo. Air lock tir kan tum lo, chu chu hria
ila. Oppostion kan ni emaw, tu anni emaw kan sorkar tharah beiseina sang tak an nei an
rawn sawi kha lawmawm ka ti. An beiseina ang - We will try to live upto their
expectation.

Tin, NLUP hi kum 5 chhungin kan zo vek ang
tih a policy siamtute hi chuan kan sawilo ani. Kum 5 chhungin a zawh theihloh tih hi
kan hre ve in kan in hria. Tin, cheng nuaikhatin kan sem ang tih hi a policy siamtute hi
chuan kan sawi ngai lo. A thahnem ngai ten an lo sawi anih chuan an thu nise. A
policy siamtute hi chuan nuai khatin kan sem ang kan ti tlawng lo. Mahse nuaikhat aia
tlem lovin sem dan emaw kan ngaihtuah ang kan ti a. A Trade a zirin nuai khat hlawh
lo a awm thei. A chuang a awm thei. Nuai khat pawng tih ngawt theih ani lo tih hi a
siamtute hian kan hre chiangin ka hria.

Tin, Nodal Department a awm thei lova. Hun
hmasaah khan tam tak atangin tihthat dan tur ngaihtuah ani a. Hun hmasaah khan
commissionerate Kan enkawl tir a, mahse Department te khan anmahni subject leh an
thawh tur ang kha nimahsela commissionerate atanga tih avang khan anni khan an phur
lova. Duhloh sawn pawmin an pawm mai mai a. Chuvangin, a tha famkim lo tih kan
hria. Chuvangin, tunah hi chuan Board siamin Nodal Department pakhat chauh awm
lovin a coordinate tur kan ti a ni.

Tin, kuminah hian 500/600 pawh dil ila min
pek an remti ani. Prime Minister nen kan sawi dun hmasa a. Chutah Montek Singh
Ahluvalia nen kan sawi chhunzawm zel ang a. 'Kei pawn ka lo hrilh ang' a ti a ni. A
lo hrilh ngei a. Kan han inhmuh khawm a. Ani chuan min duhsak deuh vang aniang.
Member NE changtu Pu Chaturvedi Cabinet Secy. hlui kha a ko ve ani. Duhawm takin
min tiam ani. Kum 5 chhung hian cheng vaibelchhe 2500 angin dil phawt kan ti a. Chu
chu kan yearmark ve deuh a. A kum 1-na kan ni dawn a. Kan han luhtirh phat atangin
kum 10 chhungin he sorkar ah hian Work Culture mumal a awm lova. Work Ethics a
awm lova, Discipline a awm lova, Efficiency a tlahniam a. Chuvangin a harsa dawn ani
tih kan hre nghal a. Chutiang te anih avang chuan engzat pawh min pe ta ang selangin
vaibelchhe za emaw zasawmhnih bak hi chu kan hmang thei lo ang a, kan hman theih
baka min rawn peka eiruk kan tum bawk silova, chuvangin kan hman theih tur awm
ang chin-ah hian i in hrek rih mai ang tih hi kan hotute tih dan ani a, kan dil ang hi
min pek an tum a ni.

Chumi rilru chuan tun tumah hian vaibelchhe
120 kan dil a, kan dil ang hi min pek an tum a, tin, final hunah chuan a aia tam pawh
min pek an tum niawmtak ani a. Helam pang atanga kan hman thiam leh thiamloh tur
atang khan kan dawng ngam a ngem tih ani. Chu chu tuna a awm dan tlangpui chu Pu
Speaker ani mai e.

Tin, Special package ang pawhin min rawn pe
ta ang sela, keini duhthusam ah chuan kan normal plan size a telh kan duh zawk a ni.
Nakin zelah kan increase percentage a san phah hlauh takin khatia nawrnan khan kan

duh avangin engang special package pawhin lo kal se Pu Speaker, kan normal plan a behtel tir hi kan hotute hian an duh zawk ani. Chutiang chu a ni.

Tin, khawvel pumpuia Economic resumption hian India ram hi list effected country kan ni tih hi Prime Minister pawhin a puang ngam a, khami khan thui tak min effect bawk mah selangin keimahni bik atan hi chuan duhsakna sang tak "There are tremendous good-will for Mizoram" mahse "unfortunately we are not able to capitalized on it" chu chu kan dinhmun dik tak hi ani a. Chuvangin nakina kan han implement hunah pawh a duh lotu, hmanah pawh 'Congress Programme a ni a, an hlawhtlin te chuan an hming tha anga sin', a tir atanga hman diklo leh tih diklo tum tu te hi chu identified hi kan in beisei a. Rinawmna dikna taimakna leh thianghlimna nena nunpui tute hi identified theih kan in beisei tawh ani, tuntum ah hi chuan. Chutiang chu kan hotutena an concede dan leh an beisei dan a ni a.

Tin, an hlawhtlinpui theih ngeina turin a tul angin sum hi release a ni ang a. Tin, monitoring leh Supervision te kan hotuten an bei ngawrh hle ang a, a tul chuan tlawmngai pawlthe leh kohhrante pawh kan pun ang a, Social audit-te pawh kan ti thin ang tih hi a hlawhtlinna tur atana kan hotute inpuahchahna ani. Chuvangin nuai khatin sem mai kan tum hran lova, a trade a zirin initial stage-ah engzat nge an mamawh ang.

Tin, a dawt leh zelah engtinngge ? engzatin nge ? kan pek ang tihte hi kan hotuten ngaihtuah an tum a. Chuvangin onetime plan anga fund hi kan hotuten release an tum a ni.

Tin, tih uluk atul avangin kum 10 zet lo enkawl tawh a hlawhchhamna leh a hlawhtlinna leh a that lohna lai leh a improve dan tur hria a, mithiam kan hotuten (On the ground) a enkawl turin an dah bawk a, chu chu a tlangpuiin kan hotuten NLUP hi tun hun tharah hian Zokhaw lama kan kut hnathawktute, kawlanichhuak chhiarin a sur a sa hnuaiah, thosi leh vangvat karah an fehchhuak a, an kum khat thawhchhuah a tlem si a, Tin, chutiang khawpa an thawk hah chungin, ka tawng an huatthu suhah, an in leh lo a chhia a, an silh leh fen a chhia a, an ei a chhe bawk a. Chung ang zawng zawngte chuan chanvo tha zawk an chan theihna turin labourise lo zawk deuh scientific zawk deuha hna an thawh a, an productive zawk theihna tur atana an thawhchhuah a pun zawk theihna tur atan NLUP hian dawmkan kan tum a ni.

Tin, kumtin ram kan halchhia a, kan vat a, kan hal chhia hian kan ram hi thlaler ram roah a siam mai dawn a. Khawvel zawng zawnga kala thil zawng zawngte hnena Chanchintha hril tura kohte hian kan hril si lova. Chuvangin a siamtu duh ang ngeiin kan leilungte leh ramngaw te, chungleng sava te leh hengte kan enkawl theihna turin Chanchintha ringtute hian thil siam zawng zawngte hnena kan hrilh theihna turin NLUP hi hmanraw tha tawk anih kan hotuten an ring a. Ram chu LALPA ta a ni a, hnamtin chung a roreltu a ni. "A neitu duhdan angin ram

cheibawl dan i ngaihtuah teh ang”, kan hotuten an ti a ni. Chuvangin, afforestation policy-te pawh a tling chhova, Tuchhuan lo la kal zel tur ten kan thlan chungah anchhia min lawh lohna turin he ram hi buatsaih dan ngaihtuah teh ang kan hotute’n an ti a.

Chuvangin a duhlo tute pawhin tihchhiat tum lovin han enchhin leh phawt ila, tih hi kan hotute ngaihtuahna a ni a, tun kum 5 chhungin kan tuam zo vek ang kan ti ngai reng reng lova. Kum 10 nge a duh ang kum 15, a chhan chu uluk atul avangin a ni, chu chu a kalphung tlangpui a ni a. Kan hotu zahawm takte zawhna a chhang kim em ? tih chu ka hre lova. Kha kha kan hotuten kalpui an tum dan tlangpui a ni. Ka lawm e.

SPEAKER : Starred Question No. 32-naah kan kal ang a. Pu B.Lalthlengliana’n han zawt sela.

PU B.LALTHLENGLIAN : Pu Speaker, School Education Department Minister zahawm tak chhan atan ka Starred Question No. 32-na Primary School Hindi Teacher tur DPC-in a thlanfel vek tawh kha engtikah nge appointment pek anih dawn ? tih ka zawt e.

SPEAKER : Pu Lalsawta, Education Minister ilo sawm ang.

PU LALSAWTA MINISTER : Pu Speaker, kan member zahawm tak Pu B. Lalthlengliana zawhna chhanna kha hetiang hi a ni. “Primary School Hindi Teacher tur DPC-in a thlan fel vek tawh te hi Government of India atanga sanction hmuh a la nih loh avangin action lak theih a la ni lova. Appointment hun tur pawh hriat a la ni lo” tih a ni.

SPEAKER : Zawhbelhna a awm lem lo maw ? Alawmawm e. Stareed Question No. 33-na zawt turin Pu B.Lalthlengliana ilo sawm leh ang.

PU B.LALTHLENGLIANA : Pu Speaker, Agriculture Department
Minister zahawm tak chhan atan Starred
Quesrion No. 33-na (a) January atanga February
2009 chhungin Agriculture Department-in Alu chi
tur, tui pipe leh thlai zamtirna tur wire/ thirzai emaw thirlen emaw Sihphir leh Sihphir
Vengthar atan pek chhuah a ni em ? (b)-na Nei nise tunge lachhuaktu leh engzatnge
pekchhuah anih a, a dawngtu tur tutenge ? (c)-na Party hruaituten an mi leh sate pek
leh an ina kawla tura tih a ni em ? tih ka zawt e.

SPEAKER : Chhang turin Agriculture Minister Pu
H.Liansailova ilo sawm ang.

**PU H.LIANSALOVA
MINISTER** : Pu Speaker, Pu B.Lalthlengliana,
MLA zahawm tak zawhna (a)-na
January – February, 2009 chhungin Agriculture
Department-in alu chi tur, tui pipe leh thlai
zamtirna tur wire Sihphir leh sihphir Vengthar atan pekchhuah a nei em ? tih chhanna
chu, January - February 2009 chhungin tui pipe Sihphir leh Sihphir Vengthar mimal 40
tan Agriculture Department-in a pe chhuak a, Alu chi leh thirzai, thirlen wire pekchhuah
a awm lo.(b)-na Nei nise, tunge lachhuaktu leh engzat nge pek chhuah a nih a, a
dawngtu tur tutenge, tih chu –

Pu Lalthardenga, Sihphir Vengthar leh midangte
hian HDPE pipe (chu chu Polythene pipe kan tih mai hi) roll 40, a diameter kha 25
MM, Sihphir leh Sihphir Vengthar mi 40 tan pek chhuah an ni a. Chung an pekna
hmingte chu, Sihphir Vengtharah hian chhungkaw 20 an ni a –

1. Zolalthanga S/o Lalthanga (L)
2. R.Sangkhuma S/o Lalhluna
3. C.Pahlira S/o Nautea (L)
4. Lalthardenga S/o Khaithuama(L)
5. H.Lalrinmawia S/o H.Lalmuana
6. H.Zosangliana S/o Lalhmangaiha (L)
7. Lalhemthanga S/o Lalmuana (L)
8. Vungsiama S/o Khaithuama (L)
9. Rokhuma, S/o Suangvunga
10. T.Tlangkhuma S/o Chhingliana (L)
11. Laltlanzova S/o Lalzikpuia
12. H.Liandawla S/o Kaithuama (L)
13. Vanlalruata S/o T.Pahlira
14. Vanlalrawna S/o Khailiana (L)
15. Lalrothanga S/o Lallianthangi,
16. Laithangvunga s/o Kawla (L)

17. Robert Thanghuzauva S/o J.Sapremthanga (L)
18. Zakapa S/o Vungliana (L)
19. Lianhleia S/o Ngurbiakthanga,
- 20 J.Chhuana S/o Tuahngova.

Tin, Sihphir atangin chhungkaw 20 hnenah,
heng hi an hming chu a ni –

1. Zaneihthanga S/o Kaphranga
2. Lungmuana S/o Rotluanga
3. Lalthantluanga S/o Lalmuana
4. Vanlalthanga S/o Zalawma
5. Lalduha S/o C.H.Zalawra (L)
6. Chhanhima S/o DARTHANTLUANGI
7. Lalfakzuala S/o Bawihchhunga (L)
8. Rothianga S/o Rolala (L)
9. Khualhnuna S/o Siam
10. Ropianga S/o Lalthanzami
11. Duhawma S/o Vela (L)
12. Lahnuna S/o Thanga (L)
13. Lalnuntluanga S/o Laibata (L)
14. Sangkima S/o Chuauzika (L)
15. Lalnunzira S/o Vuta
16. Lalngaihzuala S/o Zosanga
17. Lalkunga S/o Lalenga
18. Jerusalemthara S/o Lalliani
19. Lalhuzauva S/o Rokhawma (L)
20. Zosangliana S/o Tlangkhuma

An vaiin 40 an ni a. Tin, zawhna (c)-na kha party hruaituten an mi leh sate sem tura pek leh an In-a kawl tura tih a ni em ? tih hi kan chhanna chu, 'Party hruaituten an mi leh sate sem tura pek leh an In-a kawl tura tih anih hriat a ni lo tih hi ka'n chhanna a ni e.

PU B.LALTHLENGLIANA : Pu Speaker, report dawn hi a dik lo ve thei mai thei a, amaherawhchu, he thil hi Office atanga lakchhuah a niin

Sihphir a thlenah Party hruaitute inah dah a ni a. Tichuan Party hruaitu Congress Group President hian January thla tawp lam khan a sem tia report a ni a. Chu chu zawhna ka rawn siam chhan tak pakhat a ni a. Hleih neilo Sorkar siam tum tunah kan hrawn mek a. Oppositin MLA ka nihna atang pawhin a thlamuanthlak ka lo ti a. Amaherawhchu, chutihlai chuan bul tan a nih mek lai hian thlahnih thlathum chung lek pawhin hetiang thu hi hriat a ni zeuh zeuh hian kan hotuten thu tha tak tak in sawi lai hian hnuailamah hian helaia Governor thusawiah corruption a te ber thleng pawha tihral tum thu kan hmuhte nen khan in millo tan hi a awm thin lo maw ? Khitah Serchhip-ah DAO hnen atangin Polythene pipe engemaw zat Lungpho bial Hualtu khua atangin mi engemaw zatin an la chhuak a, party-in. Chutiang deuh bawk chuan hei Sihphirah hian a hming

pawh sawi ila Pu Zaneithanga Congress Group President hian heng thil hi January thla tawp khan a sem nia hriat a ni a. Khatiang kha kan Minister zahawm tak khan tun hnuah awm lo turin a titawp thei ang em ? tih ka zawt a ni.

SPEAKER : Aw, zawhbelhna, Pu R.Lalrinawma.

PU R.LALRINAWMA : Pu Speaker, pipe hi mimal hnenah pek thin a ni em ? tih kha pakhatna a ni a. Pahnihnaah chuan Pipe lakchhuah kha tu inah emaw dah lovin kawtlaiah dah se a him ang em ? tih ka zawt a ni.

PU B.LALTHLENGLIANA : Pu Speaker, khawngaihin khawlaiah dah se, a him ang em tih zawhna bialtu zahawm takin a zawt a. Lo him ta lose, khawia dah nge him ber ang ? Group President-in vela dah kha a him ber tura ngaih a ni em ? tih ka ka zawt e.

**PU H.LIANSILOVA
MINISTER** : Pu Speaker, a zawttute khan a him leh him loh tur thuah kha chuan chhanna an nei sa in ka ring a, kan ring nghal mai ang e. Tin, a zawhna han sawi belhna laia han tih chian ngai zawka chu Party hruatuten an mi leh sate sem tur emaw a pek chhuah a ni lo tih kha kan chhanna a ni tawh a. Amaherawhchu, hei a hming lo lang Pu Lalthardenga hi Vengtharah an VCP a ni a, tin Party lamah hruaitu a lo nih bawk avangin party zawngin en theih tak tur a lo ni bawk a. Amaherawhchu, heng Polythene Pipe mamawh ho huan neitute hi tunhmaa mamawh sawi ve thin dawng pha lo Group an ni a. Hei hi an bialtu MLA pawhina an lists rawn ziaakchhuak a, kan Department hotute lo dawrpui an ni a, churang chuan khawilai emawa lo dahkhawm hlek anih pawhin a pek tur te hnen a thlen hma pawha, a bo thlau lohna atan leh an lam hma pawha lo dahkhawm mai a ni. Churangin hemi chungchangah hian Party thila induhsak leh party hmanrua atana hman a awm lova. Amaherawhchu, tunhma lama mamawh ve ngawih ngawih, lo dawng pha lo ho kha khilaia kan khawtlang hotute leh a bialtu ngei pawhin “Heng hi chuan an mamawhna hi a genuine a ni e” tia Department-a an rawn thlen anga an lo pek, amaherawhchu, ‘Mitin lokal sela, senso a tam a, aiawh rawn dintirin an rawn la a, an dahna hmun atangin a remchan hun hmasaah an inhriattir a, an la ve leh mai a ni e’, tih kha ka chhanna a ni e.

SPEAKER : Tunah Starred Question No. 34-na zawt turin Pu K.Liantlinga ilo ko ang.

PU K.LIANTLINGA : Pu Speaker, ka lawm e. Hon'ble Minister zahawm tak Social Welfare Department ka zawhna chu hei hi a ni e. Starred Question No. 34-na (a) Social Welfare Department-ah Director Recruitment Rules siam tumna a awm em ? tih a ni a. tin, (b)-naah chuan Social Welfare Department hi eng kum atang khan nge Directorate puitlingah dah anih tih ka zawt e.

SPEAKER : Social Welfare Minister Pu P.C.Lalthanliana chhang turin ilo sawm ang.

PU P.C.LALTHANLIANA MINISTER : Pu Speaker, kan member zahawm tak zawhna chhanna pakhatna chu hei hi a ni. Social Welfare Department hnuai Director post atan Recruitment Rules hi siam tumna a awm a, Draft Recruitment Rules pawh siam a ni tawh a, enfel mek a ni.

Tin, pahnihna chhanna chu Kum 1983-ah Social Welfare Department hi Directorate puitlingah dah a ni, tih hi ka chhanna a ni.

PU K.LIANTLINGA : Pu Speaker, ka lawm e. Ka zawhbelhna tur chu hei tuna chhannaah khanin kum 1983 atangin Directorate puitlingah dah a ni tawh a, tin, henga an Officer lakte pawh hi an entry-grade hi general line-a B.A. M.A. kan han tih nilo, a bikin MSW kher ngai chite pawh a ni a, a qualification hi a duh sang em em a. Tin, mi bik te pawh a duh niin a lang a, tin, a hnathawh hi ropui tak niin ka hria a. Nau piang atanga tar thlengin, kuttualleichham te, addict te engkim mai kha huam tel loh a nei miah lo mai a, chung atang chuan Nodal Department anihna te pawh hi a tam viauin ka hria a. Ministry of Social Justice and Employment te, Ministry of Woman and Child Development te, tin, Ministry of Tribal Affairs atangte leh Ministry of Minority Affairs te a ni a. Heng atangte pawh hian hna hi an thawk nasa hlein ka hria a.

Ti, Dan hrang hrang engngemaw zat enkawlin Dan pasarih/pariat lai a ni a, lawmawm ka ti a. Directorate puitlinga Recruitment Rules siam tur chungchangah khan hei a aia kum la reilo zawk iti mai ang, Directorate puitlinga hlan tawh a tam a. (1) Economic and Statistic te, (2) Higher Education te, tin, Sports and Youth Services leh Arts and Culture te, Sericulture, Tourism, Excise and Narcotic Department-te Horticulture leh Information and Public Relation te leh Trade and Commerce te khan Recruitment Rules hi an nei a, Directorate puitlingin an kal vek tawh a ni. Social Welfare hi Department te tak tea dahin a awm a. Minister tan pawh chan chakawm lo ang hial khawpin a awm a ni.

Amaherawhchu, a pawimawhna thurchhuak tur hian kan zawhnaah chuan, Entry Grade-ah hian mifel tak tak mi 20 vel hi promotion lovin an awm tawh a ni. Hengte avang hian Directorate hi tihlen tumna a awm em ? Tunah hian Joint Director atanga Assistant Director inkarah hianin Officer 7 vel an awm a.

Tin, Entry Grade-a awm Child Development Officer te, case worker ang chi te pawh tam tak tunah hian an la awm. Heng Officer-te Promote-na atan hian hmalak tumna a awm em ? tih kha kan zawt a ni e.

PU R.LALRINAWMA : Pu Speaker, zawhbelhna. Kum 10 chhunga Sorkar hmasa lo tih theih loh hi, thlathum chung hian tihfel vek beisei a ni em ? tih ka zawt e.

PU P.C.LALTHANLIANA MINISTER : Pu Speaker, kan Member zahawm tak te, kan Department Social Welfare Department thatna tur min veipuitu member zahawm tak kan han nei hi, lawmawm ka ti a, an chung ah pawh lawmthu ka rawn sawi duh a.

Director Social Welfare Recruitment Rules hi wawi tam tak Sorkarah thehluh alo ni tawh thin a, amaherawhchu, Sorkarina la tifel mai lo a ni tih wawiinni thlengin kan hria a. Nichina Member zahawm tak Pu Liantlinga'n a sawi ang khan, he Department hi Technical Department ang takin lang lo mahsela, thiamna bik nei MSW ang chi, a thawkah pawh hian lak a ni thin a. Chumi anih avang chuan Director Post-a hi MCS a ni emaw All India Service a ni emaw a Post an cadrement hi rem an ti lo deuh niin a lang a, Department lam hian chung avang chuan han siam that mai te hi a harsatna niin a lang a. October, 25.2005-ah khan proposal Social Welfare Department hian Director Recruitment Rules tur te pawh a lo thehluh te tawh a, DP & AR-ah te pawh a awm mek a. Heng hi a tul anga fel thei turah ngai ila. Tin, chutianga Director Recruitment Rules pawh kan la neih loh laia, a Directorate han tihlen tumna erawh chu Sorkarin a la nei hran lova, a tul angin Sorkar chuan he Department hi tih changtlun a tum mek zel a ni tih kha ka chhanna a ni e.

SPEAKER : Han ti leh lawk thin ila, January thla tawpa Hnahthiala a zin pawh khan C.D.P.O. Post kha awm siin C.D.P.O. kha a lo awm thei lo a ni awm a. Pu Speaker, a tour not te an han thehdarh pawh khan kan indaih lo em a ni an rawn ti anih chu, hei hi House kan hriattir a nih chu. Tunah chuan Starred Question No. 35-na zawt turin Pu Nirupam Chakma ilo sawm ang.

PU NIRUPAM CHAKMA : Pu Speaker, ka lawm e. Starred Question No. 35-na "Will the Hon'ble for the Social Welfare Minister Department be pleased to State - (a) What is the amount as Special Central Assistance under Article 275 of the Constitution of India for the development of the Tribals in Mizoram during 2007-2008, 2008-2009, financial year? (b) Whether the Government of Mizoram has given any share to the autonomous District Councils in Mizoram out of the Fund received under Article 275 of the Constitution of India?"

PU P.C.LALTHANLIANA MINISTER : Pu Speaker, Tuichawng MLA bialtu zahawm tak zawhna chhanna (a)-na chu hetiang hi a ni. Special Central Assistance Article 275 atanga Mizoramin kum 2007-2008-a kan hmuh zawng zawng chu Rs. 353,38,000/- a ni. Tin, 2008-2009-a kan hmuh chu Rs. 367,41,000/- a ni. Avaiin nuai 720,69,000/- kum hnih chung hian hmuh a ni a. Zawhna (b)-na chhanna chu - Fund hi Mizoram State pumpuia District tina covered vek theih tura State tana rawn pek a ni a. A bika District bik emaw Council ang bik emaw a State ang zawnga kalpui erawh a awm lo a ni.

PU NIRUPAM CHAKMA : Pu Speaker, hei Mizoram pumpui atan tih chu kan hriatsa a ni a. District Council te, Autonomous te anih avangin, Social Welfare Department te pawh kan enkawltir a, chutah Sorcial Welfare Department Agencies Mizoram State-ina Nodal Agencies hemi fund chungchangah hian Autonomous District Council pek belh ila a tha lawm ni tih kha ka zawt duh a. Chakma Council erawh chuan tun thlengin pakhatmah an hmu si lo a ni. churang chuan tun Financial Year atangin a tam emaw a tlem emaw an chan theihna turin ruahman sak theih a ni lawm ni ? tih kha ka zawt duh a ni.

SPEAKER : Minister-in han chhang sela.

PU P.C.LALTHANLIANA MINISTER : Pu Speaker, nichina ka sawi ang khan State pumpui a ni tawp mai a. Abika share ang zawnga kalpui chi a ni lova. Amaherawhchu, tunhmain a sawi ang khan Mara Autonomous District-te pawhin Coffee

Plantation atan 2006/2007 ah he a Nodal Department kaltlang hian an lo thehltut tawh. Scheme/Project te pawh nuai 40 kan Sorkarin a hmuhsak a. Chakma District Council-te pawhin Rubber Plantation atan te pawh Project siamin a kalpui dan tlangpui hi chu NGO hrang hrang kan tihte, tin, nichina zawttu kan MLA zahawm takin a sawi ang khan Council-te pawhin Project-te an rawn thehltut a. Tin, Department-in a ngaih pawimawh angte project siam bawkin, chungte thlir tlang chuan he Central Special Assistance hnuaiah hian hmalak thin a ni. Chutianga project report siama dilna a awm anih chuan a bik takin sawlampang te pawh Sorkar chuan ngaihtuah turin a inpeih reng a ni, tih kha kan member zahawm tak zawttu kha kan hrih a ni.

SPEAKER : Scheduled Tribe te Scheduled Caste te kha a nia. Abik takin Tribal te, chuvanga Scheduled Area-a awmte han tuam hlawm belh lehna kha a spirit niin a lang a. Mizoram chu Scheduled area vek kan ni chungin a hnufual lehzualte kan awm avangin, inawpna bik siamte pawh kan awm a. Hotuten he thil hi chu tun sorkar tharah chuan uluk taka ngaihtuahna lo hmana, Aizawl tlang emaw, Lunglei tlang emaw a bawk vek loh dan ngaihtuah theih nise, a tha khawp ang tih kha Chair atanga ka react a ni e.

Tunah Starred Question No. 36-na Pu R.Lalrinawma, zawhna zawt turin ilo sawm ang.

PU R.LALRINAWMA : Pu Speaker, Starred Question No. 36-na - Chief Minister zahawm tak Vigilance Department changtu chhan atan - (a) - Central Civil Service Conduct Rules hi khauh zawka kenkawh tumna a awm em ? (b) - Property Return, Annual Return hi kum kaltaah khan sorkar hnathawkten an thehltut kim em ? (c) - Kum 2009 - 2010-ah hian Property Return, Annual Return chungchangah Sorkarin eng angin nge hmalak a tum ? tih ka zawt e.

SPEAKER : Chhang turin Pu Lal Thanhawla,
Chief Minister Vigilance Department
changtu ilo sawm ang.

PU LAL THANHAWLA : Pu Speaker, Member zahawm tak zawhna (a)-
CHIEF MINISTER na chhanna chu - “Rules anga kalpui tum a ni
ang” tih a ni a. (b)-na chu “Sorkar
hnathawkten an thehluh kim leh kim loh kan
hre mai lova; kan lo experience tawh thin
angah chuan an thehluh kim ka ring miah lo. Tin, Department hrang hrangah kan lo
zawt ang a, hriat kan lo tum ang. Tin, (c)-naah chuan Pu Speaker, “Rules anga hmalak
a ni ang” tih kha ka chhanna a ni a.

Pu Speaker, i rem tihnain han sawi belh lawk
duh ka nei a. Sorkar hnathawkah hian hnamdang ho hi chu an fimkhurin an fel khawp
a. Second hand vehicle pawh lei dawn selangin, “Chumi atangin hna ka thawk a,
chutizat chu ka hlawh a, Thlatin chutizat chu ka save a. Tunah hian kum chutizat chu
ka Service a, chutizat chu ka save a. Hemi hi ka lei thei tawhin ka inhria a, khawngaih
takin Sorkarin lei phalna min pe se,” tihte hian an rawn dil thlap thlap thin a ni.
Keimahni Mizo bik zingah chuan chutiang chu an vang khawp a. A tihna chang hria
tlemte an awm a ni. Khang khan Sorkar dan an bawhchhia tih an inhre miah thin lova.
Warning pek te pawh kan nei thin a. Vawiinniah hi chuan an eiruk pawh an zahpui lem
lova. Car thar te hi an kuhvakhawr lei mai mai a, a pawh khawp. Endik kan lo tum
ang.

SPEAKER : Zawh belhna a awm em ? awm loh chuan, rin
aiin kan kal chak a, alawmawm e. Starred
Question No. 37- na zawt turin Pu B.Lalthleng-
liana zawt turin ilo sawm ang.

PU B.LALTHLENGLIANA : Pu Speaker, Local Administration Depart-
ment Minister chhan atan Question No. 37-na
‘Normal Housing Loan Ministry kal ta Board-
ina thlanfel tawh kha engtikah nge sem anih
dawn tih ka zawt e.

SPEAKER : Chhang turin LAD Minister Pu
P. C. Lalthanliana ilo sawm ang.

PU P.C.LALTHANLIANA MINISTER : Pu Speaker, Member zahawm tak zawhna 'Normal Housing Loan Ministry kaltaa Board-in a thlanfel tawh kha engtikah nge sem anih dawn ?' tih chhanna chu, Ministry kaltaa Board-in a thlanfel kha cancel a ni' tih a chhanna a ni.

SPEAKER : Zawh belhna Pu B.Lalthlenglina

PU B.LALTHLENGLIANA : Pu Speaker, hmanni khan kan Minister zahawm tak khan a rawn sawifiah tho a. Amaherawhchu, zawhna a lo chhuah takah chuan ka zawt lo thei lova. A zawhbelhna pawh ka'n tilui hram ang a. 'Cancel' anihna chhan kha engnge cancel anihdan leh a chhan kha min hriih thei em ? Pawisa lo la thlen loh vang nge ni engnge ni a chhan ?

SPEAKER : Pu Lalduhawma

PU LALDUHAWMA : Pu Speaker, Housing Loan hi mipuite hian an indaih lo em em mai a. Hei, HUDCO atang te leh Financial Institution hrang hrang atanga kan puk atanga Loan hi pek niin a lang a. Sorkar hian a Loan amount sem tura hi tihpun dan kawng a dap thei lawm ni ? Kan indaih lo em mai a. Kawng zawn dan kan Sorkar hian a hria ang em tih ka'n zawt e.

SPEAKER : Pu P.C.Lalthanliana chhang turin ilo sawm ang.

PU P.C. LALTHANLIANA MINISTER : Pu Speaker, engvanga cancel nge a ni tih zawh belhna a awm a. Hemi chhannaah hian sorkar kalta Ministry hmasa a thil kalphungte sawilan anih dawn avangin Pu

Speaker, I mi hriatthiamna leh member-te hriatthiamna ka'n dil hmasa duh a nia. Tuna kan sawi fo Housing Loan cancel taka hi han sawifiah a thain ka hria a. A hmasa tunkum kalta Housing Loan lak hnuhnun ber kha kum 2007-2008 Additional anga kan kalpui tak ringawt cancelled kan tih taka hi 2008-2009 Budget Provision ami a ni. Tichuan Pu Speaker, kan sorkar kalta khan hmanhmawh takin engti taka hmanhmawh nge a chhan ka hre lova, 2007 (interruption)

SPEAKER : Ngawi rawh lawk aw. Kan hun a lo tawp der tawh mai. Kan lo thu tui deuh a ni. Kha kha han chhang zo mai se kan ti em? Anih chhang zo mai rawh se aw.

PU P.C.LALTHANLIANA MINISTER : Pu Speaker, ka lawm e. 2007-2008 Additional angin 2008-2009 Budget Provision ami hi kalpui a. Tichuan Board pawh siam thar tawh chuang lovin a hlui 2007-2008 ami kha extend

a ni a. Tichuan dilna thar pawh hawng tawh lovin a dil hlui 2007-2008 atangin a kalpui ta a ni. Hei hi han ngaihtuah chuan a tha ber lemlo hle a ni tih a hriat a. Dil thar duh mamawh tawh tam tak mamawh thar te pawh a awm theih avangin hei hi a fel ber lo hle a ni. Tin, Pu Speaker, Housing Loan Board chumi atan chuan siam a ni a. Lunglei District bikah chuan Housing Loan Board an siam chu 19/8/2008-ah khan Sitting an nei a ni. Lunglei District-a Housing Loan hmu tur list-te pawh an thlang fel vek a, an quota neih ang angin Board Member ten an thehluh a ni. Amaherawhchu, chutihlai chuan October thlaa Board sitting anih vek hnuah Pu V.Laldingliana leh J.Dengliana Board Member ni ve tho te kha an MNF ta lo deuh nge an hawiherah 'a nangni hi Board atangin ban in ni, in quota thehluh tawh pawh thlak danglam a ngai a ni', tiin lehkhain an hrih leh ta a. Chutiang te chu kan kalphung kha a ni deuh nuaih a, chumia an lungawi lohnate pawh chu an Board Member-te ngei hian he Sorkar thar kan han awm takah hian lehkhain Pu Spekaer, an rawn thehluh a, cancelled hial an duh thu te pawh kha Board lo kal tawh kha an rawn sawi a ni. Tin, Pu Speaker, Housing Loan hi a dila hmuh chi a ni a, Sorkarina dilna form a siam a, a dil hun chhung te a bituk vek a, chu a dilna form-ah chuan diltuin declaration engengemaw a tihte pawh a ngai a ni. Amaherawhchu, Housing Loan tuna kan cancelled tak kan sawia kha a lo chhuak a, chutah chuan dil miah lo te hmingte pawh a rawn lang ta a, a mak khawp mai. Kan Bible-ah khan, 'Hmu lova ringtute chu an eng a thawl e,' tih a ni a. Housing Loan-ah hi chuan dil miah lova hmutute pawh hi an eng a thawl. Chuvangin ka ring lova, chung zinga tel ngei Ramhlun 'N' Aizawl Pa chuan ka hnenah lehkhah rawn siamin dil miah lova a hmuh thu leh Page - II Sl. No. 45-a a awm thu te a rawn ziak a, he thiltih tawp tak hi thiat nisela a duh thute pawh a rawn thlen a ni. Chung zawng zawng chu Pu Speaker, he Sorkar thar reilote ami hian a hria a. Kan hriat reng thil diklo tha lo kan kal liampuia kan ngawihpui chuan hre reng chung a thil sual ti kan ni dawn a. Chuvang chuan kan siamthat theih kan ban phak maia la awm chu mualpho taka he Sorkar hi mi pahnih khat thiltih dik loh avanga a kal zelna tura a kal lohna turin he thil hi Sorkarin ngun takin a ngaihtuah a.

Tin, kan House Leader zahawm takin a sawi ang khan a sum pawh Finance-ina a la sanction lohte a lo ni bawk a, chuvangin tih that leh hi kan Sorkar tan a tha ber a ni. Diklo tak leh fello taka thil a kal liam ai chuan tiin cancel hi kan han ti ta a ni a. Khang cancel taka hmua inhriate pawh khan an dil leh vek thei a, a hmu-ahte pawh an tang leh thei a ni tih kan'n sawi leh duh a ni.

Tin, Aizawl ‘W’-I bialtu zahawm tak Pu Lalduhawma zawh belhna tihpun theih a ni em ? tiha kha Pu Speaker, tuna mi kan kapui meka hi Additional anih angin a amount pawh hi singriat/sing nga-ah a lian leh a te siam a ni a. Sorkar rilruah chuan tun ang hunah hi chuan nuaih khat emaw singriat vel ang hi chuan In kan sa hlei thei tawh lova, chuvang chuan Sorkarin hemi atan sum kan nei leh a, ti thei kan nih hi chuan up tumna hi chu kan nei sa a ni, tih kha ka chhanna nisela. Ka lawm e.

SPEAKER : Tikhanin zawhna hun kan lo zo ta a, alawmawm hle a. Thupuan ngai Member absent hi Pu S.Laldingliana, Brig. T.Sailo, Pu P.C.Zoram Sangliana te an ni a, tin, Pu Hmingdailova hi lehkha hi a rawn thehlut lova, Phone-in amah pawhin Direct-in min be lova, midang through-in min rawn hrilh a, mahselangin hei kan puang zel a, a damloh a chiang a, Phai lam kal ngai tur ni dawn te pawhin a lang nghe nghe a, chu pawh chu House ten kan rawn sawi kha min lo hriatpui mai ula ka duh a. Pu S.Laldingliana, Brig. T.Sailo leh Pu P.C.Zoram Sangliana leh Pu Hmingdailova Khiangte te an lo lang thei lova, kan pawmpui thei mai em ? Thei maw ? alawmawm e.

Tunah chuan vawiina kan tih tur pui berah kan lut dawn a ni. Debate thiam leh thiam lo te pawh vawiinni chu kan lang dawn a ni awm e. Resolution pawimawh deuh deuh mai a lo lut a, hei kan Rules 27-na Section (i) angin Zirtawpni hi Private Member Business kan tih ni a ni a. Resolution hi Dan ang thlapin pakua (9) kan hmu a, kan Dan 124-na angin Dt. 17.3.09 (Thawhlehi) khan Balloting tih a ni a, Bulletin Part- II No. 23-na Dt. 17.3.2009 a tarlan angin khami kan han Ballot-a lo lang kha kan la ang a, a copy kan neih vek tawh kha, kan lak hman zat zat kan la ang kan han ti na a, hetiang hianin lak tam hi a har khawp a, pakhata nilen hi a awl viauva,. Tichuanin, kan hun neihdan tur kha han sawifel nghal a tha hle mai a. A Resolution neitu hian 15 minutes emaw han nei ta selangin, member dangte hi 10 minutes inpe ila tha kan ti tawh mai em ? Kan han sawi tak tak hi chuan 10 minutes pawh kan kham leh lo mai thei a. Kan Resolution-a lang lo hi kan petkual thei ang reng a. Resolution neitu kha 15 minutes thliah thliah kan ti ang a, Awle, kan Resolutions No. 1

PU LAL THANHAWLA CHIEF MINISTER : Pu Speaker, rem itih chuan rawt duh ka nei a. A awmlah chuan min hnial mai la, kan Private Resolution-te hi entirnan, “Health Care Scheme hi awlsam zawk leh tangkai zawka miretheiten an hman theih turin siam rem ni rawh se,” tih te hi thalo ti kan awm hmel lova. “Infiamna khawvela Mizo Thalaite hmasawna tur Sports Stadium hi tihpuitlin anih thuai theihnan Sorkarin theihtawpin hma la rawh se,” tihte hi thalo ti tlat kan awm ka ring lova. Member zahawm tak Pu Lalduhawma Resolution, “Mizoram Home Guard Volunteer-te dinhmun hi tun aia tha zawka siam ni rawh se,” tihte hi thalo tia tang tlat duh kan awm ka ring miah lova.

Tunhnai khan Police-te an hamthatna a theih angin kan tisang niawm tak a ni a, Home Guard-te pawh hi kan hmang tangkai tho si a, tihsan ve hi a awm kan tih vek ka ring a, member-ten, avai hian a lak kawp theih vek mai lawmmaw nile ? Mover-in rawn move sela.

SPEAKER : Member-te thu thu a ni mai, kha kha chu. Ballot kha kan ti nain.

Dr. R.LALTHANGLIANA : Pu Speaker, hetiang hi kan la ti ngai miah lo mai a, kan House Leader rawtna kha kan Rules of Procedures kha ngun deuh hleka en a that ka ring a, a phalsak kha chuanin kawng dangah ngai ta ila, kan vawikhat hriatna tur a ni a. Chuvangin Resolution chungchanga kan Rules kha ngun deuh a en nisela a tha ang.

PU LALDUHAWMA : Pu Speaker, Oppsition lam atanga Resolution kan han neih ve hi ka experience-ah chuan eng anga tha pawh nise, vawikhat mah a tlang ka la hrelo. Eng anga tha pawh nise kan la inhnawlsiak ziah a. Tuna kan House Leader zahawm takin a rawn sawi hmang kha chuan move hman ilang chuan ka Resolution hi a tlang dawn niawm takin ka hria, alawmawm ka ti khawp mai.

Chuvang chuan silmuteneously-a move kha a tha ka ti a, a lo fuh chiah lo anih pawhin Resolution 1,2,3,4,-ahte khan identical-a a awm avangin kei chu 3-na ka ni mai dawn a. Sawi tam lo ta ila, pakhat kan zawhah khan a dawt kha la chho leh ila, a pathum hian kan ti hman mai lovang maw ?

PU LALSAWTA MINISTER : Pu Speaker, kan Rules of Procedure te'na a khap tlat anih leh nih loh chu kan Official ten an lo en mek ang a, anih lem loh chuan kan House Leader-in a sawi kha tha ka ti a.

A chhan chu "Hei hi kan tihdan thin a ni lo", tih tlat mai hi ram thanmawh bawka a ni a. Hei tunah pawh hian House-ah kan lo lut thar a, Member thar tak takte pawh an awm a, a senior deuh te'n, "Hetiang hi kan tihdan thin a ni," tih tlat ringawta kan in hruai khan chuan hma kan sawn theih ka ring lova, India ram ngeiah pawh hian Session-te hi chawhma lama ti lovin, chawhma an Office a, chawhnu lam dar 1 : 00 atanga tanin a tul chen chente an ti a, thil thar, ngaihdan thar, mi tihdan te, mi tihdan lohte pawh kan chin fo hi chu a that zawk chuan kan ngaihtuahnaah hian leng se a tha tih kha ka'n rawt ve a ni.

SPEAKER : Engpawh niselangin, a simultaneously khan ti ta lo ila, a Resolution indawt khan, avang chu heta lo record-tute tan pawh lo record kha a buaithlak dawn a. Resolution chumi chu chutianga lungrual taka passed a ni tih kha a ngaih hmel a. Chuvang chuan a dan lamah khapna rawt awm lo pawh nise, a indawta kan kal theih chin chin kan kal chhoh thliah thliah kha chu a fel ber ang.

Dr. R.LALTHANGLIANA : Pu Speaker, thil in hriatthiamnain awlsam taka thiltih zung zung theih tho a, kawng lehlamah chuan hun kal tawhah hian Resolution hi kan chai rei thei em mai a, helam pang hi a sawitu kan tam lutuk lo mai thei a. Kha lamte pawh kha insum ve chu a ngai a ni. Chuvang chuan a sawitu tura kha tam vak lo ila chuan a pathumin kan zo thei tho mai a. Tin, a minute chungchangah kha chuan nichina i han fixed ang kha a tha viau a. Kan hmang zo lem lo mai thei a tam takin. Kawng khat ngaihtuah chuan a awlsam viau na a, a in persan deuh si avangin tuna han rawtna ang khan kal ta ila. Amaherawhchu, nidanga kan kal anglo takin pathumte kan pass theih chuan tha khawpin ka ring, kha kha achievement, hmasawna chu a ni ve hrim hrimin ka hria.

SPEAKER : Chuti chuan kal ila a tha mai lawm ni ? Kan zawh hman leh a pathum pawhin kan zo vek ang a. Thil tak tak vek a ni a. Lungrual taka kan pass theih chuan. Amaherawhchu, henga lo record chhawna velah khan han tih thliah thliaha engemaw kha a fel a, harsatna em em tur awmin a lang chuang lova. Chuvangin Resolution No. 1-ah kan kal phawt ang a. Tichuan, No. 1-a kan kal kha chuan No. 3, No. 4 te pawh, No. 5 kha No. 3 angah a kal thei ang. No. 1, No. 2 anga a kal pawhin No. 5 ni ta kha No. 3 angin a thupuiah a kal thei in a lang e.

Chutiang chuan No. 1 ah kal phawt ila, tunah chuan minute 15 hun pek kan ni ang a, hman zawh kher tur tihna a ni chuang lova. Upper limit ani tih hriaila. Chutiingin minute 10 pawh upper limit a ni tih hria ila a tha awm e. Pu R. Lalpianmawia Resolution kan la ang a, move turin ilo sawm ang.

PU R. LALPIANMAWIA : Pu Speaker, ka lawm e. Vawiin ah ka Resolution, 'Mizoram Health Care Scheme hi mirethei ten tun aia tangkai zawka an hman theih turin a kalphung hi siamthat ni se' tih kha, hemi chungchang sawi thei tura hun min pek avangin lawmthu ka sawi e.

Hei Mizoram-in nikum mai atangin Health Care Scheme kan hman tan ve a, atangkaipuite pawhin kan tangkaipui viau a. Mahse, helai ka resolution a tarlan ang hian, Miretheiten tangkai zawka an hman theih dan kawng hi la awmin a lang a. Chumi avang chuan he Resolution hi rawn ti ka ni a. Tin, kan Member te pawhin hemi chungchang hi an pulut ve bawk a. Mi 9 lai khan kan duhin ka hria a. He Mizoram Health Care Scheme hi ram puma hman turin 2008-09 ah Central lama Health & Family Welfare Ministry atangin Insurance Company kaltlanga tih a ni a. Chumi Insurance Company kaltlang tur chuan Quotation te call a ngai ve a. Chuta a chhangtu Reliance Gen. Insurance Company Limited tih te ICICI Lombard tih te, New India Insurance tih te, National Insurance Company tih te hi kha Tender chhangtute an ni a, chhang hniam ber Reliance hnenah pek a ni a. Hemiah hian a zavaia pe lovin 95% Reliance ah pek a ni a. Pawisa tur hrim hrima hi sorkar kalta khanin an hmuh tur ADBA atanga lo hman lawk dan ngaihtuahin Mizoram Plan sum atangin an lo puk lawk a. An lo puk lawka hi a dan tur ni awm lo tak a ni a. An lo pek tawh crore 50 atang hian crore 27 aia tam mah kha Reliance ah pek a ni. A bak crore hnih leh a chanve natna khirh zual atan Society kutah dah a ni a, a tangkai thei tak tak ta lova.

Tin, engtizia nge ni ang aw Reliance Company te hi thenkhatin an fak vei nen, hman tlak an nihna tam tak a awm vei nen keini hianin kan chhuah chhe riau mai a, hei pawh hi thil fel tawk lo a awm a ni tih hi a hriat theih reng mai a, hei hi siam that a ngaihna tak pawh a ni reng a ni. Chuvang chuanin, heng harsatna tawk chho chung hian he Sorkar hi vawiinniah a lo ding ta a, kan Sorkar min kaihruaitu kan Chief Minister zahawm tak Pu Lal Thanhawla leh kan Health Minister zahawm tak Pu Lalrinliana Sailo tena nasa taka hma an lak chhohnaah hmanni lawkah khan vaibelchhe chuang zet chu min rawn pe ve ta a. Chuvangin he Reliance Company te nena inremna an lo siam hi April 9, 2009 tur hi tih a ni si a, a hun a tlem tawh si a, kan pawisa lo pek tawh te han chhut hianin crore 25 vel tun 31, January ah crore 25 chuang zet bill ah khan crore 10 vel lek kha Reliance Company hian kha miharsa te mi rethei te bill kha a la pe chauh mai a. Chuvang chuanin khati chung khanin kan sawi tak ang khanin kan Chief Minister zahawm tak leh kan Health Minister zahawm tak te ngenna avangin khatiang kha min han pe leh a, khatiang anih kha chuanin 10 chuang hret chu a ni tawh tih kha a chiang mai a. Chutiang chu a dinhmun a nih avangin he Scheme tha tak si, miretheite pawhin kan han temchhin tawh kha hman theih loh in an awm chho leh ta , a paw em em a ni. Reliance Company te hianin chhuanlam nei dawn ta se enge an chhuanlam ang tih helaia han lang mai theiah hian chuanin 5% hi tuna balance pek loh niin a lang a, chu chu Mizoram Sorkar atangin. Amaherawhchu, hei hi han ngaihtuah ila, crore 25 chuang bill awm tawh a crore 10 vel lek chauh la pe khan kha kha an tih tur pawh a ni lova.

Tin, lungrual taka inrem tlang taka a tiam hun chhung a thlen hunah, a pek hunah an inlungual tlana, tha tawk an intih tlan chuan kha 100 a 5 kha pek leh tura tih a ni a. Chuvangin tun hun chep tak karah hianin kha kh a a dinhmun a ni a, a paw hle a. Hei hi siamthat a, kawng thar ngaihtuah a nih loh chuanin thingtlang leh khawpuia retheite te tena kan chhawr tur angin kan chhawr thei dawn lo tih a chiang a. Kan chhawr lo nghal tawh bawk a, kan chhawr lo mek a ni. Chuvangin, heng kan tihna tur chungchangah hian eng angin nge kan kalphung hi siamthat nise tha ang tih kha vawiinah hian ka rawn put luh chhan pawha ni a. Chuvangin kan neihsa,

kalphung kan neihsa aia tha hi ngaihtuahna kan hman a pawimawh em em mai a. Chuvangin kan ramah hian miretheite hnen thleng phak programme tha tak mai kan sorkar hmasaina a lo tih tawh a hi tha lehzuala kan kalpui theihna tur hian kalphung siam that a tul a. Chumi atan chuanin mi tihdan te, mi lo tih tawh te, tihphung te pawh hi kan hriat a kan zir zau a pawimawh hlein a lang a ni.

Kannataka Sorkarina an lo ruahman “The Karnataka Yashasvini Health Insurance Scheme for Rural Farmers and peasants : Towards comprehensive Health Insurance coverage for Karnataka” an ti a. Heng an lo tih a te han thlir zau chuanin mi rawn leh a taka an lo chhimna tam tak a a wm a. Tin, an reference ringawt pawh hi mi 27 zet an ni a, chuan kal dan tur engemaw zat an lo thlithlai a, statistic hrang hrangte lain leh engtinngte tha ang tia ngaihtuahna tam tak an hmang chho a. Chuvang chuanin heng ang chite bakah pawh thurawn laka remruatna thar kan neih loh chuan tuna kan kalphung ang ngawt hi chu thingtlang mi retheite, mi harsa ten kan chhawr thei tawh lo ni berin a lang a. Chuvang chuan kan chhawr leh theihna tur chuan point hrang hrang han tarlan thain kan hria a. Hemi tipuitling tur hian pawimawh ber pakhata chu mirethei chhungkua BPL kan tih ang te hi tute nge tih kha engtin nge BPL chhungkua kha kan tih ang tih kha a pawimawh ta . Chu chu BPL family te atanga ‘a based a’ kan hman thin avang hian khatiang kha a pawimawh ta a. Chuvangin, hemi siamthaa bultan tha tur hian kan sorkarin hma a la chho mek niin a lang a.

A tawp berah chuan he scheme pawimawh tak hi tarlan tawh angin loan hmanga siam a ni a, leiba nasa tak nei sa renga awm kan nih hre chungin a hlawk thei ang bera hman dan tur kawng kan ngaihtuaha kan zawn tlan a pawimawh hlein ka hria a. Chuvangin Pu Speaker, he resolution hi member zahawm tak tak ten a tul leh pawimawhna kan hriatsa anih ang ngeia min pass pui turin ka rawn ngen nghal bawka ni e. Ka lawm e.

DEPUTY SPEAKER : Awle, kha Pu R. L. Pianmawia member zahawm tak resolution rawn put luh kha tikhan a rawn move a., tunah sawiho kan tan ang a, nichinah a hun chu minute 10 nise tiin kan titlu tawh a. Kan tan nghal mai ang a. Tunge member sawi hmasa duh le? Bul han tan rawh ule. Col. Z.S.Zual I sawm ang.

Col. Z.S. ZUALA : Pu Deputy Speaker, ka lawm e. Hemi Health Care Scheme hi heti laiah hianin kan en a, he scheme-in a tum ber chu chhungkaw tinte an lo hrisel zawk nana awlsam tak damdawiina an inenkawlna an lo awm theihnana duan a ni. He scheme hi chhungkaw khatah member tinten an hman theih tura siam a ni tihah hian a huam leh theih loh zingah hian Damdawi hmansual vanga natna te, hei hi a scheme hnuaiyah hian phalloh a ni a.

Engpawh nise, Zu leh Damdawi hmansual vanga na te hi anmahni pawn an tuar takmeuh a, amaherawhchu, an chhungkua te hian an tuar tho mai a. Zu in ve loh te leh Drugs tive lo ten kan buaipui zawk mah niin a hriat a. Chuvangin, hemi Scheme-ah hianin a chhungkua ho te ngaihtuah hianin a mah mimal camlo a ai mah khan a chhungkua te, a bik takin BPL family atangin awm theih tho a ni a. Khanghote khan khawi lam atangin nge hetiang natna bik nei, Society ina kan lo accept loh, khami tihsual man kha an pe dawn tho. Chuvangin hetiang dan hman theih loh an tihah hian hei hi hman theiha tel theih ni se a lawmawm hlein ka ring a.

Pahnihnaah chuan, Dental treatment hi a tello a, Dental treatment hi telh theih nise a tha viauin ka ring a, a chhan chu hei keini te pawh hi kan Ha a tha tawh lo a, Ha that loh chuan kan thial tha theilo a, kan kawchhung lampang khan a tuar a. Chuvangin Ha tha lo ho hi, Ha siam na tur provision hi nei ta ila chuan kan pumpui te pawh hi kan safe deuh law maw chu aw tih te hi ka rilruah a awm a. Chuvangin hemi point pahnih hi ka han tarlang duh mai a. Chutiloah chuan Resolution hi ka thlawp a, tha ka ti e.

DEPUTY SPEAKER : Hun a hmang rei lo hle mai. Tunge han sawi leh tur le ? Pu Lalduhawma.

PU LALDUHAWMA : Pu Deputy Speaker, ka lawm e. Hei Insurance Scheme hrang hrang hi India ramah hian a awma, kan hria a. Chung zingah chuan hei Bajaj Alliance Insurance Company han tih angte Mizoramah pawh Office neiin an lo awm ve ta , anni Company hnuaiah ringawt pawh hianin Health Guard Policy te an lo nei a. Damdawiina luh hma ni 60 a an senso leh an chhuahhnu ni 90 chhunga an senso thlengin. Tin, a Critical Illness Policy an nei leh a, Cancer te, chuap natna te, Zeng te, khatiangah khan an bill theih bakah a diognise-naa an senso te thleng khan a bill theih a. Tin, Star package te pawh an nei a, chu chu chhungkuaa pa ber hming a lo nih khan, a chanve nu ber tan, 25% fa te tan, tih ang chi te pawh a awm.

Tin, kan service atan hian Insurance Policy hranpa pawh a awm tih kan hria a. Tin, Government of India atanga an tih hi chuan Universal Health Insurance Scheme hi a lo lar ta riau a, 2003 atang khan Central Sorkarin rawn tiin New India Assurance Company te nen an ti tlang a, Chanmari-ah sawn he company hian Office te pawh a nei ve a. Chutah chuan Damdawi Ina an in admit-na tura an kal man te, room rent te, ei man te, khang zawng zawng kha an bill thei a ni.

Tin, BPL tan bik phe chu an a premium an pek tur 100% kha an subsidise sak tawp mai a ni a. Tin, poor family tan Swastha Bhima Policy an tih te phe chu BPL tan bik kha a ni a, a tha em em a, khatiang khang chi hrang hrang a awm a.

Tin, kan Mizo zingah hian Sorkar tanpuina nilo a mahni bengvar a, hrisel lo deuh, in admit deuh fo te chuan anmahni hian nuai 5 nuai 10 thlenga bill theihna policy te hi an lo zawm nual tawh a ni. Kei ngei pawhin chumi chu hriat ka nei a ni. Amaherawhchu, mahnia va sutkuak a ngai a, senso a tam a, sorkar puihna a tel lova, mipui tan a han zawrh chi chu a nilova. Khang te avang khan keini pawh hian hman deuh atang khan hei hi kan ti ve tur a ni, tiin kan policy-ah hian kan lo telh ve thin a. Party dangte pawhin 1998-ah khan manifesto-ah an telh thliah thliah hlawm a. Tichuan khatih laia sorkarna chelhtu MNF pawh khan an policy-ah an rawn thun ta a ni a. Amaherawhchu, kum 10 an sorkar chhungin a kum 10-naah, a tir lama ti duh si lova an rorel tawp dawn tepa an rawn introduce ta chauh kha chu a lawmawm tlai deuh a ni ka ti nghe nghe kha a ni a. Chutah chuan tuna kan hman lai Universal Health Insurance Scheme contrim-in a tih hnuai a ni lovin 'Rural Health Mission hnuai a that zawk avangin kan ti dawn a ni', tiin Health Minister-in term hmasa khan ka zawhna min chhang a. 'Hemi hnuai hian National Family benefit Scheme a siam a, chumi hnuai atang chuan kan ti dawn a ni'. a ti a. National Family Benefit Scheme chu kan hria a, chhungkaw pa ber a thiha chawmtu an neih loh in YMA te V.C ten a form-ah an lo certify sak khan Rs. 10,000 te an dawng thei chauh a ni. Khami Scheme hnuai han tih khan tha tura kan Sorkar ten an tih chuan a tha turah kan ngai mai a. Amaherawhchu, a tawpah a lo her chhuahna kha chu ADB atanga development thil ruangam siamna tur infrastructure loan kan lak atang khan 50 crore hman tur a ni tih te kan han hre ta daih zawk a, engmah lo ai chuan engemaw kha a tha a. Amaherawhchu, regular khan a source of fund kha a lo kal dawn lova, khawimaw lai loan atangin kan sawk hek ringawt a nih chuan a kum lehah engtingge ni ang, Sorkar thar lokal zel tan engtingge ni ang tih kha kan zawhna lian tak kha ni a. Tunah hian kan buai ta viau chu a ni a. Chutihlai kara Health Insurance Scheme thar zawk, changlung zawk duanna tur Resolution lo kal hi ka Welcome tak zet a. Amaherawhchu, kan uluk a ngaiin ka hria. Tuna hman laia hian problem tam tak damloten an tawk a, chung chu ka'n tarlang mai mai ang a. A thar kan siamna turah hian kan fin theihna turin.

Pakhatnaah chuan damlo bill-ah khan Nursing charge an bill tel a ni. Nurse-in a enkawl na leh Doctor-in a enkawl na zawng zawng kha an bill tel a. Tichuan Operation Theatre hman man an charge a, hnimhlum an charge a Doctor-in a operate-na charge a ni vek a. Khang zawng zawng kha damlo bill ah a bet vek a ni. Mahse, damlo ip te ah chengkhatmah a lut lo, a enkawltu Nurse leh Doctor te ip te ah chengkhatmah a lut lo baw k a ni. Amaherawhchu, kha damlo ina a thlawna a dawn theih sum total atang khan khang zawng zawng charge kha paih a ni tho si a, damlo chanvo kha a ei hek duai a ani A damdawi man chauh kha damlo hian bill an dawng tlat lo mai. Chuti a lo nih chuan kan Doctor te thawhrimna leh Nurse te thawhrimna zawng zawng, a suma Reliance Company-in a pe zel a nih si chuan chu sum chu engzatnge an pek tawh a, sorkar khan khawiahnge a dah that a, tutenng e hmang a engatinge an hman tih te pawh hi hriat a chakawm tawh khawp mai. A tam thamin ka ring tlat.

Chuvangin he scheme thar kan duan turah hian khatiang a kan ti leh dawn anih chuan, kha kha kan bill dawn anih rau rau chuan Nurse pawhin Doctor enkawltute pawhin engemaw zat kha lo ei ve sela, tichuan an lo phur ang a, BPL damlo lo kal apiang te kha an pocket money tur hmuh te pawhin lo hmu sela, tichuan phur takin an enkawl thei ang a. A sum a kha khami hminga bill a kal anih rau rau chuan a vai vai chu ka ti lo a, engemaw zat, an phur vena tawk kha an kutah hian lut ve sela, a that hle te kan ring a.

Tin, harsatna awm leh chu Private Hospital-ah te an lo va in admit ve a, khata khawl chi hrang hrang an va hman man kha Civil Hospital te ai chuan a rate a lo sang vek a ni. Chutah chuan an bill theih zah khan a tlin leh si lova. Damlote khan 'free treatment ka dawng e' an tih lai khan an pocket atangin an chawi belh reng mai bawk a ni. Hengte pawh hi a dik lo a ni a, a scheme tharah hian Private Hospital te nen a rate fel tak nei ila. Chumi chin chiah chu damlo hian re-imburse thei sela, a pocket atangin cheng khat mah chawi belh tawh lo sela, totally in free ve sela tih te kha a thain ka'n hria a. Chuvang chuan a kal lai meka problem kan neihte hi a tharah hian awmzui lo se ka duh a. Eng ang chiahin nge tunah hian ruahman anih tihte kan hriat loh avangin hei tunah chuan Resolution mai ala nih rih avangin. Amaherawhchu, kan sorkarin tih tumna rilru a neih avangin Resolution hi kan hrethiam a, a tha thei ang ber kha nise kan duh ngawih ngawih a ni. Chuvang chuan a eng policy ber nge tunah hian kan hman dawn tih te kha ka hre chak khawp mai a. Eng Insurance Company ber nen nge kan thawh tlan dawn? Labour Ministry te kan sawi ri a, khatah khan keini hian engmah kan Chiang lova. Engpawhnise, kumin atan a sum lo kal hi nakumah pawh regular tak a lokal leh se kan duh dawn a, sorkar alo inthlak chhoh zel pawhin a buai loh a, a kal zel kha kan duh dawn a. Chutiang chuan permanent taka he scheme hi a awmzui zel theih nan siam nise ka'n duh a. Hei hi kan Ruling Party ina a incommit-na ngeiin 'Damdawiina in admit lo tan pawh a bill theihin kan siam dawn a ni', tih kha a ziakin kan kawh a ni. Pu Dy. Speaker, khatiang ngei khan an thutiam rawn ti hlawhtling se kan duh a.

A tawpna ber atana ka'n sawi duh chu Scheme hlui leh scheme thar inkara damlote inseng teuh si, bill hlei thei lo leh bill la hlei thei lo si te, a inkara tangkhang ho hi sorkar hian rawn ngaihsak ula. Scheme hlui leh Scheme thar inkara mi, laklawha lo awm hlawma hi beidawng a siam lovin an ni hi ngaihven a, tanpuia an hmuh tur ang ang an dawn tur ang ang an dawn ve theihna tur ruahman sak a thain ka hre bawk a. Tichuan Scheme tha tak, uluk taka duan nise ka duh a, chumi atana resolution lokal hi lawmawm ka ti a, kan support a ni e. Ka lawm e.

PU LALTHANSANGA : Pu Deputy Speaker, ka lawm e, hei vawiinni ah Health Care Scheme hi a aia changlung zawk leh tha zawkin kan han ti chho dawn anih tak hmel a, a hmaah khanin kan tisuah

a, a hmaa kan tihsual nate vawiinniah kan Sorkar thar hian hriain chutiang chuan a hmaa aia changtlung leh tha zawka tih a tum chho niin ka hria a. Hei a hmaa pawisa engemawzah a lo pek tawh te vawiinniah a Insurance Company han thlanna hrim hrimah pawh khan a hmain a hniam ber hi kan ti deuh zel mai a, a hniam kan han thlan khanin a sang kan thlanin a hniam hian buaina engemaw an rawn siam thin a, chunvangan a hniam hi thlan thin a ni a. Chuvangan a hniam atanga thlang ringawt lovin a khawi Insurance Company hi nge ni a rintlak ang tih te hi kan zir chian hle ngaiin kan hria a. Chumi tur atan chuan hriatna nei zau zawk leh hriatna nei thuk zawk te pawh hi rawn ni thei sela, chutiang chuan a chhang hniam leh a chhang tlem tih lampangah khanin rilru kha dah vek lovin a ti tha turah hian kan rilru dah ta ila tih a kha a ni a.

Tin, kan harsatna tawh ber a pawh kha, 'TPA' kan tih 'Third Party Administrator' a kha a ni a, khatiliah te pawh khan khatiang khan thil kha a kal hnawk em em a, harsatna han nei te, damlohna khatiang ang neite tan khanin harsatna namen lo kha an tawk a ni a. Chu chu tuna hemi, a tharah hi chuanin khatiang awm lo tur khan he Scheme tharah hi chuanin Office hmunah te pawh khan TPA kan tih, a 'Third Party Administrator' te pawh awm nghala chawp leh chilh a han tih zung zung tumna ang chi te pawh kha ruahmanah hian awm niin a hriat a. Khatiang ang tea a kal thei a nih kha chuanin damlo tan chuan a zangkhai hlein a rinawm a.

Tin, fund lokalna tur a kan tih ADB te pawh hi, hetiang hianin corpose fund angin kan han ti dawn a ni a. Hei hi a beitham deuh hle a. A interest ringawta in enkawl tur te a nih chuan harsatna a awm theiin ka ring a. Chuvang chuan hei hi Budget allocation-ah te hian awm thei hial se a tha awm mang e, khatia kal pui zel theih nan khan. Tuna ka hmaa member pui ina a rawn sawi ang khan, he scheme, a hlui leh thar inkarah hianin - Hei ka bialah pawh hian harsatna nasa tak kan tawk a. Cancer leh natna khirh bik te kan enkawl mek hrang hrangah hianin, namen lovin keini pawhin kan insen phah a ni a. Khatiangah khanin ko a rit viau mai a, engemaw zah an awm a. Chutiang chuan min bel lo thei lova. Treatment lak laklawh lai ani a. Chutih hunah chuan lokal leh ula an ti a, an tan kalna pawh a harsa a, hmanni khan kalna tur kan V/C chuan Rs. 2000 te a rawn tum hial a, kan V/C chungah pawh ka lawm hle a.

Khatiang khan hemi a inkar laia pawh hi tunah pawh hianin ngaihtuahna hi awm selangin pawisa pawh kum 2011 ah khan a move tu khanin mature tur te pawh kha, Bajaj alliance atang khan ala awm e an ti a. A interest atanga la rulh mai tur emaw khatiang zawngte pawh khanin rilru ngaihtuahnaah te awm thei se a tha hlein ka hria a. Hei a kaldan hrim hrim a te pawh hi a hmaa Rs. 10000 han tih kha, tunah chuan Rs. 15,000/- Calcutta thleng chu Rs. 15,000/- tih te Rs. 25,000 thleng tein a hmun dang deuh te tih te kha a han awm chhova, tin, a natna ah pawh khanin natna khirh bik han tih lai te, eng emawte kha hetiang hian an han ti a. Tin, a hmaa a nikhat atangin a dil theih ang tih te kha a tha hlein ka hria a. Tichuan khami hmaa atanga han dil tan a, an awm chhungte, a bikin BPL tan te phei chuan 50% kha mi premium a tanga pek ang chi te pawh kha han awm ta hi a tha hlein ka hria a. A scheme an han duan thar hi chu a duhawm lehzualin ka hria a, a vai phei chuan chipchiar zawkin han hria ila

chu he Scheme hi chu mi rethei chhanchhuah nan hian a hmantlak policy tha tak mai a ni dawn a. Chumi rual chuan a hmaa an tih thin ang te, kumkhatah cheng nuaithum la chi, APL kan tih ang chite kha nuainga ah tih chhoh a ni a.

Tin, hemi premium han lak chhoh chungchang laiah pawh hian helaiah hian dan thar deuh hi a awm a. Chhungkaw member panga chinah chuan zathum te, a aia tamah chuan zanga te, a ai tam pariat chinah chuan 650 te pawh a ni chho a. Hetiang te pawh hi mite hnen a kan han sawi hi, policy thar han awm tirh a mipuiin kan hlauh dante han en khan, theihtawpin kan inzirtir uluk a, kan inhriattir a ngai awm mange tih te ka rilru ah a awm a. Khami scheme a lan tirh khanin May thlaah te hian mi pakua hian an ti chauh mai a. Khatiang pawisa han pek hnu khanin mi ten he scheme hi tak tak deuh nia an hriat atang khan an han bawh ta a. Tunah phei chuan mipui nghahfak leh kumte thlira kan lo thlir, mirethei zawkte tan chuan malsawmna ropui tak thlentuah kan lo ngai chho ta a. Chutilai chuan hetih laiah pawh hian a premium Rs. 100/- kan tih lai pawh hi BPL te tan pawh a na lo a ni tih hi kan zirtir a, kan hrilh that hle pawh a ngaiin ka hria a. Chumi a nih loh chuan BPL kha kan nei lo emaw ti khan tan an khawh leh tlat ang tih te kha a hlauhawm hlein ka hria tih te kha kan sawi duh a.

Tin, hei 'engemaw patient' kan tih ang chi deuh i ti mai teh ang, tunlaia kan vei em em kan thalaite drugs leh Zute avang pawh hianin hetiang chungchang ka hma ami rawn sawi ang khanin engtin emaw khatiang te pawh kha, a natna lawng lawng ni lo deuhva, a ma natna bik anga ziaha khatianga hman te pawh kha theih sela chuan a tha hlei hleiin ka ring a, tin, mipuite thleng pawh hian tih theih ni sela. Hei, thingtlang ah phei hi chuanin mit hi a thalo hle mai a. Meikhuchhuahna hi an siam vak loh avang hian meikhu hi a zam nasa a. Chu chuanin thingtlang mite tan harsatna, mit a that loh phah nasa a, an mit a chak lova, Chuvang chuanin khatiang atan te pawh khan tul hlein ka hria tih kha kan sawi duh tlangpui a ni a. Hei packages rate tih te pawh hi an awm a. Hetiang tepawh hi hei heta an ziah angte han hmuh hi chuan a tha thawkhat awm e aw tih hi a ni a. Chuvang chuan tuna a thar an han tih hi chu hetia han langah hi chuan a tha tlangpui dawnin a hriat a. Tin, eng Enpanelment of Hospital tih te pawh hi a tha In enawlna pet a Private Hospital hrang hrang han thlanah te pawh hian duh hun huna khami hospital te pawh kha an billing system te pawh a that tawk loh chuanin cancel theih maina ang chi a dan te pawh awm hianin anmahni hetia kan Private Hospital kan han tih ho Nursing Home ho tan pawh hianin anmahniah khan competition a siam ang a. Chuvang chuan a hma ai kha chuan tha turah tepawh kan ngai deuhva. Chuvang chuanin heti laite han en hianin a tha thawkhat hle a. Chuvang chuan hetiang hi tunaia hma mah mah hian tih theih ni mai se tih kha keini remote area deuh lampang a awm tan phei hi chuan rilruah hian a hmanhmawh hma em em zel mai a. Chuvang chuan he kan resolution hi a tha thawkhatin ka hria a, a tih puitlinna turah te pawh uluk zawkin Sorkara mawhphur tuten leh kan member pui zahawm tak te pawhin hma la theuh turin kan sawm che u a, ka support a ni tih kha kan sawi a ni e, ka lawm e.

PU LALSAWTA

: Pu Deputy Speaker, vawiina kan Resolution neih hi pawimawh ka tih em avangin kan chuhhelh deuh a ni. Tun Sorkar thar hian kan VIP atan mi retheite kan puang tawh a. Kan

House Leader-in a sawi tawh angin. Chuvang chuanin, miretheite tan he Sorkarin engnge a tih theih tih kan ngaihtuah dawn lai hianin remruatna fel fai zawk kan neih theihna turin vawiinniah rawtnate han siam duh ka nei a. Pakhatnaah chuan chungkaw sum lak luh chungchangah hian a hma khan limit awm lem lovin Sorkar hnathawk lo zawng tih deuh tawp mai kha ni a. Khatiang angah khanin mihring dinhmun a in ang lova, thenkhat chu Sorkar hnathawk lem lo pawhin sumdawng hausa tak tak, Contractor hausa tak takte pawh anih ve theih thova. 'Khang kha an insum deuh ang chu maw' kan tih laiin, a tak han tih khan, an insum lem lova. 'Hmanhmawh hmawhah te an tang a ni', tih te kan lo hre ve a. Chuvangin Income limit siam a tulin ka hria a. Rethete an kum khat lak luh chungchang hetah hian sorkar hian mumal taka remruatna neih tha ka ti a.

Tin, pahnihnah chuan natna chungchangah hian eng eng emaw kan mithiamten an ruahman hi thiam ve lo chuan sawisel a awl khawp mai a. Kei thiam ve lo ka ni a, ka sawisel duh a. Natna hi thlan tur nita selangin, hritlan bak hi chu kei ka thlang miyahin ka ring lova. Hritlan pawh hi ka list hnuhnungah kei ka dah hrim hrimin ka ring a. Chuvang chuan natna chhan kan puh tam tak zu heh vang tih te, chutih khatih vang tih te, khang kha an nat miao hi chuan, tanpui chu an ngai a ni mai a. Chuvangin Aids an vein ate pawh tam tak hi chu tute thisen emaw an duh reng vanga an dawn ni chuang lo, mamawh vang ni chuang lo, mamawh vanga an dawn, chutiang avanga Aids lo veite an ni ve tho a. Chuvangin, natna chungchangah hian thliar vak hi a tul emaw ni le. Mahni duh thuin kan na a ni zeng lova, amaherawhchu, ha siam mawina tih te, cosmetic surgery kan tih ang hmel tih thatna atana hmai han siam danglam tih te, eng eng emaw natna pawha han ngaih theih lem loh tam tak hi chu kan ban theiin ka hria a.

A pathumnaah chuan Insurance Company kan mamawh emaw aw? ka ti, ka hrethiam tlat lova, helai hi. Society tha tak nei ila, a pawisa ber kan neih khan chuan society khan thiam takin a hman tur tawh te rel felin a hman tur aia chuang hret April atanga hmang tan an nih chuan nakum January lamah chuan, 'hei chu kan khawih che chauh ang' an tih angte chu society an nih angin peipunna te pawh lo siam ta se. Amaherawhchu, chung chu fixed bura dah lem lo deuh zawnga an tih te pawh a tha ang a. A chhan chu he pawisa lo kalna hi kan hria a, structural adjustment loan kan tih SAL kan tih atanga lo kal niin khawvel ram hrang hrangte hian hetiang hi an buaipui a. EAP kan tih ang 'Externally Aided Project' kan tih anga 90% grant, a peka pek tawp, Rs.10 ah Rs.9 a peka pek tawp, Re.1 chauh loan, 1% loan, ang chite a nih avang khan society pawh hian uluk taka ngaihtuahin sorkar nena tanghoin a return, a rulhna tur lai pawh kha an ngaihtuah thiam theihna turin mawhphurhna mumal tak pein society tha tak hi din ta se.

A pawisa ber neih tawh zawka Insurance lama la tlan leh hi ka zuk hriatthiam lohna lai a ni a. A chhan chu, tunah pawh hian Insurance-ah kan han kal a, Insurance-ah chuan vaibelchhe 29 dawn kan han pe a, anni chuan khata tanga an sen tlem theih ang ber kha an hlawkna zawng zawng tur a ni mai a. Vaibelchhe 29-ah khan vaibelchhe 9 chauh emaw an sen chuan vaibelchhe 20 an hlep dawn tihna hial pawh a lo ni ang a. Chuvangin, Insurance role chungchang hi ka hriatthiam loh vang pawh a ni maithei a. Hetiang lo zawk hian Society hi a competant mai lawm ni ? A tihbelh theih mai lawm ni ? tih ngaihtuahna ka nei a. Amaherawhchu, a Funding Organization-in a phal tlat loh kha chuan kan hriat phak loh a ni ang a. Chutiang pawh nise, Insurance role kha chu tun ang lo deuh, an pek loh hnem apianga miretheite manganna lo ni bawk si, an lo kawlkalh apianga miretheite manganna a ni zel a, anni hlawkna ni zel a kha clause fuh lo tak mai niin ka hria a ni.

A palinaah chuan, kan rinawm lo hi a pawl khawp mai a, rinawm chungchang hi legislate theih a ni lo hi a pawl a. Legislate theih chu nise chuan han legislate a chakawm a. An sawi thinah chuan, kawng dang zawng zawng hi chu a tih theih, transparency-te, punctuality-te, neatness, han felfai-te pawh, Integrity hi a buaithlak ber an ti a. Kan hriat angin, Sorkarin rinawm nia a ngaih chu, Officer chinte an ni a, chuvangin Marksheet-ah pawh a original hmu lo mah ilangin Officer ten “Hei hi a dik a ni”, “A copy dik tak a ni” an tih, an ‘certified copy’, an ‘attested copy’ kha kan ring a, hna zawn nante kan hmang a. Chutiang chiah chuan, Medical Officer-te pawhin an zia ang kha kan ring a, “A mipui lam chauh rinawm lo hran pawh kan ni lo” te an la ti leh ta zel a. Medical Officer-te, Damdawi zuar lampang, dawrkaite thleng pawh hian kan rinawm lo niin a lang a, helai hi chu, rinawm hi he Sorkar tharah chuan a bul tan ila a thain ka hria a. A chhan chu, inchuh thil a ni tawh a, he inchuh thilah hian a miretheite hi a chuhhelh lo lo leh a chuh chak lo lo an ni leh dawn hrim hrim a ni. Chuvangin, rinawmna kan tih chuan, kan tanpui tum tak, a dik takin khawtlang pawhin kan buaipui ho, kan khawngaih em em site hi an rinawm vek chuan an chanpual tur hi kan zuah tam thei dawn niin kan ring a.

A panganaah chuan, kan arrangement hi tuna kan tih piah lam deuh hret ang zawnga kan ngaihtuah thiam a ngai mai awm mange. A hma khan, Sorkar hmasaah khan, han indem thu a cheng chuang lova, Opposition lamte pawh kha an ‘involve’ tir lo lutuk deuh pawh a ni maithei, han indawm tlana, han infinchhuah deuh hian ngaihtuahna hi a lo var ve thei deuh a. Chuvang chuanin arrangement hi a that chuan khawvel Sorkar tha kan tih tam tak hi chu an arrangement a tha a, an system a tha a, chu chuanin, mipui tan nihlawhna a siam thin a ni tlangpui a. Keiniah pawh hianin kan Opposition lampangte, kan khawtlanga mifing kan tihte, University lama kan mithiam neihte, khatiang khan indawr zau deuh ta ilangin tih kha ka’n rawt duh a. Chuvangin, Pu Deputy Speaker, vawiina kan Resolution hi tha ka ti a, hmalamah erawh chuan tuna ka rawtna ang khan eng eng emaw kan tihdan hlui bansana tihdan thar lamah khan rawtna tha zawkte pawm thiam, kan ngaihtuah chu a thain ka hria a, Resolution hi za-a zain ka rawn thlawp a ni. Ka lawm e.

PU NIRUPAM CHAKMA : Pu Deputy Speaker, ka lawm e. Hei, kan Member zahawm tak resolution, Pu R.L. Pianmawia resolution hi “Health Care Scheme hi miretheiten tun aia tangkai zawka an hman theih turin a kalphung hi siamthat ni rawh se” A resolution-a a duh chu, ‘siamthat ni rawh se’ a ti a ni. Chuvang chuan, he resolution sawinaah hian Member zahawm tak tak ten kalphung hi siamthat ni rawh se tihah khan cheng ila, kan debate hi meaningful zawk ang tih hi ka ring tlat a, chuvangin, suggestion-te pawh mumal zawkin ti thei ila, khawilamah nge ?, khawi zawk nge siamthat an duh ? An duhnate pawh Chiang takin House-ah pharh ila tih kha ka sawi duh a, keima suggestion thenkhat, he House-ah hian ka sawi duh a ni. Kan hriat theuh angin hemi scheme hi Mizoram State Health Care Society, Firm and Society registration neia din a ni. Autonomous body angin kan din a, Mizoram Sorkar hian he Society hi autonomous body a nihna angin a function a, tin, a scheme kengkawh turin Insurance Company-te hnenah mawhphurhna pek an ni. Quotation-te kovin, a chhang hniam ber hnenah mawhphurhna kan pe a, tuna kan hriat angin Reliance General Insurance Company Limited (RGICL) a chhang hniam bertu a nih avangin 28 crores something-in kan pe ta a ni a. Anmahni, hemi scheme kalpui turin mawhphurhna kan pe tawh, mahse, bill process te, sanction te, hospital nen inrem siamte etc., chu anmahnin an ti lo. Third Party Administration (TPA) an ruai a ni, TPA chu Mediasys tiin Firm an ruai a, chuvang chuan tuna siamthatna turin kan siam duh a nih chuan, engvangin nge he scheme hi Mizoram Health Care Society-in kan kalpui loh tih hi zawhna lian tak a ni a. Kan pawisa a ni a, duh leh midang kan pe ang a, duh leh kan hmang ang a, keimahnin kan tih theih a ni

Health Care Society hian experience pawh an nei tawh a, in sak, structure pawh an nei tawh a, chuvangin kan mithiam ten kan kalpui thei a, kan Chief Minister Chairman hnuaiyah Society din kha kan ring ngam dawn lo em ni ? Engatinge midang kan pek ang ? duh leh Pu Duhawma pawh Chairman rawh se, duh leh Pu Lalthangliana, kan MLA zahawm tak pawh Chairman rawh se, Pu Deputy Speaker, siamthat kan duh a nih chuan a kalphung chu kan siamtha anga, mahse, mawhphurtu chu siamthar a ngai. Let the company go, let it be taken up by the Society itself. A chhan chu, Society-in harsatna tam tak an siam a, one time payment 27 crore kan pek lain 10 crore chauh bill an clear a ni, harsatna tam tak siam a nih avangin keimahni ngeiin kalpui ila a tha a ni.

Tin, Asian Development Bank pawhin phalna min pek tawh angin Society hian TPA ruai ve se, Society hian TPA kan ruai a, anmahni bill process leh sanction leh hospital nen inremna an siam anga, Reliance ang bawkin anmahnin engkim an ti thei dawn a. Chuvangin Society-in ti se, keimahni kutah a awm ang a, midangin a harsatna siam aiin keini harsatna siamtu ni lovin, awlsam takin mi tam takin an hman theihna turin leh hlawkna tura kan kalpui theih chuan keimahni i inring ang u ka ti.

Tin, BPL kha Member thenkhat ten an sawi tawh a, tuna BPL list hi siamthat a nih loh chuan kan biala BPL angte chu Sorkar hmasain a siam a nih avangin Congress chu an lang tlem lutuk, mirethei te te pawh BPL-ah an lang silo. Chuvang chuan siamthat chu a ngai a ni. TV/Fridge/Rangva in

neite, a then chu Sorkar hnathawkte pawh BPL list-ah an tel ve a ni a. Chutiang BPL list chu siamthat a nih loh chuan kan kalsual ang. Chuvang chuan, he BPL list chungchangah zing lamah zawhna chhanna pawh kan Minister zahawm tak, Social Welfare Department atang pawhin kan hre tawh a, tin, Sorkar policy atang pawha kan hriat tawh avangin a rang lama siamthat nise, scheme-ah pawh hian a hlawkpui theih ang.

Tin, ka hmaa kan Minister zahawm tak, Pu Lalsawta sawi ang khan income limit hi siamthat nise, nuai 5 aia tam annual income-te chu huam ve lo se, tih angte, nuai 10 emaw tih a ngai. Tin, chubakah Sorkar hnathawkte chuan Medical Re-imburement Bill kan la thei a, amaherawhchu, chhungkaw thenkhat la thei lo an awm a, example atan, kum upa tawh, over-age, fate/tute etc. Medical Attendant Rules-in a huam loh, harsa ve tak tak si ho huam tel tur a ni ang em ? ti a, kan siamthat hunah pawh ngaihtuah ni thei se, tin, chulovah chuan, income limit-te bithliah ila.

Pu Deputy Speaker, District Council hnuaiathawkte chungchang tlem ka sawi duh a. Heng Lai/Mara/Chakma District Council-te pathum kan nei a, kan hriat dan chuan tuna District Council Staff-te chu Fund Limit a nih avangin MR Bill hi a theih loh a ni. Chakma Autonomous District Council-ah chuan hlawn ringawt MR Bill an la thei, an khawngaihtlakawm khawp mai. Aizawlah wawi khat Damdawi Inah lo kal chuan thlahnih/thlathum hlawn kha a zo a ni mai. Chuvang chuan Health Care Scheme-ah khawngaih takin tel tir theih dan kha awm sela a tha mai lawm ni tih kha ka sawi duh a.

Tin, natna chungchangah chuan, mithiamte ngaihtuah turin dah ila, tin, duh leh Society reconstruction ti ila, Member-te pawh addition la ila tih kha ka sawi duh a. Chutiang chuan siamthat hi ka rawt a ni. Tin, he Resolution tha tak Pu R.L. Pianmawia rawt hi thinlung takin ka support a ni e. Ka lawm e.

DEPUTY SPEAKER : Dr. R. Lalthangliana, a inchoawk deuhin aw.

DR. R. LALTHANGLIANA : Pu Speaker, nichina kan han rawt ang deuh hlek khanin, wawiina Resolution pathum zawh hman kan duh a nih chuan, minute 15 a awm a, tin, Resolution kan tih hian dar 4 hi kan pel ngailo viau mai a, kum dangah.

Chuvang chuan, chawhnu dar 2-ah kan han thu leh ang a, a hun kal leh tur angte pawh khan kan sem zai thiamte pawh hi a tha em le ? Chumi a nih chuanin chawhma hian zo thei ila a va tha e aw, tih ngaihdan ka nei deuhhleka. Engnge ni kan Ruling lampang kha a hmanhmawh hlei hlei kha in niin ka hria a, kei hi chuan nileng pawh khan sawi ila, pawika ti lo a. Amaherawhchu, record-te pawh hi siam ve ila, kan Resolution zawng zawng, pathum hi wawiina han zawh ve hrim hrim hi kan term tharah hian record ngaihnawm tak a ni ve dawnin ka ring deuh a. Chuvang chuan, dar 1 hmaa han zawh mai theih ni sela, a va tha ve le ! ka ti deuh a.

Chuvang chuanin, he Resolution hi kan hriat angin Sorkar hmasaah pawh, a kum chawhnu lam deuh hlek a, kan Chief Minister ni thin Pu Zoramthanga kaihhruaina hnuaiyah khan kan lo ruahman a, Asian Development Bank atangte pawhin sum harsa tak chungin ngaihtuahna tam tak an seng a, chungachte pawh chuan a hlawhtlinna dan kawng a lo inhawng chho zel a. India ramah hian Health Care Scheme, Mizorama kan neih ang hi a awm lo a ni, ka hriatsual loh chuan. Mizoram hian hetiang kan han kalpui thei hrim hrim hi Sorkar hmasa hun chhung khan lawmawm ka ti a. Thil reng reng a vawikhat tihnaah hi chuan fel/mam zan lo, a implementation leh operation-ah pawh hian a awm ang tih hi chu keini pawhin kan ngaihtuah laiin Cabinet-ah khan kan sawi thin a, ka rinai tak chuan a kaltluang zawk a. Amaherawhchu, hetiang hian hei kan thleng chho a.

Resolution move-tu khan thil pakhat deuh ngawr ngawr kha a rawn sawi a, helai, Bank-a pawisa Bajaj-in an lo dah tih lai vel a kha chu, kan zuk hre thuk lova, mahse, ka han hriatchian laiah chuan Mizoram pumpui huapin Society mumal tak Health Care Society din a ni a, tahchuan, NGO, YMA te leh MHIP te leh pawl hrang hrangte, chumi committee-in uluk taka a ngaihtuah a, he sum hi dah kha niin ka hria a. Chuvang chuan, engemaw ti zawnga kan Minister kal ta, he House-a thusawi thei tawh lote engemaw beihna ang kha chuan hmang lo ila thain ka hria a.

Tin, he Bajaj Allianz-ah hian kan Minister hi Member pawh a ni lova, a fate kan han tih lehzal te pawh, kawng lehlahmah kan fate chu eng engemaw khatiang Insurance Company-ah a full time-a thawk lo pawhin Agent emaw an ni vek thei a ni. Khatiang avanga ngaihbel thui lutuk kan kal tir a kha a fel lovin ka hria a. Vawiinah hian he House-ah hian khati zawng khan sawi chiam tawh lo ila a that ka ring a. A sum a kha bo tur ang zawng pawh a nih ka ring lova. Amaherawhchu, kha decision kha Health Care Society, Mizoramin Resolution an siam niin ka hria a, khatianga lo dah lailawk a kha. Chuvang chuan, engemaw zawng taka inbeih nan kal lo se a that ka ring a, ka han tarlang duh a ni.

Tin, kan han implement lai khan, Sorkar hmasaah khanin tlema ka han ngaihawh ve deuh pawh a awm ve tho a. Entirnan, Health Care Scheme-a awm hma kha chuan dik tak chuan, MLA hi kum 20 chuang, term 5-na kan lo ni ve ta a, kan experience atangin han sawi ta ila. Sum min dil nasa ber chu damlohna thil a ni. Kan nei bik lo, kan ni theuhin ka ring. Harsatna tam tak kan tawh thin, Health Care Scheme kan lo neih takah hian nasa takin mirethei harsate, Govt. Employees an chhungte hminga Refer theih si lohte nasa takin hei hian a chhanin ka hria. Chutihrualin, ka ngaimawh deuhte chu, engemaw Advance kan han pe thei miah lote, Kolkata-ah an han Refer ta a, Thlawhna chuan man han lak mai ngaia nuai hnih/khat chu a hman theih a ni tih hrereng mahsela, Advance pe thei miah lova an awmte kha chu, tlem chuan keini ho kha min la tibuai cheu mai a ni. Khangte pawh kha siamthat tur neuh neuh chu a awmin ka ring a.

Ka'n sawi duh lai tak a chu, Sorkar thar a lo piang a, MNF Sorkarin India ramah a ti hmasa ber kan nih ka ring a, kan thiltih tha, i dinglam amite pawhin an ti tha em em a, minrawn zawm ta hi a lawmawm ka ti a. Hetiang thil tha kan lo tihna kawnga min han zawm a, Assembly House meuhah pawh Resolution an han pulut ta hi kan Sorkar hmasain kan tih hi a lo van tha tehreng em ! tih kha a confirm-in ka hria. Ruling-te chungah pawh lawmthu ka'n sawi duh a ni. Mahse, ka rilruah chuan han siam danglam hret hret leh ngaihtuahna kan han neih, House meuha Ruling lampangina Resolution meuha han tih hi a ngai emaw ni le, thil awm tawh sa a ni a, mahse, thil la awm ngailo, Resolution-a rawtte chu a awm viau a, a tha hrim hrim e. Kan veina zau zawka Zoram mipuiteah Sorkar tharina he Health Care Scheme chungchang kan tihlannaah pawh ngai ta tho ila. Minor neuh neuh kan implement-na tur atana thingtlang kilkhawr tak takte pawhina an hman tangkai lehzual theihna tur atana he dan han siam neuh neuh ngai hi chu a awm chu ka ring. Hei Minute 10 a awm a, Health Minister hian minute 2/1 te chu sawi ve a tum ka ring a, vawikhatah chuan pass kha a mover hian dil mai se a tha mai lo maw ? tih ka'n rawt a ni. Ka lawm e.

DEPUTY SPEAKER : Minute 10 hun kan la nei a, Pu Lalrinmawia Ralte hi a pharna a rei tawh a, tunah Pu Lalrinmawia Ralte ilo sawm ang.

PU LALRINMAWIA RALTE : Pu Deputy Speaker, hun min pek avangin ka lawm e. Sawi rei loh hram ka tum ang a. Kan Member zahawm tak, Pu R.L. Pianmawia Resolution hi ngun taka kan enin, 'Health Care Scheme hi miretheiten tun aia tangkai zawka an hman theih turin a kalphung hi siamthat ni rawh se,' tih a ni a. Hetihruala a sawi tel nghal chu, tuna kan Health Care Scheme hman lai hi miretheite tan hman tangkai tawh a har a, tihna tluk pawh a ni nghal a. A chhan chu, a kalphung tlema siamthat ngai a awm avang niin a rawn tarlang nghal bawh a ni. Chutianga kan sawi dawn chuan, a kalphung hmasa hi tlema sawi hmasak a ngai dawn a, tuna Member zahawm takin a sawi ang khan hun hmasa lama kum kalta leh kal lai mek a he Health Care Scheme kan hman lai mek hi sawisel ngawr ngawr ka tum pawh a ni lova, kan tih vawikhatah te a ni a, felhlel deuh laite chu a awm ang tih kha kan hriat vek a ni a. Helai Resolution kan thinlungin kan thlawp em em hi, sawitu tena sawi vek kan chakna chhan nia kan hriatna pawh mirethei a rawn target nghal a, tin, tun aia tangkai zawkin miretheite pawn he Health Care Scheme hi chhawr tangkai sela, awlsam zawkin, tangkai zawkin hmang tangkai thei sela tih kha a rawn duh a ni. tin, a rawn move rual hianin, chumi an hman tangkai theih lohna chhan, a kalphung siamthat a ngai a ni tih kha a rawn tarlang nghal a. Keinin kan hriat theih maina hi a zim a, entirnan, tunah hian Hachhek Constituency, kan bial chungah hian PHC pahnih leh CHC pakhat a awm a, anni khuan khuta damlo inenkawlte khuan dilna hi chu an han thehlut ve a, District through-in a ni a, an thehlut ve a, inbiak pawh a har a, information ka hmu thei lova, inbiak pawhte a har avangin Kawrthah CHC atang ngawt pawh khuan tunah hian thingtlang mi, mirethei te te tena an dilna 208 lai hi hmuh lovin a la tang a ni a. Kan beisei ang chuan kan hmang tangkai zung zung thei lo a ni tih hi a Chiang Hlein ka hria a.

Tukinahte pawh Doctor-te nen kan han in-phone-a, a tira sawilan ni lo, tun hnaia sawilan thenkhat a awm a, chu chu han sawilan ka duh a. Tunhnaiah hian an bill an rawn reject-na chhan, an rawn sawilan thin pakhat chu, Damdawi In atanga discharge i nih atanga ni 13 chhungin i application kan dawng hman lo tih a ni. Hei hi an reject-na chhan, an hnawlna chhan lian tak a ni. Amaherawhchu, Mizoram Sorkar leh Reliance-ina agreement an signed-ah te Process of Implementation an tih zawng zawngah hian ka hmuh hmaih a nih loh chuan Damdawi In atanga discharge a nih atanga ni 15 chhungin an submit tur a ni tih hi ka hmu tlat lo a ni. Tun hnaiah hian hetiang hmang hian an reject ta vak vak mai ni ten a lang a. Han ngaihtuah ila, thingtlang kilkhawr PHC atanga claim-tu tan chuanin ni 15 chhunga Health Care Society emawa lut tur chuan a har khawp mai a ni. Xerox khawl a lo awm lo a, Aizawlah te Ration Card-te an Xerox te te a, an khuaah an hawn leh thawn a ngai a ni a, a nihna takah chuan. Chu chu ka rawn sawi duhna chhan chu, khulai case mai thil a ni lova, miretheitena kan tangkaipui tawh lohna chhan hi, tuna kan zawh lai si hi a ni a. Hei hi information kan dawng sual a nih chuan thudang ni se. Amaherawhchu, Damdawi Ina thawkte ngei kan Doctor-tena min hrilh a ni a. Tin, engvangin nge ni 15 chhunga i rawn submit loh, ni 21 chhungin rawn insawifiah rawh tih kha Dakah a kal ta a, an han hmuh meuh chuan ni 21 kha a lo liam leh tawh si thin a ni tih hi a ni. Kan Dak kal muan zia hi kan hria a, heng hi a tak taka thil thleng a nih chuan, a ni ngei ang a. Kan Doctor-tena min rawn hrilh a ni a. Chuvang chuan, hetiang hi a nih chuan a kalphung hi tlemin tihdanglam a ngai a ni tih kha ka'n sawi duh a.

Tin, hemi Agreement-ah hian Definitions-ah hian, Para 1, sub-para 1,7 leh sub-para 8-ah hian a claim theitu tur insurance person-a kha a hrilhfiah a, hetah hian ti hian a ti a, ka'n chhiar mai ang a. "Dependent parents, husband, wife, dependent sons/daughters" a ti a, sub-para 8-ah hian hengte avang hian em ni tunhnaiah hian damlo tunu, a chhungkaw nu ber, pa ber atanga a tunu, a tupa i nih daih avangin i hmu thei lo a ni tih hmanga reject a awm bawk niin sawi a ni, ka information dawn atang chuan. Liberal taka kan zuk hrilhfiah chuan Grandsons leh Granddaughters-te hi an lang lo reng a ni. Amaherawhchu, 'rigid' taka kan kalpui a nih chuan 1+5 per family-ah he Health Insurance Scheme hi avail phal a nih si chuan, Mizo nunphung, thingtlang nunphung dik takah chuan pitar putarin an tute pathum pawh an awmpui thei, chu a reality tak tak zawka chu a 'hit' fuh lova, helai a 'terms and conditions' te pakhat hmanga thingtlang miretheite reject an nih chuan siamthat ngaite zingah ka rawn ngai bawk a ni.

Tin, chu lovah chuan, tunhnaiah bawk hian kum 21 i tlin tawh avangin i claim thei lo tih ang chi kha awmin sawi a ni bawk. Hei hi vai ram kalphungah kum 21 chu 'independent' tawh tura ngaih a ni tih hmangin argument an rawn siam a, an ti a. Hei circular pawh awm tharin sawi a ni a. Hetiang hi a ni tak tak a nih chuan, Mizo Society, Mizorama kan nunphung, Hindu un-divided family ang deuh awm khawm dul dul thin kan nihna nen chuan a inmil lo hul hual a ni. Chuvang chuan, miretheitena kan hman tangkai theih lohna chhan, tuna hetiang hi kalphung tak tak ka information dawn ang hian a lo ni a nih chuan, khangte avang khan resolution hi a thlawpawm ngawih ngawihin ka hria a ni.

Tin, agreement-ah hianin kan thil hmuh pakhat, ka mit han la deuh hlek chu, empowerment tih kha a ni a. He insurance, hemi reimbursement rawn claim theitu turte enkawlna damdawi in chungchang kha empanelment of implementation tih para 3-naah khan empanelment Hospital tih kha kan hmu a, khatah khan CHC leh PHC tena an lo qualify ve theihna tur criteria hrang hrang 11 lai a rawn tarlang a, khang zingah khan X-ray khawlte, ECG te a awm tur a ni tihte a ni a, Operational Pharmacy-te a awm tur a ni tihte a ni a, khangte avanga kan thingtlang PHC atanga bill submit reject a lo awm a nih chuan ka enquire hman lova, Pu Deputy Speaker, min ngaithiam la, khangte kha cirteria hrang hrang avanga reject a lo awm a nih chuan, a kalphung siamthat ngai berte zingah ka ngai. A chhan chu, kan Primary Health Centre-te khatianga thuam an ni si lova, khami hmanga dilna kha reject a nih bawk si chuan, siamthat a ngai khawp ang a kalphung hi tih kha ka rawn thlawp duh bawk a ni.

Chuvang chuan, para 4-naa a process of claim han tihah te khan, nichina ka sawi tak ang khan hun bituk langin a awm si lova, a lo lang ta tlat si te hi ka zuk sawisel ngawr ngawr ni lo khan, heta a Reliance lamte leh a sum balance lamte kha a resolution hian a rawn tum ber ni pawhin a lang lova, khalam kha chu ka sawi lo ang a.

Engpawhnise, miretheite a rawn target a, sawitu hmasaten an sawi ang khan, BPL family-te hi ngaih pawimawh ni sela tih kha Pu Deputy Speaker, ka rilruah a awm a, party hruaitute pawhin an lo sawirik thin tawh angin, BPL family-te atanga registration nge premium kan ti dawn, hun hmasa lama Rs. 100/- lek angte pawh kha kal lo sela thain ka hria a. Miretheiten he Health Care Scheme hi an hman tangkai theihna turin a kalphung siamthat nise tih resolution hi zaa za ka thlawp a ni. Ka lawm e.

DEPUTY SPEAKER : Awle, kan chawhma hun a tawp a, kan chawl ang a, dar 2-ah kan tan leh dawn nia.

Recess at 1:00 Pm

2:00 P.M.

S P E A K E R : Sawihona kan chhonzawm zel ang a, mi pariatin kan sawi tawh a. House Leader in a duh ang khan sawi lampang kha tam lo dawntawh ila a tha awm e. Le, tunge han sawi leh dawn ? Pu K. Liantlinga.

PU LAL THANHAWLA CHIEF MINISTER : Pu Speaker, a oppose an awm loh pheh chuanin a favour zawng kha chuan sawi phal tawh lo la, chutilo chuanin hei darkar hnih awh a ni a, a pathum khan pass tlak, tha kan ti bawk si a, a tha ti zawnga sawi tluar tluar a, a oppose awm chuan si loh chuanin tha ti na na kha chu kaltlang pui mai a va tha ve.

S P E A K E R : Nia, mirethei in hmangaih si tawngkam na na na chuan a nawm hmel si a, a break zawng sawi tur kan awm em ? ti mai ang aw, Pu Liantlinga aw, a against zawng a nih loh chuan aw. A against zawng sawi tur kan awm em ? Awm lo maw? E, sawi i duh chuan sawi rawh. A against zawng lo deuh against ang reng deuh pawh sawi theih tho.

PU K. LIANTLIANGA : Pu Chairman, ka lawm e. Nia, hei aw, Pu Speaker, hun tha tak mai min pe a ka lawm a nia, ka sawi rei lo ang. Heti lai Asian Development

Bank atanga sum lak MNF in an lo tih a hi a hmasa scheme a kha a fuh lo ka ti a. Chu chu ka sawi duhna chhan pawh a ni a, helaiah hian tuna proposal an han siamah pawh hian Resolution nimahsela helai han kal chhuah hian a kal kawng hrim hrim a hi a fel tawk lo a ni awm mang e aw tih ngaihdan ka nei a. Hei Cone plus fund a ni a, chu chu 50 crore a awm a kha 10% a rulh tur leh 90% loan a grant tur angte pawn an sawi a, khalaiah khan helai crore plus fund awmzia hi a capital a ni a. Chuta a interest atanga hnathawh tur a nih avang khanin hetilai a hi tunah hian a chi tur hi kan ei zo mai niin ka hre deuh a, tehkhin nan han sawi ta ila, buh chi te pawh tin 1 emaw tin 10 emaw kan neih chuan kan den fai a kan ei zawh mai chuanin a zo a ni mai a.

Amaherawhchu, kan ching ang a, tah chuan a rawn thar chhuak ang a, a thar tin 100 chuang kha kan nupui fanaute tan kan hmang tur a ni. Chutiang deuh chu tunah hian kan hmuh thelh deuh niin ka hria a. Mauruangi thawnthu a Bingtaii te unau ang deuh khan, pakhat chuan a kang sur sur a, a ei zo vek a, pakhat erawh chuan a tuh kauh kauh a, a thlo chhuak a, nasa takin a thar chhuak a tih lai a kha he Resolution hian a tum niin ka hria. 50 crore ah hian state sorkar hian 20 crore emaw lo pe belh ta sela, public atanga an khawn a kha 2 crore vel niin ka hria. Khang te kha fixed deposit a dah a, chutah pawh chuan fixed deposti a dahna turah khan Nationalised Bank emaw scheduled Bank dik takah dah nise, a interest khan mi harsa te kha enkawl tur a ni a. Tah chuanin kha pawisa kha zo mai lo turin a tihbelh dan tur a kha kum tinin State Budget atan hian 10 crore emaw dahbelh sela. Tin,

mipui atang pawh khanin thla tinin emaw entirnan, chhungkaw pakhat tan Rs.50/- te emaw lo khawn ta zel sela, khami lo tlingkhawm kha kum khatah hian 20 crore vel a tling thei a ni. Kha kha a capital ah dah zel a ngai ta a, tichuan a interest kha a lo sang telh telh ang a, kum 10 hnuah kha chuan 200 crore emaw 300 crore emaw a lo tling thei a ni a. Khami sum leh pai lo luan luhna lampang ngaihtuah lova, a awm sa Bingtaii ang mai a kan ei zo zel a nih kha chuan heti lai hian a tum hi a thelh niin ka hria. Chuvangin, tuna Resolution kan siam thatna tur atan hian kan house Leader te leh kan Health Minister te pawhin uluk deuh zawka expert te nena ngaihtuah a, en a tha in ka hria.

Tin, heti laia fund lo luhna tur atan pawh hian entirnan, han sawi ta ila. Hei kan Health Minister hi tih chak a ngai a, tah chuanin mi an in register ang a, khang ang zawng zawngah khan hna duh chi labour a ni emaw, sorkar hna a ni emaw, an in register a, hna an lo neih khan Private Institution ah pawh thawk sela, Private Firm ah pawh thawk sela, khang ang te te kha registration fel tak neiin thla khatah an Health Insurance atan khan an hlawhah khanin Rs.50/- emaw te cut sela, chutianga mipui nuai 3 deuh thaw hnena cut khawm kha thla tin a kan cut chuan khami lo tling khawm a kha thla tin crore 5, crore 6 a tling thei ani. Chutiang chu kha fund ah khan dah belh zel a, tin, hetilai tuna kan lo puk a nih pawh kha kan pe ang a, chutiang anga amah leh amah intodelh tura in tum chho tura tih kha a ni a. Kha capital tlingkhawm a kha a tul a nih chuan hei Insurance Company te tih dan pangngai khan investment te pawh ti sela, khatianga ang khan uluk taka mipuite thatna tur atan khan he Health Insurance Scheme hi siam a tha in ka hria.

Tin, kan Governor in a thusawi ah khan a lang a, New Health Insurance Scheme kan introduce ang a ti a ni. Kha chiah mai a kha kan introduce a ngai ta a, chutianga anga kan kal chho a nih chuan a fuh ang a, tun angah hi chuan a management ah kan buai mai mai a ni. A bul atangin a to bul a fuh tawk lova, a to bul fuh tawk kan siam a ngai a, tahchuan Health Insurance Company hi Mizo zingah te pawh Mizoramah te pawh siam ila, duh duh share holder nisela, kan kal ang a theihpatawpa tan lak te kha a ni ang a, chuta tan chuan kha sum kha sorkarin pe sela. Tunah hian 30 crore an hmang zo tawh a, 20 crore chu a lehlamah a thenah an dah a, a thenah an la kawl a tih vel ang mai mai ang chi hei notesheet ah te hian an ziak a, engemaw scheme ah hian chu ang chi chu tunah hian kan chinfel a ngaiin ka hria a, chutianga a nih loh chuanin tuna kan pawisa awmsa pawh hi kan eizo leh mai dawn a ni.

Tunah hian resolution a hi kan thlawp chho a, kan passed a nih pawhin khami scheme kalphung a kha uluk taka kan ngaihtuah a ngai a, hei hi Asian Development Bank pawhin an rilru leh an ngaihtuah dan a ni. Amaherawhchu, ram changkang ang diak diak in kan ti thei lovang a, heti laiah miretheite tih dan tur te khang kha Labour & Employment atangin Registration fel taka a kal chuan mumal takin kha pawisa kha kan ti khawm chho ang a, chuta lo tam telh telh atang chuan a interest atanga tih tur a ni ang a. He thil hi kum 2000 khan kan sorkar pawh kha ka advised tawh a, Mizoram Football President ka nih lai khan in Sport Committee Chairman ka ni a, tahchuan fund hi dil ila Central atangin min dil chhuah sak ula, twenty crore hi Sport Council enkawl na atan hian a interest hi kum tinin 240 lakhs a awm thei dawn a, chutiangte chuan min ngaihtuah pui rawh u ka ti a. Amaherawhchu, ngaihtuah kan hlawh lova, khang ang chi kha tunah hian fund hetiang ang lo kal a hi he Health Care Scheme atan hian kan sorkar hian kum tinin 10 crore ten emaw Budget ah a pun chhoh theih zel chuan a lo pung telh telh ang a, capital atanga a interest hmang khanin kan mipuite, miretheite hi kan enkawl thei ang tih ka ring a. Chung chu thlawp pah deuh si in kan sawi ve a ni e.

Ka lawm e. Pu Speaker.

S P E A K E R : A lawmawm e. Tunah chuan kan conclude thei dawn tawhin a rinawm a, sawihona kan duh tawk dawn tawh mai ang a. Hemi chungchangah hian kan House Leader in sawi tur a neih chuan lo sawm ila, sawi tur a nei lo a nih chuan a Resolution neitu Pu R.L. Pianmawia hun tlem pe ila. Resolution hi pass rawn dil nghal sela a tha ang.

PU R.L. PIANMAWIA : Pu Speaker, ka lawm e. Vawiinnia Resolution ka rawn putluh pawimawh tak a hi, chawhma lam khan kan member zahawm tak Pu R. Lalthangliana khanin India rama hmang chhun awm ang khan a rawn sawi a, amaherawhchu, kum 2003 ah hian Karnataka State te chuan an lo hmang daih tawh a. Tangkai takin vawiinniah pawh an lo function zel a ni tih kha kan hriat tir duh a.

Tin, a fel tawk lohna kan siam that chhoh turah pawh khan Relience hi a pawng atakin an tha lo a nilova, a hmangtuten hman dan tur an lo ruahman pui dan atanga thil fel tawk lo awm te niin a lang a, chuvangin heng a kalphung hrim hrim a hi siam that ngai tam tak a awm a, kan han sawi mai bakah pawh.

Tin, kan M.O.A ah te pawh thil fello a awm thei, khang zawng zawng an fel a, siam tha turin helai hmunah kan Member ten ngaihtuahna tak tak pawh an hmang in a lang a. Chuvang chuan lawmawm ka ti tak meuh meuh a.

Pu Speaker, ka Resolution "Mizoram Health Care Scheme hi mirethei ten tun aia tangkai zawka an hman theih turin a kalphung hi siam that ni rawh se", tih ka rawn putluh hi, he House zahawm tak hian khawngaih taka min pass sak turin ka rawn dil e. Ka lawm e.

S P E A K E R : Awle, a Resolution neituin pass a rawn dil a Heti lai Bulletin ah hian Mizoram tih kha a awm lo tlat mai a. Health Care Scheme hi miretheiten tun aia tangkai zawka an hman theih turin a kalphung hi siam that ni rawh se, tih a ni a. Mahse, Mizoram Health Care Scheme tih pawh khan a tifiyah em em thoin ka hria a. Chuvangin Mizoram Health Care Scheme tiin kal mai ila, chuvang chuan kan resolution 'Mizoram Health Care Scheme hi miretheiten tun aia tangkai zawka an hman theih turin a kalphung hi siam that ni rawh se, tih pass remti apiangin remti tih ni rawh se', Remti lo kan awm loh chuan a lawmawm e.

Mizoram Health Care Scheme hi miretheiten tun aia tangkai zawka an hman theih turin a kalphung hi siam that ni rawh se tih House in an pass ta a ni.

Tunah chuan Resolution No.2 ah kan kal leh anga, kan resolution No.2, a hma ang chiah khan a mover minute 15 emaw kan pe ang a, a hmang zo lo mai thei a, a dangten minute 10 emaw kan sawi leh diah diah ang a, mahse, House Leader in a duh dan hre rengin against zawnga sawi kan awm loh chuan heti lam Chair atang hian pass dil turin ka ko mai dawn a ni. Tunah Resolution neitu Pu K. Lalrinthanga han move turin i lo sawm ang.

PU K. LALRINTHANGA : Pu Speaker, ka lawm e. 'Infiamna khawvela Mizote hmasawwna tur Stadium hi tih puitlin a nih thuai theih nan sorkarin theihtawpin hma

la rawh se', tih hi vawiin kan Session ah hian rawn move thei tura hun tha min pek avangin lawmthu ka sawi nawn leh duh a. Infiamna chungchangah hian kan thalaite an tuihal hle a, Aizawl Sport Complex sakna tur atan 12th Finance Commission khan vaibelchhe 25 min sanction sak tawh a, chu chu kum 2010 ah hian pass mai turin a awm a ni. Kan hman loh chuan he sum hi kan chan mai thei dawnin a lang a, chutih rual chuan Stadium sa tur hian sorkar hmasa pawhin hma a lo la tawh a, chu a hmalakna chu Assam Rifle ground ah a ni a. Nimahsela, he ground a Stadium sa tur hian harsatna te a lo thleng chho a ni a, DIG Assam Rifle hnen atangin phalna kan hmu lo a ni tih kan hre Chiang a, keima mimal atanga ka hriat chian ve a awm ve bawk a. Tun hma in Assam Rifle hnuaiah hian hna te kan thawk thin a, tuna Health & Family Welfare Department a kan Minister zahawm tak hianin Assam Rifle hmun a Stadium sakna tur anga ruahmannaah sawn hna te pawh ka lo thawk ve tawh thin a ni. Assam Rifle te hi an chhuak dawn tiin kan ngaitla thin a, nimahsela chhuah an tum loh zia hre Chiang ber tute zing ami niin ka in hria a. Assam Rifle ah hian S.O.S an ti a, hna lampang enkawltu an hotupa ber room ah hian hun engemaw kal ta ah khan nitin deuh thaw ka kal thin a, Blackboard ah an tar a, an ram Area an hman zel tur thu te Chiang takin kan hmu thin a ni. Chutiang chuan sawlai Assam Rifles Ground ah sawn Stadium chu sak theih a nih loh zia kan hria a ni.

Ama'rawhchu, hei sorkar thar a rawn piang a, sorkar hmasaina a ngaih pawimawh ang thoin, tun sorkar thar pawhin thalaite infiamna tur atanah Stadium puitling hi an mamawh zia a hre Chiang a, Stadium hi sak thuai thuai duhin hmunte zawngin, hma te an la a ni tih kan hria a. Chutih rual chuan Mualpuiah hmun remchang an hmu thei ta a. Urban Development & Poverty Alleviation Minister hnen atangin Stadium puitling sakna tur atana ruahmanna an siam te, a lem te leh eng eng emaw kan hmu in min entir a, lawmawm ka ti hle a ni. Field puitling leh infiamna hmun tha kan neih loh avang hianin, kan thalaite hian harsatna nasa tak an tawk a. An hun awlte hman thatna tur atanah infiamna hmun kan neih loh avangin, thil dangah an tlan a. Thenkhat chuan Zu te an in a, thenkhat chuan drugs te an ti a. Chumi kaihhnawih atang chuanin mi tam takin AIDS te an vei phah a. Kan thalaiten tun hunah hian an tuar mek a, chumi an tawrhna chu ngai pawimawhtu tuna Political Party hrang hrang he hmuna rawn kal te pawh hi kan ni vekin ka hria a. Khawtlang hruaitu YMA kan tih te MHIP te, Upa pawlte pawh an ni zel ang chu, Kohhran hruaitute pawhin hetiang thil hi pawh an ti hle a ni. Chuvang chuan thalaite hianin an hun awl tha hi infiamna lamah an hmuna an lo

changkan chhoh hi a tul a ni. He Sports Stadium sak tur kan Minister zahawm takina a ruahman a hi Rajiv Gandhi Stadium tih a ni a. He Stadium hi tih puitlin thuai a nih chuanin a chhungah infiamna chi hrang hrang Javeline te, lungden te, inhrui pawhna te leh intlansiakna tur track 8 lane an tih ang chi kha 400m hial te a awm thei dawn a ni a. Chutiang ang chu Mizoramah kan la neih ve loh avangin kan thalaite hi infiamna khawvelah hmasawn lovin an awm a ni tih kan hre theuhin ka ring a. Chutiang chu an lo neih theih chuanin Zoramah hian infiamnaah nasa takin hma kan sawn ka ring a ni. Hei T.V. te kan en a, Football inkhel te kan hmu a, Badminton inkhel te kan hmu a. Khawvel hmun hranga an Stadium neih te, India ram chhunga an Stadium neih te kan hmu a, chutiang angah chuanin kan thalaite hianin hun hman ve an chak a ni.

Zoramah chuan kan hman nasat bera chu Lammual, Assam Rifle Lammual, AR Ground kan tih hi a ni a. He hmunah hianin keima experience ka han tarlan duh chu kum 1994 kum khanin Gospel Centenary ah khan ka kal a, chumi ka chhonzawm lehna chu Orissa State a Kristian te tihduhdah kan tawngtai sak tumhnih kha a ni a. Chumi zawh leh chu Independence Day kan hman kha a ni leh ta a. Chutianga ka kal khat chhan leh avang chu he kan Lammual neih that ber hi kalna atan hian a chakawm loh em em a ni. Infiammite tunah pawh han infiamna tur atanah kan neihchhun nimah sela, chakawm lohna tur khawp hialin he hmun hi a tha lova. A changin vaivut nasa takin min bawh a, a changin a diak nasa em em a, chutiang chuan harsatna kan tawh a. Mi tam tak chuan hrisel loh phah nan te pawh an hman phah thinin ka hria. Chutiang ang chu kan hman reng chuan engtik khawtikah mah Mizote hianin a Community angin hmun tha kan nei lo ang a, thalaite tanah pawh infiamna tur hmun tha kan nei lo ang a, infiamna tur hmun tha kan neih loh avangin infiamnaah kan changkang thei lovang tih hi a rinawm a ni. Chuvang chuanin he kan Sport Minister ina infiamna tur, thalaite ina hma an sawnna tura Stadium tha neih ngai pawimawh a, Mualpuia Stadium sakna tur a lo ruahman hi tha tak zetin ka hria a, chuvang chuanin he Stadium hi tihpuitlin thuai thuai a ngai a, kan pawisa, tuna kan neihsa pawh hi nichina a bula ka han sawi ang khan kum 2010 ah a lapse mai dawn bawh si a, a riral mai dawn bawh si a. Tunah hian he pawisa hi ral ta ang sela, tun kan sorkar thar hian engtikah nge pawisa a ruahman leh theih ang tih pawh tunah tak hi chuanin kan la hre chiah lo a ni a. Chutiangte a nih avang chuanin he pawisa liam thei mai tur a hi Stadium sak nan hianin kan hman vat vat a ngai a ni. Kan thalaiten infiamna te hi an ngaih pawimawh rual rualin hetiang infiamna tha an neih siloh chuanin an changkang thei dawn lova. India ram a ni emaw, khawvel ram hrang hrang ang a ni emaw, khatah khan changkanna kan nei thei dawn lova, kan nun enkawl thatna tur atan he infiamna khawvelah kan lo changkan theihna tur atan te, kan lo hrisel zawk theihna tur atan te, khatiang atanah khan he Stadium sak tur atana ruahmanna hi a pawimawh em em a. Chuvang chuan Stadium, thalaite hmasawna tur Sport Stadium hi tihpuitlin a nih thuai theih nan sorkain theih tawpin hma la rawh se, tih hi ka rawn move a ni e.

Ka lawm e.

S P E A K E R :

Tikhan a resolution neituin a rawn move ta a, sawihona i lo nei ang u le. Sawi duh apiang i lo sawm ang.

PU NIRUPAM CHAKMA : Pu Speaker, Member zahawm tak Pu K. Lalrinthanga resolution 'Mizo thalaite hmasawna tur Sports Stadium hi tihpuitlin a nih

thuai theih nan sorkarin theih tawpin hma la rawh se' tih hi ka support duh a, ka support rualin point pakhat chu sawi loh theih loh niin ka hria. Stadium chungchangah hian ka ngaihtuahnaah chuan Aizawl ringawt kan focus hi kan tihpuitlin theih lohna a ni. Mizoram pumpuih ram zau tak kan nei chungin tun thlengin Stadium pakhatmah kan nei lo hi zahthlak ka ti. Engati nge Thenzawlah kan ngaihtuah loh, hmun dangah pawh Stadium kan tipuitling thei tur alawm, Aizawl a chep si a, Assam Rifle nen. Chuvang chuan Aizawl Stadium tih puitlin rualin Lungleiah te, District Headquarter tinah kan ngaihtuah a ngai a ni. Chawngteah te ram zau tak kan nei a, Cricket Stadium te pawh kan tipuitling thei ang chu. Chuvang chuan Pu Speaker, hei hi ka thlawp rualin a policy siam hunah zau takin ngaihtuah turin Minister ka ngen duh a.

Tin, resolution hi a scope tizau thei sela chu a tha tur a nia. Mizo thalaite hmasawna tur Sports Stadium tih ah khan Mizoram thalaite ti ila chuan a la tha leh tur a nia. Hei hi i Chair atangin correction i siam sak thei lawm ni tih ka sawi duh a ni e. Min theihngilh lek lek emaw ni aw! tih kha ka ngaihtuah a ni. Tin Sports policy an siam mek a, kan Minister zahawm takin a buaipui mek niin ka hria. Rural talent hi search a ngai, khawpui ringawt ngaihtuah lovin rural talent te pawh search ila hei aiin kan changkang thei turah kan ngai. Ka lawm e.

PU K. LIANTLINGA : Pu Speaker, ka lawm e. Tuna kan Member zahawm tak Pu K.Lalrinthanga Resolution - 'Infiamna khawvela Mizo Thalaite hmasawna tur Sports Stadium hi tih puitlin anih thuai theih nan sorkarin theihtawpin hma la rawh se' ti a vawiinni-ah resolution, hetiang a pulut hi a lawmawm hle in ka hria. Pu Speaker, Stadium puitling han ti ila, neilo awm chhun state kan ni a. India ram state zawng zawngten an nei tawh a, tan pawh ala nasa a. Lammual atan-te pawh khan an han ruahman a, 25 crores tih te, Lammual saw han sazo tak tak tur chuan 100 crores pawn a daih lo a ni, tuna an estimate ang hian. Block khat a ni mai a, amaherawhchu 25 crores vel hi chuanin 20,000 capacity vel ang steel galary leh fencing ang kha a tihna tawh vel ang a ni maiin ka ring a. Stadium puitling tak tak hi kan neih a ngaiin ka hria a, hei hi rilru-in a lo vei em em tawh thin a.

Tin, kan House Leader ngeite pawh hi Mizoram Football Association President te alo ni tawh a. Sports lamah hruiatu te, Council-ah te, National Level thlengin. Tun aia tan lak nasat hi a ngai hle dawnin ka hria a, tuna resolution an rawn pulut pawh hi a lawmawmin ka hria a, thlawp tlak pawh niin ka hria a.

Tin, hei tunah hian India ram hi a lo hausa tawh a, hmasawna a chak a, sum leh pai te pawh a tam em em mai a. Tunah-te pawh PYAAKA Scheme-ah hian, India ram tan 2008-2009 atangin 2017 vel thleng hianin Plan an siam a, chungahte pawh chuan cheng vaibelchhe 4454 (sangli zali sawmnga pali) vel

niin ka hria, chu chu tunah hian a awm a ni. District Infrastructure siamna atan te, Panchayat, Village Level, Block Level-ah te khan scheme tunah hian tam tham tak mai a awm a, an kalpui tan a, kumin hi a kum khatna a ni chauhva, kan hotute hian hma la-in sport infrastructure atan hian hma kan lak chak a ngai a, kan thalaite hi talent nei tha tak tak an ni a. Tin, weight category kan ti a, cowbat ah ngat te phei hi chuan tiapui leh tiapui, rihpui anga inbeihna-ah te phei chuanin Mizo thalaite hi kan duailo em em a ni.

Tin, Major Games-ah te pawh hian harsatna kan nei lova, theihpatawpa tan kan han lak tak tak hi chuan hnamdang, national level-ah pawh chuti em em-in huphurhawm an awm lova. Amaherawhchu, training facility te kan nei tha lova. Entirman - Gymnasium te, sports training facility leh thil tam tak a kha kan neih loh avangin vawiinni-ah hianin keimahni talent neih ang angte phochhuah a ni mai a. Hmannia kan Governor-in a sawi Gold leh Silver tam tak kan lak ang chite pawh kha, proper training an nei lova, keimahni chakna leh theihna hrim hrima lak a ni a. Chuvangin, kan ram leh hnam hi mawi tak leh ropui taka kan in vawrh chhuah theihna tur hi thalaiah hian a awm a ni tih a hriatin ka hria a. Chuvangin infiamna khawvela kan thalaite hmasawna tur hian theihtawp kan chhuah hi angai hle in ka hria a. Tunah khan kan member zahawmtak khan "Aizawl chauh mai in ngaihtuah" a ti a. Aizawl-ah pawh hian Stadium mumal tak tak chu a awm biklo, Thingtlangah pawh a awm biklo. Mahse, kan Sports Department tena chak taka hma an lak a, kan sorkarin ruahmanna a siam chhoh chuan hengah hian kan thalaite tan kawng a awm a, eizawna tling tak tak pawh a ni thei a ni. Kan thalaite an tuihal em em a, heng kawngah hian theihpatawpa kan tanpui a ngai a ni. Sport Budget-te hi a hniam tha khawp a, nikum budget tak kha chu ka hre lova point 25 (0.25%) percent te hi an dah dan thin chu a ni. Sports & Youth Services-ah hian budget dahsan a ngai a.

Hmanni khan kan Sports Minister zahawm tak ka zawhna kha min chhang hman lova, India rama Sports Minister Meeting ten resolution an lo passed tawh, India ram State hrang hrang atangin Plan Budget atangin 5% tal hi Sports Budget-a dah thalaite tan an lo ruahman tawh ang chite kha kan sorkar hian kalpui se a tha in ka hria a. Chutiang an kalpui bakah chuan Central Sponsor Scheme (CSS) atangin tam tak a tih theih a, hengah te pawh hian kan Planning Department lampangte hian matching share tur phalzau deuh sela, 2 or 3 crores te tal chu phalsak sela, 40/50 crores vel kan la thei dawn a ni. Chutiang ang te chuan ruahmanna siamin Sports hmasawna tur leh thalaite khawvel anih ang a thalaite tana ke pen tur hian he Resolution lo awm hi a lawmawm hle in ka hria a, han sawive te pawh a ti chakawm a, khangah khanin hlawhtling taka a kal theih nan leh kan sorkar ten chak taka a nawr chhoh a, ministry tinin tan an lak theih nan he Resolution hi ka thlawp a ni, Pu Speaker, ka lawm e.

S P E A K E R : Sawitur dang kan awm tawhlo anih hmel a, against kan awm lemlo niin a lang a, House Leader-in sawi duh a nei em ? he kan resolution-ah hian.

**PU LAL THANHAWLA
CHIEF MINISTER**

: Pu Speaker, ka lawm khawp mai. Ka nei hranpa lova, kan mover-in a sawi-chiang vek a, a hma mi ang bawk khan. Nia, hemi Assam Rifles Lam-mual la tih

loh chungchanga inpuh mawhna siam talh tum an awm a, nichin maiah pawh khan press release pakhat ka lo hmu a, chumi rual chuan “Phaisen-ah Police an tir reng reng lo, Lal Thanhawla’n House dawt a hrilh” tih te an rawn ziak tel lui talh a. Mahse, hmui dawthei pu mi tan lo chuan kha kha sawi chi a ni lova. Ka sawi duh zawk a chu Assam Rifle Lammual-a kan tih lohna chhan a hi Assam Rifles Lammual-a Sports Stadium sa tur hian Assam Rifles-in an phal lova, agreement pawh a awmlo chiang a. Khami chung kha chuan sak luih chi-ah kan ngai lova. Tin, vawiina 12th Finance Commission-in an pek vaibelchhe 27 emaw lai a hi a Gallery Block khat chauh sak nan a ni. Chumi block ang zat chu adang 5,6,7,8 lai a awm angai dawn a. Chuvangin, a sports, a khelhna tur lai kan mamawh lai a, a enna tur sak hmasak kha a kalphung turah kan ruatlo hrim hrim bawk a.

Tin, kan police ten sorkar thahnem-ngaihna hria in Mualpui-a an ram an lo phal bawk a, chumi-ah chuan 400 metres thlenga intlansiak a tul pawh a track siamna lengte a lo awm a, chu chu kan mamawh hmasak pawl tak a ni bawk a. Tin, Athletic Events tam tak dang tih theihna a ni a. Tin, Spectator Capacity pawh kha vawiina kan population leh kan hmunzawl zawn-ah chuan kan duhtusam nilo mahse a tha thawkhat a. Tin, mover zahawm takin a rawn sawi tawh ang khan he pawisa hi lapse thei mai a ni bawk si a, chuvangin a lapse loh nan leh, kan mamawh em em anih bawk avangin Mualpui-ah khuan sawn a ni tih hi ka’n sawinawn leh duh a. Chumi rual chuan vawiiinah a hmasa a mi “Health Care Scheme” lungrual taka kan pass ang bawk khan hei hi kan pass leh dawn niawm tak a ni a, against lam an awm loh avangin lawmthu kan sawi lawk ni rawh se. Ka lawm e.

S P E A K E R

: Tunah chuanin resolution neitu Pu K. Lalrinthanga engemaw han sawi duh a neih chuan han sawi sela, pass han dil nghal rawh se.

PU K. LALRINTHANGA

: Pu Speaker, ka lawm e. Lunglei Zo-baw Sports Academy siamna atanah 35 lakhs lai mai sorkar thar hian a nawrchhuak a. Tin, chutihruah chuan

Serchhip-ah thalaiten hma an sawn theihna turin 30 crores lai ruahmanna siam a ni bawk a. Chu chu he kan resolution pass tura ka han dil rual hian ka tarlang duh a. Kan sorkar hruaitute, kan House Leader leh Sports Minister-te chungah lawmthu ka sawi duh a ni. “Infiamna khawvela Mizo thalaite hmasawanna tur Stadium hi tihpuitlin anih thuai theih nan sorkarin theihtawpin hma la rawh se” tih kha ka rawn move tawh ang khan member-ten min tawmpuiin a tha a ni tih min sawipui a, lawmawm ka ti a. Chutiangte anih avang chuan he House zahawm tak hian min pass pui turin ka rawn ngen e.

S P E A K E R : A resolution neitu-in House pass pui min rawn ngen a, a resolution kha “Infiamna khawvela Mizo thalaite hmasawwna tur Sports Stadium hi tihputlin anih thuai theih nan Sorkarin theihtawpin hma la rawh se” tih a ni a. Kha kha pass remti in ‘remti’ ti ang u. Remtilo in ‘remtilo’ ti ang u. A lawmawm e. House-in Pu K. Lalrinthanga resolution “Infiamna khawvela Mizo thalaite hmasawwna tur Stadium hi tih putlin anih thuai theih nan sorkarin theihtawpin hma la rawh se” tih kha lungrual takin kan pass a ni. (Pu K.Lalrin-thanga : Pu Speaker, ka lawm e.)

Tunah chuan Resolution pathum-na kan Bulletin-a No. 5 na, mahse a thupui lamah 3-na anih avangin 3-na angin kan la ang a. Pu Lalduhawma resolution a ni a, “Mizoram Home Guard Volunteer-te dinhmun hi tun aia tha zawka siam ni rawh se” tih kha Bulletin-a a rawn landan a ni a. Tunah Resolution neitu move turin ilo sawm ang. Pu Lalduhawma

PU LALDUHAWMA : Pu Speaker, ka Resolution “Mizoram Home Guard Volunteer-te dinhmun hi tun aia tha zawk a siam ni rawh se” tih hi balloting-a alo chhuah dan han ngaihtuah khan move thei turah ka inngaih loh laiin move theihna hun remchang ka han nei thei hi ka lawm hle a ni.

Kan hriat angin Home Guard-te hi India ram pumpuiah full-time a thawk tur ni lovin volunteer anga lak an ni a. Hlawh pawh regular-a pek ni lovin lawmman ang a chhe te te-a pek an ni thin a, khawtlangin emaw, ramin emaw harsatna, kangmei-ah ani emaw, tuilian-ah a ni emaw, harsatna a tawh changa kohchhuah theih tur tlawmngai intelkhawm volunteer an ni mai a. Chutiang thawh tur a awmlah lai chuan mahni in theuhah awmin mahni hna theuh an thawk leh mai a. Amaherawhchu hun alo kal zel a, mamawhna alo sang tual tual a, part-time a thawh hleihtheih a ni ta lova India ram hmundanga an chhawr ang bawkin keini Mizoramah-te pawh nasa lehzuala tangkaiin kan Home Guard-te hi kan lo hmang ta a. Volunteer tih hi ala pu chho tak na-in regular-in full-time in nitin an thawk a, nupui fanau chawm nan an hmang ve a ni. Lak an nih tirhah thla ruk chung training-te an kaltlang a, volunteer tih hming pu chung siin regular force atak takah chuan anni, Police leh uniform ha dangte nen hian an mawhpurhna san lam te, an hah dante a inang ta vek mai a ni.

Tunah hian kan Home Guard-te hi vital installation kan tih Jail-ah te, D.C Residence-ah te, Rural leh State Bank-ah te thlengin Airport-ah te, Go-down-ah te, hmun pawimawh tak tak 76 velah deploy an ni. Chuti chungin volunteer an nihna kha an la chhawm zel a, Home Guard-a tang hlim leh kum 20 lo tang tawh kha an hlawh a inang reng a, pung a awm chuang reng reng lo a ni, lawmman angin a kal a. Hetianga full time a uniform nena ralthuam nena kan

chhawr anih si chuan senior-te tan senior scale pekte a tha hle-in ka hria. 1993 atang khan Rank Pay, bel 1,2,3 Sergeant leh CSM leh CQMS te chuan an hlawh pangngai bakah thla tin Rs. 40/50 te 70 te midangte aia han hlawhsan hret hretna an nei tih mai loh chu a rank ang zawng nilo-ah khan senior leh junior hlawh engmah a danglam lo. Incentive hi a awmlo lulai lutuk a, hengte hi Pu Speaker, zirchian a, siamthat sak a tulin ka hria a.

Tin pension hi an nei reng reng lova, eng anga rei pawh thawk sela pension a awmlo hrim hrim a. Duty laite hian an lo thi tawh thin a, duty laia an lo thi anih pawhin engmah sorkar atangin ralna tur facility an nei miah lova, anmahni hianin welfare an din a, an thawhkhawm atang hian an inral ve nawk nawk a, chuvang chuanin sorkarin-a a chhawrlai ngeia ram leh hnam chhanna-a nunna thap ngat-te pawh kha an arte thih ringawt mai a ni. Chuvang chuanin khang ang laite pawh kha zuk chhuichian a, zuk siamthat an phu ve hle hian ka hria a.

Sorkar hnathawk dang chuan kum khatah ni 30 leave an nei a, Home Guard-te hian kum khatah hian nikhatmah leave an nei ve lo a ni. A volunteer zawk zawk a kha a regular ai khan kan chhawr nasa a, an hotute nen inremsiam-in ni 5 (nga) chhung hi phuahchawp takzet zetin leave an in pe ve thin a ni. Hengte pawh hi ennawn a, sorkar hnathawk dangten leave an entitle ang pek ve hi thil harsa anih ka ring lova. Tin, Rifle nen an duty a, an mawhpurhna a sang khawp mai a ni, an ven a te hi vital installation hmun pawimawh security thil a lo ni a. Chutiang anga Rifle hum ve reng, uniform ha nisi khan Rifle Allowance engmah an dawng ve lova. Chuvang chuan kan police-te tana sorkarin Rifle Allowance a thara sang deuh hleka ngaihtuahna rilru a han hman takah hian Home Guard-te tan hian Rifle Allowance-te hi ngaihtuah sak ve a hun tawh a. Tin, full time-a an thawh ve tlat avang hian ration money te pawh pek ve dan ngaihtuah hi a tha hle mai a

Tunah hian anmahni zingah hian chihnih an awm a, hei pawh hi thliarhran a ngai a, a volunteer tak tak ka han sawi ang chi kha a tam ber an nih laiin appointment dawng tlemte an awm a ni. IV-Grade ah tlem te, force zingah hian tlemte an awm ve a, chung regular-a appointment hmu-te pawh chuan an hlawh chu IV-Grade hlawh ang lek an la tho tho mai a ni. Khang khan quarter guard-te an veng bik a, an indaih si lova, appointment dawng leh volunteer an tinte kha an inchawhpawlh lo thei lova, khatiang anga a then regular post anga appointment pek theih anih si chuan a dangte kha enge pek theih anih loh bikna tur tih kha ka rilruah a awm a, an vai khan a qualified china na na na kha chu appointment siam a, regular post a ziaawm deuh hleka kaltir ve a tha ka ti a.

Kan thenawm khawveng hnaiah khuan Home Guard-te hi an thahnem em em a, nupui fanau an chawm a, mi in an luah a, an khawsak a harsa em em a ni. Amaherawhchu, sorkar hna-te a van em avang hian chutiang tur pawh chuan kan inchuh ruih ruih reng ala ni tho va. Chuvangin, chhungkua chawm theihna tling mang silo, nitin pa berin emaw, nu berin emaw hna neih ve ngai si anih avang hian an dinhmun hi chawisan a ngai hle in ka hria a. A guard zingah te, band party-ah te appoint-ment dawng tlem an awm a, a dawng chu volunteer kan tih ang kha an ni a. Thenkhat appointment nei an awm theih chuan an zavai hian a regularise theih lawm ni ? Appointment pek ve thliah thliah a, mumal taka tih ve theih

hi nise a tha in ka hria a. Rules engmah a awm lova, R.R. engmah an nei bawk lova phuahchawpin ti hian an kal mai mai a ni a.

Chuvangin, Pu Speaker, he ka resolution-a ka rawt duh ber chu, khang facilities hrang hrng, tuna an la enjoy lohte kha Sorkar hian ngun takin study sak se, khang ang kha pek tum phawt mai sela, chumi piahlahmah chuan, Home Guard pumpui hi regular force-ah hian kan let thei em tih hi ngaihtuah tel ni bawk selangin. Hei, Mizo Regiment han tih ang chite pawh kha rilruah a awmin sawi a ni ve fo thin a, khatiang zawng deuh khan kan Home Guard-te hi regular force pakhatat hian dinchhuak ta ila, I.R. Battalion mah kan din a ni a. Dik takin I.R. Battalion-te hi state dangin an duh reng reng lova, a initial investment chauh hi Central hian a rawn tum a, a hnu zawng zawng, a senso hi State Sorkar mawhphurh vek a ni a, leiba tam tak, sum tam tak kan sen a ngai dawn a ni a, mi State-te chuan an duh lemlo a ni. Chutiang ai chuan Home Guard-te hi regular post in let thei ta ilangin, kan tan hian a chhenfakawm daih zawk ang tih hi ka ring a. Chuvangin, an facility-te siamthat a, ennawn a, a theih chin chin improvement han pek a, regular post-a nakina thuum thata la chei chhoh rilrukna nena bawhzui zel turin he ka resolution hi min pass-pui turin ka han sawmin ka ngen che u a ni e. Ka lawm e.

SPEAKER : Awle, kha resolution neituin a rawn move tawh a, sawi duh nei apiang i lo sawm ang u le.

PU LAL THANZARA : Pu Speaker, ka lawm e. Aizawl W-I bialtu zahawm tak Pu Lalduhawma'n a resolution rawn move kha, a ni Police lalte lo ni tawh a ni bawk a, a move awm tak pawh niin ka hria a, kan zingah chuan. Tin, an chanchin kha a hrechiang a, volunteer anga ngaih mai kha khati khawp khan Sorkar hian kan lo hmang phain kan lo chhawr tangkai a, tin, hei Home Guard-te hianin kum 45 Mizoramah hianin hna tangkai tak tak an lo thawk tawh a. Chuvang chuan a rawn sawi ang khan tuna an dinhmun aia thaa an dinhmun hi chu siamthat sak an phu hliah hliahin ka hria a. Chuvang chuan Aizawl W-I bialtu zahawm tak, Pu Lalduhawma resolution hi ka thlawp a, tin, Sorkarin a siamthat dan tur chu kan la relfel ang a, tun aia dinhmun ziaawm zawk deuhahte dahchhoh ngei nise tih kha a resolution ka rawn support pahin ka'n sawi ve a ni e. Ka lawm e.

PU CHAWNGTINTHANGA : Pu Speaker, kan Member zahawm tak Pu Lalduhawma'n "Mizoram Home Guard-te dinhmun hi tun aia tha zawkin siam ni rawh se", tia a rawn move kha a hneh bawk a, ka thinlung a khawih deuh zak mai a. A ni lah tak a, Home Guard ho hi kan chhawr rim em em mai a, thingtlang lama Bank ho zawng zawng hi Home Guard-in an veng a ni tihte pawh hi a takin ka hmu ve a. Nupui fanau neite an ni a,

an dinhmun hi a harsa em em mai a, kan Member zahawm takin a rawn sawi ang khan. Amaherawhchu, 'full time' in kan chhawr tawh a, nupui fanau enkawl an ngai si a, thenkhat phei chu nu leh pa chawm laite an ni a, mawhphurhna chhungkuuaa neite an ni bawk si a, 24 hours duty turin kan phut bawk si a, engtingge maw an khawsak ang aw ? tih hi ka ngaihtuah thin a, an khawngaihthlakawm takzetin ka hria. Sorkar Department hrang hrangah hian M.R. a kan chhawr mai mai pawh hian 'Schemes for Regularisation of M.R.' tihte kan nei a, khami scheme anga an service kha a lo 'ripe' hunah chuan, Sorkar hian post awm ang angah a regularise ve mai thin a. Khatiang chance atan khan 'incentive' a awm ve a, thatho takin an thawk a ni a. An ni kan Home Guard tangkai takte tan hi chuan 'incentive' a awm reng reng lo mai hi a pawh khawpin ka hria a. Chuvangin kan Member zahawm takin a rawn move hi ka thinlung takin ka support a.

Tin, thil pakhat ka rawn sawi duh chu, Sesawng khi ka bial a nih avangin CTI te khi a huam tel a, khilaia kan Home Guard pakhat chu khutah Vairengte thlanga a duty-naah a zuk thi ngawt mai a, post mortem turin ka buai chiam a, engemaw benefit a awm thei lawm maw tiin ka ngaihtuah a, mahse, kan ho der mai a, na ka tihpui khawp mai tih kha kan House hmaah hian han sawichhuah ka duh a. Chuvangin, kan Sorkarin he Resolution hi ngun takin zir chiang se, kan Home Guard-te hi tangkai taka kan chhawr zel turin an dinhmun engemaw chenah siamtha se, chutiangin a piahlampang zelah pawh hmachhawp nei hial ila, tih ngaihtuahna nen a Resolution kha ka rawn support a ni e. Ka lawm e, Pu Speaker.

PU JOHN ROTLUANGLIANA : Resolution neitu Pu Duhawma khan a rawn sawifiah thiam bawk a, a hrechiang bawk a, an lainatawm hlein ka hria. Hetia an dinhmun hi tun aia tha zawka dah mai piahlamah regularised-a IR Batallion awmlo pawh Batal-lion-a kan dah theih chuan, heng anni rei tak lo service tawhte hi chu Batallion-ah han let ve ila, an tan hian a lawmawm mai bakah Mizoram tan pawh chhenfakawm lehzualin ka ring a. Engkimah trained sa ang vek tho an ni a, an thiam sa vek si, Silai pawh khawih sa ve vek an ni. Chuvang chuan, an dinhmun en khan an lo khawngaihthlak hle a, kei, a sipai lam chanchin hre ve vak lo tan chuan an dinhmun pawh chianguangin ka lo hre lo a. Chuvangin, wawiina kan Member zahawm takin a Resolution a rawn pulut hi a lawmawm ka ti a, nachang a hria pawh hi a fakawm hle a. Ka duhdan phei chuan a Resolution pawh hi tlema la modify deuh ka duh a. "Mizoram Home Guard Volunteer-te dinhmun hi tun aia tha zawka siam ni rawh se" tih mai piahlamah hian 'tun aia tha fe zawka siam ni rawh se' tih hi ka la duh nghe nghe a ni. Pu Speaker, ka lawm e.

PU S. HIATO : Le, kan sawi ve teh ang. Vawiin hi Session **MINISTER** kan neih tawh zawng zawnga thil danglam thleng a awm a, engemaw chen House-a ka awm ve hnuah hian Private Resolution-ah

hian Opposition lam thehluh hi chu discuss pawhin opposed ngar ngar a ni a, pass tum loh nghal kha a ni a. Chuvang chuan, Ruling lamin Resolution hran an thehluh thin a, balloting-ah pawh chhuak ngei ngei turin an inbuatsaih thin a ni. Vawiinah chuan, balloting tih hnuah pawh pakhatna leh pahnihna Ruling lam a chhuah hnuah pawh kan House Leader-in helam a pangana ni kha pathumnaah tlathlain laka an awm ta hi thil danglam thar a niin ka hria a. Chuvangin, kan pass dawn leh dawn loh chu keiin ka sawi thei lova, mahse, a lan dan hian pass dawn ni awm takin a lang a. Thil thleng ngailo a thleng a ni. Chuvangin, “A thaah chuan kan intawiawm ang” kan hotupain a tih chu vawiinah hian a thleng dawn ta niin ka hria a, lawmthu ka sawi hmasa duh a ni.

Tin, Home Guard-te hi CEM ka nih ve lai khan kan in bulah te an training thin a, Assam Regiment bangte, Assam Rifles bang ta te, upa deuh deuhthe khan an han practice thin a, an hlimpui em em a, khang lai khan hotute an that vang nge ka hre lova, helamah Pu Malsawma an hotupa a ni a, sawtah Pu Zathangchhinga ten training an han pe a, an phur em em mai a, khatia an training chhuah kha chuan, D.C. ah te leh hmundang dangah duty-ah te an tha bik em em a ni. An duty-ah pawh an rinawm a, a that pawh an tha ngiang reng a ni. Mahse, an han kal zelah hian ngaihsak vak loh vang nge ni ? Pu Duhawma sawi ang khan Volunteer an nih tak avanga service-ah engmah safeguard nei lo, G.P. Fund pawh neilo, Leave pawh nei lo, Death Gratuity pawh neilo an han nih takah hian an moral nasa takin a down ta niin a lang a. Home Guard hoah hian employment tam tak hi kan solve a, tunah chuan Mizote hi sipai lamah hian kan intlansiak nasa tawh a, chuta tling zo lote, tin, Police an han ti a, Police-ah pawh hian Party a awm hnuah pheii chuan Party lists hi a lut chak em em a ni. Home Guard ho tana reservation an siam sakte kha a lawmawm em em a, engemaw zat kha chu Police-ah pawh absorb-te an ni chho a ni. Chutia kal chhoh zel atang hian kan Force chi hrang hrang kan neihte hi a vaiin inang thlapin enkawl thei lo mahila, a rual tlang deuhhleka kan hrut rual chu a tul ve hrim hrimin keimahah chuan ngaihdaan ka nei a. Tin, Home Guard-te tiang khawpa kan chhawr em em te, Bank-ah te pawh a thihchilh ve rap rap te kha an ni a. Chuvang chuan, vawiina a rawtna hi thlawp a, pass-pui ngei tur pawhin ka duh a, tlem ka rawn sawi ve a ni e. Ka lawm e.

PU H. ZOTHANGLIANA : Pu Speaker, ka lawm e. Aizawl West-I bialtu zahawm tak Pu Lalduhawma Resolution hi rilru leh thinlung takin tha ka ti a, ka rawn thlawp ve duh a ni.

An dinhmunte a hrechiang a, tam tak chu ka lo la hriat ngai loh a ni a, an dinhmun a lo chhe hle mai a, an thawhrim ziate, an phak ang tawk tawka an inpekna a thuk si ziate ngaihtuahin an lainatawm hle a ni tih kan Member zahawm tak kaltlangin tunah hian ka hre thar ve a. Chuvangin, he resolution pawimawh zia hi chawp leh chilhin hriat fiah tir ka ni tihte pawh kha ka'n sawi hmasa duh a ni.

An mamawh leh an phu ve em em, an dawn loh tam takte kha ka sawi nawn lovang a, ka'n sawi ve zawk duh erawh chu, ho angrenge mahse, an dicipline lamah te, an that ve tawk zia leh tun aia dinhmun tha zawka hlankai an phu ve zia tilang thei nia ka hriat thil lianpui ni lemlo mahse, han tarlan ve zawk ka duh a.

Pakhatnaah chuan, Bank-a ka len luhnaah Home Guard hi an lo duty a, engtin chiah nge sawi dan tur ka hre thiam lova, mahse, ka rilrua a lo lan dan chuan, a full salute ka ti deuh a. Tiang chuan, ka lut lam leh chhuak lam kha min lo Salute thak thak mai a, inchawimawina a nih ve avanga a lawmawm chu thukhat nisela, kan khawpui ber Aizawlah te leh khawpui dang Lawngtlaiah te pawh, hei, a hminga MLA kan nih ve hnuah te kan han teichhuak ve thin a, an ni aia discipline nei tha zawk turte leh training pawh nei tha zawkte leh service tak taka awm mek nia ngaih tam tak tena an tih ve hrim hrim tura ngaih, tih nachang an hriat loh ziate ngaihtuah chuan an fel mange aw! ka ti a ni.

Tin, nichina Resolution move-tuin a sawi, regular appointment nei an han awm hlauh tih kha ka'n sawi belh duh bawk a. Saihah hian Home Guard Driver-a tang, kum 20 dawn thawk tawh mipakhat, ka mi hriatchian a awm a, Driver a ni a. Amaherawhchu, 'volunteer' a ni. Nikum hmasa deuh lawk khan Handleman lak thar a ni a, chu Handleman chu regular appointment pek a ni thung a, chu Handleman chu Driver aiin a thu zawk em em mai a, Driver hi a khawngaihthlak hle a ni. Chutiang deuh chu an awmdan a lo ni deuh nuai a. Chuvangin kan Deputy Speaker zahawm takin a rawn thlawp ang taka duhthawh khan tun aia an dinhmun thazawk fe a siam that sak an phuin a tul ka ti a, he Resolution hi ka rawn thlawp a ni e. Ka lawm e.

SPEAKER : A thlawp lo zawnga sawi tur kan awm em aw ? A thlawp lo tur zawnga sawi tur maw i nih a ? Awle, Dr. R. Lalthangliana i lo sawm ang.

DR. R. LALTHANGLIANA : Pu Speaker, a thlawp lo tur zawngin tuman kan sawi ka ring lova, hei inthlante pawh hi a lo awm leh dawn a, Home Guard vote-te pawh hi insemtnan vek kan duhin ka ring a.
Party hrang hrang kan awm a, UDA lamte, MNF lamte, Congress lamte.

Khalampang em em ni lovin, he Resolution hi a tha em em mai a, Pu Duhawma'n a rawn pulut a, chumi rual chuan tawngkam hnih/khat lek han sawi belh ka duh chu, hei tunlai khawvel hi kan thlir zau a ngai khawp mai a. Multinational Companies-te, Corporation-te, Farm lian tak tak thlengin,

khang hnuai thawk employees tam tak kha an lo awm a, Sorkarina employees kan neih aia tam kha an lo ni a. 1990 kum daih tawh khan Korea-a kan han kal khan, vawk vulhna farm-ah kan kal ni khan ka hria a, vawk kha an lo vulh nasa viau mai a, Vety Doctor pawh kha an lo tam khawp mai. Tiang deuh chuan, thingfanghma sang engemaw zat tel kha mipakhat enkawlina hnuai siah khan organisation enkawlina kan han zawt a, mihring reng reng un-employed ho hi stock security an lo nei deuh vek mai a, lo thi thut ta sela tihte, kum chuti zat a lo service chuan tihte, a Sorkar chauhah lo pawh hianin tunlai khawvelah chuan an lo ngaipawimawh em em mai a lo ni a. Chuvang chuan, wawiina kan resolution pawh hi keini atang chuan Sorkar atanga sum pe kan ni bawk a, ngaihthah loh a thain ka ring bawk a.

Tin, Mizoram Sorkarah pawh hian han sawi zau ta zel ila. Hman deuh khan ka bial Lunglei lampangah kan nau pakhat chu Electric-a P.W.D.-ah khan kum engzatnge MR in i thawh tawh ka ti a, kum 18 a tiin ka hria. MR khan kum 18 a lo thawk tawh a. Regularised ni miah lo, a hlawh pawh kha a pung tak tak thei bawk si lova, a buaithlak khawp mai. Khatiang ang chi kha Department dangah pawh hian an lo tam em em mai a. Chuvang chuan, Sorkar hmasa pawh khan regularization scheme MR/Work charged-a thawkte Department hrang hrang, khang zawng zawng covered thei tur khan ruahmannate kan han siam chho kha a ni a. Engpawhnise, wawiinah hian hei specific deuhin Home Guard bikah kan han lut chhova, 2000 bawr vel dawn lai mai Zoramah Home Guard hnathawkte kan lo nei a, anni ho hi kan ngaihthah loh a tha hle a. Chuvang chuan, theihtawpin an hlawh hrim hrim piahlamah thil tam tak, Govt. Servant pangngaiina an han dawn theih ang tur chi kan han ngaihtuah hi kan tih tur pawimawh tak niin ka ring a.

4

Chuvang chuanin, Pu Speaker, hei kum dangah ti mai ila, Resolution pathum hi kan pass khat khawp mai a, wawin chu kan kaltluang a, dar 4:00 PM thleng tih tur a ni na a, kan han sawi vel hianin khalampang, dinglam ami leh helampang amite pawh hian ngaihndan inangkhat kan nein ka hria. Pass maite pawh kha a tha mai lawm ni ? tiin ka rawn thlawp thu ka'n sawi a ni. Ka lawm e.

SPEAKER : A lawmawm e. Pu Thawla kha a rawn phar a, Pu P.P. Thawla i lo sawm ang.

PU P.P. THAWLA : Pu Speaker, ka lawm e. Mizoram House Guard dinhmun lungchhiat thlak tak chungchang wawiinah Mizoram rorelna sang ber, House zahawm takah sawi a hlawh hi a lawmawm hle a. Aizawl W-I bialtu zahawm tak Pu Lalduhawma'n he resolution lo putluh nachang a hriat a, ballot chhuah a ni hi a lawmawm ka ti tak tak a. Chuvang chuan, ka support thu kha a thlawp lampang sawi kha Pu Speaker khan a phal vak lo nain, ka'n sawi ve hrim hrim duh a.

Pu Speaker, nikum kumtir lamah Mizoram Home Guard Commandant General hnen atangin Mizoram Home Guard-te dinhmun that loh zia thu engemaw chen ka lo hria a, tin, kum kalta lamah khan Tuipang velahte, Saiha velahte Home Guard engemaw zat hian Home Guard regular post tlem te hi a thi hmasa hmun ruak hi kan inghah siak a ni ringawt mai tih hi min hrilh a, a pawl hle a. Tin, chubakah, MAP lamah te, MRP lamah te tu tute emaw vannei zual tan chuan pahnih khat chu absorb theih dante a lo awm zel tihte a ni bawk a. Nimin ka haw, ka thleng chiah kha kan House Guard pakhat khan, “Ka pu, keini ho chanchin hi tun tumah hian in sawi ve angem le?” min ti a. Min zawh lai hmel kha ka han ngaihtuah let a, wawiin tlai hian sawi ve lo thei lovah ka inngai a.

Pu Speaker, he resolution putluha lo awm hi wawiinah hian dinglam leh veilama miten kan han sawi dan atang pawh hian lungual taka ngaihdan thuhmuna sawi a hlawh zel thei pawh hi he kum 2009 malsawmna a ni tak tak pawhin ka hria a. ‘Change’ a lar hle a, chumi hrinchhuah thil a ni ve bawkin ka hria a. Chuvang chuan, Mizoram Home Guard, heti taka Mizoram Sorkarina kan michhawr ve tho si, nupui fanaute chawm, Rifle pu ve bawk si, 24 hours duty nei bawk si tena hrehawm taka chu leh chen rinawm tak leh taima taka an duty an lo tih thinte ngaihtuah hian he resolution hi House zahawm tak hian lungual taka kan pass ngei atan kei pawh ka support thu ka rawn tarlang ve a. Pu Speaker, thuawi lo lutukah min ngaih pawh ka duh lem lova, ka lawm ve hrim hrim a ni. Ka lawm e.

SPEAKER : Awle, nang chu i awih. Pu Zira khanin a phar a, Pu R. Lalzirliana khan. Chuan, han sawi ve sela, a support lam deuh hlir kha a ni a, kei lah pek hi kawr uk te an ha a, Silai an pawm bawk a, an ri khup khup a, an dinhmun hi tha viau hmiang ka lo ti mai a. In han sawi in han sawi a, rinai tak chuan an dinhmun a lo khawngaihthlak khawp mai. An ri khup khup a, Silai pawm bawk si kha chu an ak tun ang chu ka lo ti ve ringawt a. Pu R. Lalzirliana i lo sawm ang.

PU R. LALZIRLIANA : Pu Speaker, hei, mut pawh chhuak hman lovin min siam a, a nuam khawpin ka hria, i uapna hnuaia awm hi. Hei wawinnia kan Resolution hnukung kan han ngaihtuah hi kan House Leader-in a ngaih pawimawh em avanga han ngaihtuah chho kan ni a. Tin, tunhma khan, i veilama kan thut lai khan Home Guard chanchin hi kan sawi nasa thin khawp mai a, i veilama kan awm lai rilru kha helamah hian kan la pu chho zel a. Kar lovah kan rilru hi kan thlak ve mai mai lo a ni tih kan hriain ka hria a. Amaherawhchu, a Resolution neitu hi ka’n ngaihtuah hian Home Guard hmun piahah a awm a, a tla thei tawh lo mai ang tih chu ka hlau ang reng khawp mai a. Sorkarin a lo tur mek laite ni tho si khan kan House Leader-in a ngai pawimawh si a, eng eng emaw Sorkar atang

pawhin proposal te pawh kan nei a, keia sawi chu a thiangolo anga, amaherawhchu, kha aia tha pawh kha kan House Leader phei chuan a hre maithei a, chulam chu an sawi turah kan dah a.

Ka sawi duh ber a chu Principle nghet tak neiin he Resolution hi a rawn pulut a. Opposition a kan thut lai a thalo kan tih te, opposition a kan thut ho puite lehlam a an han awm a, an tih ang zawng zawng va ngainat ringawt te thalo ti a, achievement engmah kan la nei hman lova kan hnathawh pawh chutiang ang kan neih loh laia inthlan a ni emaw, thildangah pawh rawn do ngawt tullo tiin he Resolution hi a rawn putluh avang hian a dik tak chuan keini pawhin chawimawi ve kan duh a ni. Chuvangin principle nei tak kan hotupa Pu Lalduhawma'n hetiang a rawn pulut hi lawmawm kan ti a, amaherawhchu, nichina ka sawi ang khan nakinah hian Congress hian din ve leh kan duh si anga khulaiah khuan amah avang hian ration money sang deuh maiin kan lo pek phei chuan amah avang kha a ti vek tawh mai dawn si a. House-ah a han sawi a kan support luh luh mai si a, khalai kha ka'n sawi duh a. India sorkar-ina Home Guard te a din danah hi chuan anihna takah hi chuan 'volunteer force in case of emergency' atana din anni a, chu chu keini pawhin helaiiah kan lo hmang tangkai ve a. Hmanah a rei tawh a, Chatea te chu an la naupang khawp ang chu - Rambuai hma khan Home Guard hi ka training ve nghe nghe a, Rifle te kan kap a, In kang thelh te hi kan zir a, chutiang chuanin a tha khawp mai a. Chutiang anga mi hrang hrang training tur chu a ni a, amaherawhchu, helamah hian kan tlin lova, kan tlin loh lain Sorkarin duty turin kan duh si a. A dang han lak zung zung emaw han thlak zung zung emaw kha kan hman lo tlang a, kan ti thei lo mai mai niin a lang a. Tunah hian a 'volunteer' tak a chu 1037 an awm a ni. Chutiang ang tan chuan an ration money emaw Rifle allowance emaw han pek ve te pawh ni ta se. Amaherawhchu, heng hi a theih angem ? tih kha chu ngaihtuah tham tak a ni. Anmahni hi keimahni State ina kan rawih bik pawh an ni lova, Central nen intawma kan tih 50/50 a kan rawihte an ni a. Tunah hian Central chuanin 270 lai lak phalna min pe a, amaherawhchu, sum leh paite a harsat deuh avangin kan la ti thei lo a ni. Resolution rawn puluttu putluh kha chu ka do lova, kan support lutuk a kan sawi ve vak dawn chuan a hminga ka Department chan chhunga mi a ni a, nakinah hian kan duhsak lutuk kan phurh zawh loh nghawngkawlah hian kan inbat palh ang tih ka hlauva. Khalai chu ka sawi ve vak tulin ka hre lova, khalaite kha kan din chhuahpui ve mai a ni e. Ka lawm e.

PU R.L. PIANMAWIA : Pu Speaker, ka lawm e. Kan Resolution pu luttu Pu Lalduhawma kha, a sawi kha tawk viauin a hriatnaa tlema zawng han tarlan ve ka duh a chu - An nihphung hrim hrimah innghaihniamna nasa tak an neih thin te hi kan paih bo a tul hlein ka hria. A chhan chu V/C kan nih angin Darlawnah te Home Guard a awmte hi auhnawmna leh engemaw hi a awm thin a, chu chu tlangval lakah te, hmeichhe lakah te pawh a ni. Chutiang chuan kan lo tanpui ve thin a. Ka rilru a na thei em em a Tin, tunah pawh an dinhmun hi an inhretlang a nih ka ring a, hetiang dinhmuna ding hi volunteer engemawzat an awm ve a, Inthlan dawna tun hun kalta angah khan lo nuar ve ngam ta sela kawngro a su angem ? tih ka ngaihtuah a, mahse, nuar ngam lo khawpa rilru innghaihniamna an nei tih a lang chiangin ka hria a, an innghaitlawm hle a, chuvangin an hming atang pawhin Home Guard Volunteer tih bakah hian 'Force' tih hi belh theih dan a awm lawm ni tih kha ka

rilruah chuan a awm a, a hming atang ringawt paw'n an rilru a sang sawt dawn niin ka hria a, chuvangin an dinhmun hi ngaihtuahna hman tak tak a, a theih dan kawng kawnga dap sak kha chu a pawimawh ka ti khawp mai a.

Tin, 'Force' ang thoa kan hman an nih avangin an tan thih leh dam chungchangah MAP te, Army-te nen a inang reng a ni. Silai a duty an nih avangin silai bawk a beih an ngai a, chuvangin a nepna kha a awm chuang si lova. A chhan chu V/C angah te pawh lawmman kan Sorkarah kan dil thin a, lawman a nih miau avangin a tih tak tak theih loh a ni, tunah pawh Volunteer an nih chuanin a tih tak tak theihin ka ring lo deuhva. Chuvangin Force tih kha belh dan a awm em? Chuvangin nupui fanau neia kan fate puitlinga khai chhuak tura an hnathawh leh an hlawhte leh an lawmmante chhut khanin ngaihtuah sak an ngai a, chhungkaw tam tak an nupui fanaute nena rilru thlamuang tak leh hlim taka an awm theihna tur chuan ngaihtuahna tak tak hman tul kan tih kha kan thlawp a, Kan Resolution puluttuin a put luh kha lawm takin ka thlawp a ni tih ka'n sawi ve a ni e. Ka lawm e.

S P E A K E R : Awle, against zawng kan awm lem lova, a lawmawm a. House Leader-in sawi duh a nei em?

P U L A L T H A N H A W L A : Pu Speaker, Home Minister-in a sawitlang
C H I E F M I N I S T E R tur niawm tak te a sawi loh avangin tlemte helai member zahawmtak te hriat tur awm chi a ka ngaih te ka'n sawi belh nual ang a.

He Resolution hi alawmawm khawp a, I veilama kan thut lai atang pawhin kan lo nawr ve zeuh zeuh thin kha a ni a, tunah hian kan la lut hlim deuh a, ngaihtuah tur zawng zawng hi kan la ngaihtuah hman lova. Chutih karah Member zahawm tak Pu Lalduhawma'n a rawn ngaihtuah hmana a rawn theh lut hi lawmawm ka ti a, lawmthu ka'n sawi hmasa duh a. Home Minister zahawm takin a sawi tawh ang khan Pu Speaker, kan Home Guard te hi State Sorkarin a duh ang anga a siama, an lawmman te tihsan mai mai theih a nih lohna lai a awm a, a chhan chu State leh Central-te inrawn zela tih chhoh a ngai a, kan ngaihthlak tawh ang khan 50/100 zel expenditure hi Central-in min re-imburse leh thin a ni. Chuvangin inremtih tawn lova kan lo tih vak kha chuan State Liability kha a pung cho zel dawn a, chuvangin sawiho hmasakte a tul thin a ni. Mahse, chuti chungin kan hriat theuh angin an dinhmun hi tihthat a tul tih alang a, tih that loh rual pawh a niin alang lova, kan han chhawr tangkai zia chu 'Voluntary Force' nimahselangin 'Regular Force' angin kan hmangin an duty hour pawh 24 hrs for 7 days in a week a ni tawp mai a ni.

Tin, chumi piah lamah chuan kan ngaihthlak tawh ang khan, mover zahawm tak khan a rawn sawi tawh ang khan leave mumal pawh an nei lo hrim hrim a, chutichungin Sorkar leh mipuiin thil tinrengah hman tangkai anni a. Hetah hian Bank 3 ah an duty a ni. Rural Bank-te, khatiang zawng zawngah khan. Tin, FCI Godown panga-ah an duty bawk a. Tin, D.C. Bangla leh an Inah, chu chu District 7-ah an duty bawk a. Tin, AIR, Mizoram State Transport, tuna Public Service Commission

zawng zawngah te. Tin, Chakma House leh House dang zawng zawngah an duty a ni. Khati zawnga chhut phei chuan an duty-na atang ringawt pawh khan kan hman tangkai zia a lang chiang hle a ni.

Tin, kan ngaihtlak tawh ang khan 1037 hi tuna an strength i a ni a. Central Sorkar-in 270 lak belh a rawn phal pawh hi hetiang a dinhmun siamthat deuh zawk ngaihtuahna a awm avang hian, kan hnawh rup rup ngam lova, a chhan chu liability te hi min share pui tur an nih avangin Central Sorkarin chu chu inbiakrem phawt tulin kan hotuten an hria a ni.

Tin, tunah hian an service condition-te tha zawka ruahman dante ngaihtuah a ni a. Chuvangin Service mumal zawka an thawhna tur atan tunah hian Law Department-in "Home Guard Act" an draft mek a ni a. Chutiang chu tuna thil awmdan a ni. Tin, tuna duty te hi nikhatah Rs. 143.00 a ni a. Pu Speakekr, hei hi "minimum wages skill labour" Grade II vanga ruahman a ni. Tunah hian Rs. 183 talah tihpun nise tih hi an duhdan a ni a. Chungte chu kan la ngaihtuah tur a ni a. Anmahni rawtna atanga heng hi kan hmuh niin ka hria a. Tin, Sorkar hian a thuhrimah ngaihtuah tula a hriat avangin an ration money pawh hi Rs. 550/- ang turin alo ruahman chhin lailawk a ni. Amaherawhchu, "subject to discusion' with the Central Government/Minister" a ni ang a. Tin, Rifles Allowance hi ngaihtuah tul awm chu a tihpun hi remchang dawn pawh nise Border Wing Home Guard 100% hian Arms keng lo a ni. 30% chauhin an keng a. Chuvangin an Rifles Allowance hi lo sang dawn ta pawh nise 30% chauhin Arms an ken avangin 70% midangte kha engtingge niang tihte ngaihtuah a ngai tel dawn a. Chuvangin rilru sen deuh a ngai dawn niin a lang.

Tin, Rank te hi tunah hian an nei ve a. Lance Corporal hian Rs. 50/- in a hlawh tam a, tin, Corporal-in Rs. 70/-, Surgeant-in Rs. 90/-, CSM (Company Surgeant Major) leh CQM (Company Quarter Master) in Rs. 110/- a ni a. Tuna ruahman chhinah chuan Lance Corporal hi Rs. 100/- Corporal hi Rs. 140/-, Surgeant hi Rs. 180/- CSM/CQM Rs. 220/- tih a ni. Chutiang chuan a tlangpuiin ruahman chhinna chu a awm tawh a.

Tin, Silai hi 303 a ni ber a. Chu chu Police Department atangin an hawh a ni a, chutiang chu an dinhmun tlangpui a ni a. Chuvangin, engtizawng pawn han siamtha dawn ta pawh ni ila, tunah hian Central nena inbiak hmasak phawt a tulin kan hria. Mahse, kan la ti hman lova.

Tin, hei I.R. Batallion kan neih teuh mai aite hi chuan Home Guard te hi nei pung thei zawk ila chuan an dinhmun siamthain kan State hi chuan kan hlawkpui zawkin a lang a ni. Tunah hian Sorkar hmasa atanga I.R. Batallion an lo Raise teuh atang hian kan Sorkar hian Liability kan ngah phah hle a ni. Recruitment te kha a fel vak lo tih Zoram mipuiten kan han hre lehngal a, chumi hnuah kang Batallion an raise zawng zawngte liability kha kan State sorkar hian kan phur tan a ni a. Rit angreng tak a ni. Tun hnuah chuan kan Sorkar hi chuan Home Guards kan strengthen rual hian Territorial Army zawngin kal ila tihte kan ngaihtuahna a ni a. I.R. Batallion hi thuneihna pumhlum kan nei lo lehngal a. A tira Initial Expenditure Central-in min tumpui piahlahmah hi chuan State Liability vek a ni tawh

bawk si a. Chubakah Central-in an duhna naah min lakchhuah sak thei bawk si. Chuvangin, keimahni ta lova sum sen vak vak hi a tha ber dawn em ni? tihte pawh hi ngaihtuah theih a ni a. Chungte avang chuan Pu Speaker, kan Home Guard te hi kan siamthat deuh a hi a tul a ni lawm ni tih hi kan hotute ngaihtuahnaah a lut tawh a ni.

Tin, chhiat tawh nikhuaah an Arte thih ringawt a ni tih kha a dik khawp mai. Chuvangin, tuna kan han sawi tawh ang khan Central nen kan inbia ang a, kan inbiaknaah te a remchang ta lo anih pawhin hemi kan inralna ang chi te hi chu ka tawng tu huatthu suhah, kangthelh vanga kang hlum pawh nilote pek kan tum anih chuan Central puihna kher lo pawhin kan ram leh hnam tana thawk duty laia thite hi chu inralna engngemaw chu awm awm tak a ni. Chuvangin, heng zawng zawng hi kan lo chhinchhiah ang a. Tin, Member zahawm tak Pu Lalduhawma'n thu min lo bengvara hmanhmawh a ngai a ni tihte min rawn hriattir a, Resolution a rawn pulut hi a lawmawm ka ti a, kei pawn ka support a ni.

S P E A K E R : Tunah Resolution neitu Pu Lalduhawma lo ko leh ilangin. Tichuan passed te rawn dil nghal selangin.

P U L A L D U H A W M A : Pu Speaker, a lawmawm ka ti takzet zet a, tun Session-ah hian record thar kan siam nualin ka hria a. Resolution No. 5-na, 3-naa han tlathla te hi thil danglam a ni a, tin, kan hriatna te a tam lova, nikhatah Resolution 3 kan han passed thei hi kei chu ka hriat wawi khatna a ni a, record a tlingin ka hria a. Chung zawng zawng ai record tling chu Opposition member-ina Resolution a moved chu kan zavaiin Ruling-te nen, inlawmpui takin kan in-support tlang hi he House-ah hian thil la awm lo a niin ka ring. Hrehawm thin tak mai chu Pu Speaker, thil tha tak nia kan hriatte kan han move ve thin a, helam atang hian, tunhmain, "A tha khawp maia, mahse," ti chungin kan han inphar thlak sak a, a tlak hnu lawkah ruling lamin a ngai tho kha an rawn pulut a, kan passed leh a, khatiang khan kan politic a ti hmelhem viau mai a. House boruak pawh hi a tichhian ka hria a. Vawiinah erawh chuan helam atanga rawtna lokal he sawrkar thar ina a hmalakna hmasate zinga tel ngei mai tur Home Guard-te dinhmun chawisanna hi opposition member-ina kan rawn putluh hi a tlang dawn nia ka hriat avangin hei hi record a ni a, thil thar a ni. Chuvang chuan kan House Leader rilru zauna avang a ni tih ka hriatin ama mimal chungah leh kan Ruling Member-te zawng zawng chungah hian lawmthu ka sawi a, sawi ka ba pawhin ka inhria a. Kan Home Minister zahawm tak chungah pawh khanin ka lawm lehzual a. Inthlan leh thleng khanin min han campaign pui niin ka hria. A lawmawm lehzualin ka hria a ni.

Tichuan, thinlung takin ka lawm a, vawiinah hian, kan Home Guard unaute zawng zawng pawhin he ri an hriat chuan an nupui fanaute nen zanin atang hian an chawei a tui sawtin ka ring a, thlamuang takin an awm ka ring a, kan duhdan kha resolution neituina ka move ai maha uar leh duham te pawh kan awm a, a lawmawm lehzual ka ti a. Sorkarin Central-te nena inbiain tha takin a rawn tipuitling chho ngei ang tih ka beisei a. Chuvangin chung kan beiseinate hlawhtlinna kan hmuh theihna turin he ka Resolution hi min pass pui turin House hi ka ngen a ni e, ka lawm e.

S P E A K E R : Tikhan Resolution neituin pass a rawn dil a, kan Resolution kha “Mizoram Home Guard Volunteer-te dinhmun hi tun aia tha zawka siam ni rawh se” tih a ni a. Hemi hi Resolution pass remti apiangin “Remti” ti rawh ule. (Remti) Remtilo kan awm em? Remti lo chuan ‘Remti lo’ Remti lo kan awm lova. Chuvangin kan Resolution - Pu Lalduhawma Resolution putluh “Mizoram Home Guard Volunteer-te dinhmun hi tun aia tha zawka siam ni rawh se” tih chu House-in lungrual takin a passed a ni.

Hemi Opposition lam Resolution han tihah kha chuan keimah ngei pawh Opposition-a ka awm lai khan “Mizo tawng hi 8th Schedule-ah telh ni rawh se” tih Resolution kha ka pulut a. Chutih laia kan House Leader chu tuna kan House Leader bawh hi a ni a. Opposition putluh hrim hrim ti lo khan khatih pawh khan khatihlai House zahawm takin min pass pui a, ram pum tan a tha tura a hriat hi kan Leader hi chuan Opposition lam putluh a nih leh nih loh lam ngaihtuah vak lo niin ka hria a, chu chu thil lawmawm tak a ni.

Awle, vawiin atan chuan kan chawl tawh ang a, Ni 21 leh 22 pawh khi Holiday a ni a, kan chawl ang a, ni 23, thla 3 2009 Thawhtanni dar 10:30 ah kan thukhawm leh dawn nia.

Sitting adjourned at 3:30